

聖一老法師述

地藏本願經講記

釋淨空敬題



◎ 佛教是佛陀對九法界眾生至善圓滿的教育。

◎ 釋迦四十九年所說的一切經，內容就是說明宇宙人生的真相。人生就是自己，宇宙就是我們生活的環境。

◎ 知覺名佛菩薩，不覺名凡夫。

◎ 修行就是將我們對宇宙人生錯誤的看法、想法、說法、做法，加以修正。

◎ 佛教的修行綱領是覺正淨。覺而不迷，正而不邪，淨而不染。並依戒定慧三學，以求達到此目標。

◎ 修學的基礎是三福，待人依六和，處世修六度，遵普賢願，歸心淨土。佛之教化能事畢矣。

精要十念法

謹提議以淨空法師宣說之簡要必生十念法，為淨宗學人今後之一般自修與共同之常規。茲說明於後：

自修者，即是日中九次之念十聲佛號法。是晨起與睡前各一次，日中三餐各一次，午前開工及收工各一次，午後開工及收工各一次，共計九次。每次稱念十聲四字或六字彌陀名號，原有日常定課可照常行之。

共修者，凡講經、開會、聚餐等無特定儀軌之集會，在共同行事之始，而行此十念法。亦即是約同大眾合掌同聲稱念十聲「南無阿彌陀佛」，而後始進行講經、開會、用餐等活動事宜。

按此自修與共修之十念法，有其特殊之法益。試舉如下：

一、此法簡單易行，用時少而收效宏，確實切要，可久可廣。

二、為「佛化家庭」之具體有效方法。

例如：於家庭中三餐時行之，則舉家之成員或信或不信皆蒙攝持不遺。且有佛化親朋鄰里，普及社會之大利益。

三、以簡單易行，一日九次，從早到晚，佛氣不斷。一日生活之中，佛念相繼，日復一日。久能如斯，則行人之氣質心性將呈逐漸清淨，信心與法樂生焉，福大莫能窮。

四、如能隨順親和，稱念十聲佛號，便有祛除雜染，澄淨心念，凝聚心神

，專心務道，以及所辦易成，所遇吉祥，蒙佛加佑，不可思議等之功德。

五、自修與共修，相資相融，資糧集聚，個人之往生在握，而共同之菩提大業，亦共成焉。

六、此法可以二法名之。試姑名之。

一為「淨業加行十念法」，是對已有行修定課者言，因此法是在原有之課業上加行之故。

一為「簡要必生十念法」，是指適於目前以及今後淨業學人中大部分無定課者言。因現今社會遞變，匆忙無暇，局礙多難故。而此法易集資糧，信願行之，平易圓具。而「都攝六根，淨念相繼」之標準，亦甚符合無缺。

因每次念佛時間短，易攝心及不懈怠故。又以九次念佛之功行，均衡分布貫穿於全日，全日之身心，不得不佛。亦即全日生活念佛化，念佛生活化。

總而言之，此法簡要而輕鬆，毫無滯難之苦，如此法大行，則淨業學人幸甚！未來眾生幸甚！諸佛歡喜。

南無阿彌陀佛

一九九四年諸佛歡喜日美國淨宗學會四眾同倫敬勸

目 次

淨空法師序	一
聖一法師敘言	三
• 忏利天宮神通品第一	一
• 分身集會品第二	七三
• 觀眾生業緣品第三	九五
• 閻浮眾生業感品第四	一一九
• 地獄名號品第五	一六五
• 如來讚歎品第六	一九五
• 利益存亡品第七	二三九
• 閻羅王眾讚歎品第八	二六三
• 稱佛名號品第九	三一五
• 校量布施功德品第十	三三九

- 地神護法品第十一
 - 見聞利益品第十二
 - 嘱累人天品第十三
- 三六五
三七九
四二七

序

甲子仲春，余應香江佛子之邀，為演六祖大師法寶壇經同參研習，以是因緣，得訪故人聖公長老於寶蓮。展讀聖師之地藏本願經講記，踴躍歡喜，不能自勝；復詳披究，見其詞坦義明、質直詣實、言近指遠，深契當機者也。夫佛法宗旨，不外教人覺而不迷、正而不邪、淨而不染，是謂之三寶也。而其修學入門，無有不從地藏始也；首求心地建設，明因果、詳事理、堅信心、啓智慧、光大孝道，止於至善之域，即心地無盡寶藏也。發之大字為慈悲，觀音表之；終始不離智慧，文殊表之；充實美滿、幸福之人生，普賢大行是也。是以四大士總表佛法全體大用，何迷信之有哉！以少宣傳，致令世人莫解正真，生種種誤會，自失勝利。惜哉！今聖師於劫後，欣逢勝緣，復演之九華，深得意旨，以名號、布施、見聞三品，結歸三寶，發明一經真實功德，利濟無窮，自非具

眼知識，莫能之也。讀竟如飲甘露、如獲至寶，即於講席，普勸流通，使天下學佛之士，各各了知，正修行路、不墮邪見、不造惡業、心開意解、增長福慧，庶不負佛祖之悲願，大士之宏誓，暨聖師之婆心苦口也。

佛曆三〇一一年清明前一日 華藏沙門淨空謹識

敘言

一九七九年，吾回祖國朝山，始登九華，瞻禮地藏菩薩聖跡，緬懷過去，無限感慨！八〇年復來，與群公晤面，交談甚歡。八一年再睹，名山增色，僧尼倍多，佛事齊備，梵音唱誦，晝夜無間。八二年因緣時至，諸山長老、普全和尚、仁德法師鼓勵之下，洽逢中秋佳節，開講本經。又承安上法師，允諾翻譯，佛協會領導同志協參贊助，諸緣成就，在祇園大殿，宣講地藏本願經。每日上午講經，下午寫稿，不期三十五日，案頭積稿，大致可觀。整個教理，包含深淺，初心學者，亦易研究。一方面明白佛教大意，一方面由解生行，離塵脫俗，無忝僧倫，置諸座右，不無小補。若在家修行，分明因果、酬報親恩、奉公守法、建立良好風紀、報效國家，亦甚適宜。此次講經圓滿，荷蒙縉紳大德，皆大歡喜，聖一非常感激。更有法會同仁，詢及縉稿問題，付印流通者，故略敘梗概，以待後緣云爾。

地藏本願經講記

四

一九八二年 農曆九月十九觀音聖誕日

聖一謹敘於大九華山旃檀林

地藏本願經講記

唐于闐國二藏沙門實叉難陀譯

忉利天宮神通品第一

此是三題，第一經題、第二人題、第三品題。

先講經題：

今日在九華山講地藏經，緣起三年前。一九七九年，我來九華朝山，初與仁德法師、諸山長老見面，又與馬書記相識。第二年——一九八〇再來九華，仁德法師即議擬欲不慧來山講經，我說祖國大德法師很多，何用後學來獻醜，是不敢當。一九八一年，復來朝山，此事重提，又加馬書記讚請。當時不過說說而已，不期今八二年，便成事實。佛說萬法從緣生，緣會即成，不我欺也。所以此次講經，實感謝仁德法師，及

諸山長老為發起人，更感謝馬書記，樂助其成。尤其是馬書記，為國、為民、為教、為九華山貢獻甚大。今日九華在全國名山中，不亞普陀山，每年都有超過千千萬萬人來朝聖跡，見聞隨喜，皆種善根。

今日祖國佛教落實——寺廟重興、培育僧才、佛法流通。南京刻經處，曾印普門品、金剛、法華、地藏等經，印得非常好，是線裝的。佛法既已流通，人人得以受持、讀誦；然而佛經道理很深，一般人不能瞭解時，須人解釋，因此就有講經法會。但是祖國法師甚多，用不著我來講，該請仁德法師及諸山長老，可是他們很客氣；我此次亦不過來祖國參學，向各位大德學習，其中有欠妥之處，還請各位大德指正。

在我們這個地球上，過去已有七佛出世：第一是毗婆尸佛，第二是尸棄佛，第三是毗舍浮佛，第四是拘留孫佛，第五是拘那含牟尼佛，第六是迦葉佛，第七是釋迦牟尼佛；將來還有彌勒佛等九百九十五佛出世。每位佛出世，都說法教化一切人；因為人人皆有佛性，從性起修，功

圓果滿，皆可成佛。

但是一般人迷而不悟，佛就對機說法，令其自覺。因為人的根機不同，佛說的法就多了。釋迦牟尼佛在三千年前，降生印度迦毗羅國，十九歲出家，五年參學，六年苦行，三十歲便成正覺。說法四十九年，講經三百餘會，所說的經中，有一部地藏經。何故佛要說「地藏經」呢？因為佛臨滅度時，還有許多眾生未曾悟道，在苦海中浮沈，佛特意將此等眾生，交給地藏菩薩去度，故說此經亦是『托孤付囑經』。此經在天上，佛為報母恩而說，又可以說是『佛門孝經』。地藏菩薩在因地中，多次為救母難，發大誓願：『度盡眾生，方證菩提。』以此功德願力，令多生父母離苦得樂，轉凡入聖，說是佛門孝經，一點不差。地藏菩薩以大神力，時時處處，度化眾生，離三途苦，得人天樂；在人天道上，方能修行悟道，又可以說此經是『人天因果經』。此經佛說已有三名，我不能盡說其義，希望各人自己去研習領悟。

平常諸方講經，多用天台宗五重玄義解釋經題，我今亦不能例外。五重玄義，玄者微妙難思，義者深有所以。五重者：一釋名、二顯體、三明宗、四論用、五判教相。「名」是假名：法本無名，諸佛為法安名。假名之下，必有實「體」，行者尋名得體。「宗」是宗旨：體非宗不會，得旨會體。「用」是功用：無量功用，不離本宗，因用明宗。功用現前，力有深淺，則「判」歸大小權實「教相」矣。是名五重。

此地藏經以人、法為「名」。以諸法成就為「體」，真如也。以願力度生為「宗」，依理發願也。以斷惑證真為「用」，依法修行也。以引權入實為「教相」，滿眾生願也。略標此經五重之義。

古德釋經題，有七種立名，不離人、法、喻（單三、複三、具足一）。以人立題者，如阿彌陀經。阿彌陀是梵語，此云「無量光」，即見性悟道之時，其光明無量；阿彌陀又名「無量壽」，吾人得法之時，了諸法本來，不生不滅，常住世間，法壽無疆。人即是法，所以以人立經

題。以喻立題者，如梵網經。時佛觀諸大梵天王網羅幢，因為說無量世界，猶如網孔，一世界，各各不同，別異無量。佛教門亦復如是，每一世界，教法不同，所以菩薩到無量世界，親近無量諸佛，盡行諸佛無量道法，勇猛精進，名稱普聞，方能成佛，是以喻也是法，因此有的經以喻立題。以法立題者，佛將所得之法，為人演說，如般若、涅槃、方等等經，皆是以法立題。大方廣佛華嚴經，是人、法、喻具足的經題。一一解釋。

此「地藏菩薩本願經」，以人、法為題。「地藏菩薩」是人，「本願」是法。菩薩二字，具足應云「菩提薩埵」。菩提是佛道，薩埵是眾生；菩薩就是上求佛道，下化眾生。所謂『發菩提心，行菩薩道』。菩薩欲度眾生，必須先求菩提，以菩提之法，方能下化眾生。欲求佛道，必須先度眾生，眾生度盡，菩提始現。所以上求菩提，即下化眾生；下化眾生，即上求菩提。兩名一義耳。

「地藏」是名，「菩薩」以德立名。地者，心地也。人心如大地，大地能生萬物，人人皆知；心地能生萬法，則眾不知，必假佛法，發明心地，心地含藏無量清淨功德，以此功德自度，自成佛道；以此功德度他，令他成佛道。何以故？此無漏功德，無自性故。所以能自度、度人，皆成佛道。佛法是平等的。孔子曰：『己立立人，己達達人，名之為仁。』也是這個道理。

地藏菩薩明白這個道理，就依理發願——眾生度盡，方證菩提。發先度人成佛之願，所以名為大願。又是本昔所發之願，故名「本願」——其本願在本經中，有四處說明。一切菩薩，皆有本願：例如文殊發願，令一切眾生得大智慧，發菩提心，此是文殊本昔之願；普賢發願，令一切菩薩修萬行、趨萬德，此是普賢菩薩本昔之願；觀音菩薩尋聲救苦，現身說法，此是觀音菩薩本願。不但菩薩有本昔之願，即釋迦如來在法華經中，亦顯露其本昔之願。方便品云：『舍利弗當知，我本立誓願

，欲令一切眾，如我等無異。如我昔所願，今者已滿足，化一切眾生，皆令人入佛道。』又云：『諸佛本誓願，我所行佛道，普欲令眾生，亦同得此道。』如是本願二字，的確是諸佛菩薩，在本昔發心時，所發之願也。

地藏菩薩昔日所發之願，從願起行，由行得力；得神力時，就能度一切眾生——已成佛、當成佛、未成佛。則地藏之願，眞實不虛，故名「地藏菩薩本願經」。

地藏菩薩得大神力時，就能將一身分為無量身，一一身度百千萬億人，所謂「化現金容處處分」。佛滅度一千五百年，菩薩降跡新羅國王家，姓金，號喬覺。在我國唐朝高宗永徽四年，金喬覺廿四歲，祝髮。攜白犬善聽，航海而來，至江南青陽縣九華山，端坐九子山頭七十五載。至唐開元十六年，七月三十日夜成道，計九十九歲。時有閻老閔公，每齋百僧，必虛一位，請洞僧足數。洞僧乞一袈裟地，公許之；其衣徧

覆九華，遂盡喜捨。其子求出家，即道明和尚。公後亦離塵脫白，反而禮其子為師，故菩薩像，左道明，右閻公。菩薩端坐九華七十五載，深入禪定。禪定是神力之根本，大士獨居修禪時，九華山誌曾有大士送童子下山詩一首：『空門寂寞汝思家，禮別雲房下九華，愛向竹欄騎竹馬，懶於金地聚金沙。瓶添澗底休拈月，鉢洗池中擺弄花，好去不須頻下淚，老僧相伴有煙霞。』

九華昔叫九子山，因李白贈青陽韋仲堪詩而得名。詩曰：『昔在九江上，遙望九華峰，天河掛綠水，秀出九芙蓉。』

「經」是通題，通一切經故。經之一字，在中國解釋，有訓常，三世不易故；訓法，十方同尊故；訓貫，貫串一切法故；訓攝，攝化所度機故。

又依我國聖賢之典曰「經」，因此佛經也名經；多加一契字，謂如來所說之法，上契諸佛之理，下契眾生之機。如來說法，應機設教，不

深不淺，故能契理，又能契機。法華經方便品云：『舍利弗，如來能種種分別，巧說諸法，言辭柔軟，悅可眾心。』據此文，則如來能將不可思議之妙法，以方便智而演說之。故能契理，又契機。

印度「經」之一字，梵語修多羅，含五義不翻。一、湧泉，義味無盡。故凡誦經者，至心誦一次，可能領會一義；無量次，則解無量義矣。二、出生，能生妙善故。凡誦經者，不久依仗經力，化剛為柔、變愚成智、罪滅福生，成就種種善法。三、繩墨，楷定邪正故。修行邪正，以經語為準則。金剛經云『有四相，即非菩薩；無四相，乃名菩薩』。四、顯示，能示正理故。誦經相應，因地一聲，便得法悟道。如六祖聞金剛經，大徹大悟。五、結鬘，貫串諸法，莊嚴法身故。

次釋人題：

唐于闐國三藏沙門實叉難陀譯，是人題。

經是西國文，須人翻譯。最初翻譯是漢朝竺蘭、摩騰二位高僧，翻

四十二章經。其次，鳩摩羅什翻金剛、法華、維摩等經。迄唐朝，「實又難陀」翻八十華嚴，及此部地藏經。「實又難陀」是我國唐朝時，于闐國人。于闐是北印度國，此云地乳。因國王無子，禱毗沙門像，剖額得嬰兒；因不飲人乳，神像前，地隆起如乳狀，神童飲吮，長大為王，故以此立國名。

「三藏」是經、律、論。「經」詮定學、「律」詮戒學、「論」詮慧學。戒、定、慧三無漏學，是出苦海之津梁，超凡入聖之良藥。所以佛弟子，先持戒，令身口清淨；次修定，而動惑；後修慧，而拔惑。斷惑證真，則入聖域矣。

所以出家人必通三藏，以三藏之法為自師，亦為人師，名三藏法師。而號「沙門」者，乃實叉自謙。沙門是梵語，此云「勤息」——勤修戒、定、慧，息滅貪、瞋、癡。又云「息心」。四十二章經云：『辭親出家，識心達本，解無為法，名曰沙門。』「實又難陀」是譯者之名，

此云學喜。論語曰：『學而時習之，不亦悅乎。』此尊者勤學三藏，法喜現前，故名學喜。

忉利天宮神通品第一，這是品題。

地藏經三卷，十三品。大意如下：第一天宮神通品，與第二分身集會品，此二品明地藏乃能化之主。大士分身無量，深入泥犁，以孝行化，令出三途，生人天之幽冥教主也。第三眾生業緣品、第四眾生業感品、第五地獄名號品，此三品明地藏所化之機——即不孝雙親、不敬三寶、造業受苦者。第六如來讚歎品、第七利益存亡品、第八閻羅王讚歎品，此三品明度生之緣——即燒香、誦經、造幡、造像，種種善緣也。第九稱佛名品、第十校量功德品、十一地神護法品、十二見聞利益品、十三囑累人天品，此五品明成佛之因——即令人至誠念佛、布施財法、度盡眾生之菩提正因也。若明乎此則全經大旨洞然。

「忉利」是六欲第二重天，此云三十三，在須彌山頂。四埵各有八

天，中央善見天，是帝釋所居；帝釋是天王，餘三十二天是天子所居，合稱三十三天。如來出世，佛母七日歿，生此天。佛將滅度，故昇天為母說法，以報母恩。佛在忉利天的天宮裡現大神通，召集會眾，故名「天宮神通品」。「神通」二字，在中國易經有云：『陰陽不測之謂神，寂而不動，感而遂通。』縷絡經云：『神名天心，通名慧性；天然之慧，徹照無礙，故名神通。』予謂六根清淨皆得神通：眼根清淨，天眼通；耳根清淨，天耳通；身根清淨，神足通；意根清淨，有宿命通及他心通；若煩惱漏盡，即了生死，成就漏盡通。

佛以神通現種種身，具一切智，說種種法。如來有不可思議的神通，今佛在忉利天放無量光明雲，乃佛神通之一也。

如是我聞。一時。佛在忉利天。爲母說法。

今釋經文。諸經首皆具六種成就，證明是佛所說，又名證信序。第一信成就、二聞成就、三時成就、四說法主成就、五處所成就、第六眾成就，六事成就，方能說法。

第一信成就。不信何用聞，我們學佛，第一條件就是信。信仰三寶，絕對信，信之極點，證入三寶之體。三寶不從他得，佛寶者，汝之性也；法寶者，汝之智也；僧寶者，汝之行也。所以大智度論云：『佛法大海，唯信能入，唯智能度。』金剛經云：『信心清淨，即生實相。』實相者，三寶之別名。信則萬法現前，故一切經，從信而入。儒家則云：『不誠無物。』「如是」二字，是「信成就」；信則言「是法如是」。故信是第一成就。

第二聞成就。如是之法，我從佛聞。佛法雖大，或見色明心，或聞聲悟道——如來在世說法，弟子聞聲悟道。金剛經云：『若復有人，得聞是經，不驚不怖不畏，當知是人，甚為希有。』此是聞法直下承當，

從聞信入，故云『聞成就』。否則成就個什麼？

第三時成就。欲知佛性義，當觀時節因緣，時節若至，其理自彰。吾人修行，善根成熟，悟果自來。普門品觀音三十二應身，因善根成熟，乃現身為說法；若不成熟，雖說法亦不悟。今「一時」者，眾生善根成熟之日，即是如來說法之時。法王嘉會，說聽事畢，大眾獲法益，故云「一時」。若不獲益，云何云『時成就』。

第四說法主成就。佛為說法主。佛者覺也，無明夢覺，不但生死了不可得，而且佛境界現前；佛境界一一功德，皆能度眾生了生死，返迷歸悟，與佛相同。所以佛說種種法，能度種種眾生，故云『說法主成就』。

第五處所成就。佛說法必有處所，或者天上，或者人間；在人間說法多，在天上少。尤其是忉利天，佛曾兩次在忉利天說法：第一、佛初成道講華嚴經，上昇忉利天說十住品。第二、臨滅度時，與弟子俱上天

宮，三月安居，為母說法畢——即說此地藏本願經；以六道群靈，付囑地藏菩薩。在忉利天說此經，即是『處所因緣成就』。

第六聽眾成就。『為母說法』這一句是：佛有三身（法、報、應），法身清淨本具，報身功德修成，應身處處應化。若化身無而忽有，則不須父母；如應身示現人間，降跡西乾，示同人法，則有生身父母。

阿彌陀佛亦有父母。經云：『阿彌陀未成佛時，其父月上轉輪聖王，其母后殊勝妙顏。』釋迦佛，其父淨飯王，其母摩耶夫人。佛誕生七日，母后生天。佛成道，人間說法，有緣眾生度盡，但聖母未聞，所以佛昇天為母說法，聖母聞法悟道，即證須陀洹果。報答母恩，以盡孝順之道，令末法眾生，人人孝順生身父母。梵網經云：『孝順父母師僧三寶。孝順是至道之法，孝名為戒，亦名制止。』所以如來為母說法，宣揚孝道；儒家亦有『百善孝為先』之說。佛經云：『孝順是至道之法。』古德云：『在家無孝子，出家無高僧。』又云：『稽首三界主，大孝

釋迦尊，累劫報親恩，積因成正覺。』觀此偈，則釋迦成佛道的正因是孝；因孝順心積德而成正覺。為母說法，眾弟子皆聞，皆增長孝順善根，此是『眾成就』。

爾時。十方無量世界。不可說不可說。一切諸佛。及大菩薩摩訶薩。皆來集會。讚歎釋迦牟尼佛。能於五濁惡世。現不可思議大智慧神通之力。調伏剛強眾生。知苦樂法。各遣侍者。問訊世尊。

此乃隨喜孝順、讚歎五濁度生之文。

十方諸佛與釋迦同體。釋迦孝順，十方孝順；釋迦說法，十方說法。十方諸佛與釋迦牟尼，無有彼此之分；所以十方諸佛功德相同。佛佛道同，眾生迷而不覺，故有彼此、你我之分。今日釋迦為母說法，十方

諸佛來集，隨喜讚歎，同讚釋迦牟尼佛，在穢土教化剛強難化眾生，演說甚深、希有、難信之法，是為甚難。良以諸佛在淨土成佛，無五濁，容易信此法；在五濁惡世教化令信，是為甚難。所以為諸佛稱揚讚歎。

五濁者：

(一) 見濁。良由諸法乃和合因緣而生，無有諸法自性；眾生不解，妄見諸法，執為實有，便起自他、人我、彼此之見。有人我見，不能見道，故云見濁。

(二) 煩惱濁。因有人我、彼此對立，於中便起是非，而生憎愛、怨親、嫉妬等煩惱，熾然不息，故名煩惱濁。

(三) 衆生濁。煩惱內薰，發動身口七支，造取捨、憎愛等業，隨業受報，六道輪迴，故有眾生濁。

(四) 命濁。既有輪迴，則有一期受報；壽夭窮通，各各不同等命運，故名命濁。

(五)劫濁。前四濁熾盛，三災競起，眾苦充滿，故名劫濁。

既有五濁覆障，則一實之理難顯，故如來以大神通，現種種身；以大智慧，說種種法；從實施權，以方便力，化其出三界、離五濁。過五百由旬，到寶所，則人人知三界生死是苦法，出世涅槃是樂法；從此超凡入聖，故云「知苦樂法」。若非方便力，則五濁難離，剛強難化；所以諸佛讚歎釋迦如來善用方便，以大智慧神通，調伏眾生，知苦樂法。法華經云：『定慧力莊嚴，以此度眾生。』定慧力者，即不思議神通智慧也。此經在法華經後說，應作如是解。

釋迦牟尼是梵語，此譯能仁、寂默。能作佛事，仁濟眾生；寂然不動，默契真理。用悲、智立名，是娑婆教主。本師釋迦牟尼佛，是我們的師父，我輩皆依佛學，隨佛出家，故云『本師釋迦牟尼佛』。

諸佛從十方不可說不可說世界來，就有不可說不可說這麼多佛。一世界一佛，每佛帶一侍者——是大菩薩，俱來天宮。所謂『主與伴俱，

果與因來』。佛佛遣侍者，問候釋迦世尊：『在娑婆世界廣度眾生，身心安樂否？少病少惱否？眾生易度否？教化眾生，得無疲勞耶？』

「世尊」是佛之通號，一切佛皆稱世尊——為世出世間所共尊，故名世尊。

是時。如來含笑。放百千萬億大光明雲。

諸佛各遣侍者，問訊世尊，讚歎如來，能於五濁，調伏剛強諸眾生，知苦樂法。如來不居功，故含笑；笑『眾生自悟、自度，與我何有哉』。一切眾生自性皆含一切功德，能度一切苦厄；所謂病中有藥，而不能自覺。如來亦不過以眾生之覺，覺眾生之迷；破眾生之迷，顯眾生之覺，令其自覺、自悟、自度而已。假如眾生自無功德，任如來怎樣說法，亦不能度。含笑者，微笑也。如來笑一切眾生本來是佛，而不自覺；

又笑一切眾生，聞佛說法，即能自悟、自度，故佛笑得過。世尊拈花，迦葉微笑，也是這個道理。所謂『世尊有密語，迦葉不覆藏』。故此微笑，今日亦復如是——諸佛有密語，世尊不覆藏；眾生具密語，如來不覆藏。微笑者，笑眾生是佛，而不自覺耳。佛法在平常日用中，眾生日用之，而不自覺，能不令悟者微笑！孔子曰：『二三子以我為隱乎？吾無隱乎爾！吾無行而不與二三子者，是丘也。』大道在目前，雖在目前而難睹，所以令聖者愍之。今日如來度眾生，只不過因眾生本具光明而自度之，如來不費吹毫之力，豈不令佛微笑！

到底眾生自性具有幾許功德！今日如來含笑，放百千萬億大光明雲，乃是眾生本具功德，唯佛乃能知之。

所謂大圓滿光明雲。

此光明雲，若獨佛有而眾生不有，怎能稱「圓滿」呢？既稱圓滿，則佛有眾生亦有，方叫圓滿。所以如來先放眾生自性本具「圓滿光明雲」。表示眾生與佛無異無別也。

大慈悲光明雲。

眾生自性，能與法界之樂，能拔法界眾生之苦，故名「大慈悲光明雲」。

大智慧光明雲。

眾生自性，能斷一切無明煩惱惑，故名「大智慧光明雲」。

大般若光明雲。

眾生自性，有大智慧，照見世出世間一切法。若事若理、若因若果、若凡若聖，無一時而不照、無一法而不知，照窮法界，故云「大般若光明雲」。

大三昧光明雲。

眾生自性，從性起用，凡有所作，無非三昧。所謂食飯三昧、語言三昧、說法三昧、念佛三昧、禮佛三昧、現色身三昧，乃至八萬四千陀羅尼三昧、人空三昧、法空三昧、真如三昧，有如是等無量三昧，故名「大三昧光明雲」。

大吉祥光明雲。

眾生自性，凡有所至，無不罪滅福生、惑去智來、逢凶化吉、遇災成祥、聾者能聽、啞者能言、病者痊癒，故名「大吉祥光明雲」。

大福德光明雲。

眾生自性，能令眾生得人天福、人王福、天王福、梵王福、聲聞福、緣覺福、辟支佛福、菩薩、諸佛圓滿福，故名「大福德光明雲」。

大功德光明雲。

眾生自性，能令一切眾生斷見思惑、塵沙惑、無明惑、八萬四千塵

勞煩惱，究竟得涅槃之樂，故名「大功德光明雲」。

大歸依光明雲。

眾生自性，自有一體三寶，為一切眾生自歸、自依。所謂「自歸依佛、自歸依法、自歸依僧」。

大讚歎光明雲。

眾生自性，具有三寶無量無邊功德，讚莫能窮，故名「大讚歎光明雲」。放如是等不可說光明雲周徧法界，六祖所謂「自性具恆河沙功德」者，是也。

放如是等不可說光明雲已。又出種種微妙之音。所謂檀波羅密音。尸波羅密音。羼提波羅密音。毗離耶波羅密音。禪波羅密音。般若波羅密音。慈悲音。喜捨音。解脫音。無漏音。智慧音。大智慧音。師子吼音。大師子吼音。雲雷音。大雲雷音。出如是等不可說不可說音已。

又從自性能出種種微妙之音，度脫眾生種種煩惱，成就種種功德。
所謂「檀波羅密音」：眾生自性能生、能捨，猶如大地能生萬物、能捨萬物，供養一切眾生。又如湧泉，湧而復湧，湧徧大地，利益動植物。自性亦復如是，能捨財、捨法、捨神力，利益眾生。燄口所謂『開濟物利生之門』，三檀等施。

「尸波羅密」：眾生自性無染——不染五欲六塵，使到三業清淨。

燄口所謂『身業清淨，證無上道；口業清淨，證無上道；意業清淨，證無上道』。

「羼提波羅密」：自性無生，所以一切惡念、惑念，皆本自不生，而證到生忍、法忍、無生法忍。忍則諸惡不生，故名羼提。波羅密即是到彼岸。心生是此岸；心不生不滅，即到波羅密之彼岸。

「毗離耶波羅密」：自性無間斷，是名精進。易經云：『天行健，君子以自強不息。』就是精進之意。無妄名精，悟理名進，祛妄悟理，故名精進。普賢行願品云：『念念相續，無有間斷，身語意業，無有疲厭。』就是精進之意。法華經云：『善男子，我與阿難等，於空王佛所，同時發阿耨多羅三菩提心。阿難樂多聞，我常勤精進，是故我已得成阿耨菩提，而阿難多聞故，護持我法。』修行貴乎精進，如雞孵卵，不能間斷；如貓捕鼠，不可須臾離也。若能精進，七日無間，尅期取證，往往悟道。故名「精進波羅密」。

「禪波羅密」者：梵語禪那，此云靜慮，靜中思慮。靜是止，慮是觀；靜慮者，止觀之別名也。大學云：『知止而后有定，定而后能靜，靜而后能安，安而后能慮，慮而后能得。』儒、釋皆以此法用功。所謂不假禪那，無有智慧。若止觀齊修，定慧等持，意中清淨，便到彼岸，故名「禪波羅密」。

「般若波羅密」者：般若稱為妙慧，即是良知。智是心之性；水以濕為性，火以熱為性，地以堅為性，心以智為性。心生一切法，智知一切法；知而無知，無知而知；知一切法，離一切相，得一切智，故名般若。般若知一切法，而不著故，能空我、法二執，證二空真如之理，到真如之彼岸，故名「般若波羅密」。

上來六波羅密是自度，下「慈悲音、喜捨音」是利他。「慈」能與樂；「悲」能拔苦；「喜」者，隨喜他人一毫之善；「捨」者，所修功德，回向法界眾生，自不享受。如金剛經云：『以諸菩薩，不受福德故

。菩薩所作福德，不應貪著。』即名為捨。

「解脫音」，令眾生離生死苦；「無漏音」，令得涅槃樂。「智慧音」，知世間法；「大智慧音」，知出世間法。「師子吼音」，說三乘諸法；「大師子吼音」，說一乘法。「雲雷音」，在娑婆世間現身說法；「大雲雷音」，在華藏世界說法，所謂『現身如雲，說法如雷』。

「出如是等不可說不可說音已。」自性具有如是功德，則何生而不度，何佛而不成！所以如來含笑，顯示眾生各各具有如是功德，遇緣即能自悟、自度矣。『度盡眾生，不見眾生得滅度者』，是故如來含笑，諸佛亦含笑。地藏經大旨，盡在於斯矣。

娑婆世界。及他方國土。有無量億天龍鬼神。亦集到忉利天宮。

此乃見光來聚之文。

如來放光明雲，徧覆法界，出微妙音，亦周沙界；法界有緣眾生，見光、聞音，均來集會忉利天宮，聽釋迦佛臨終說法。從娑婆世界及他方世界來，都有無量天龍鬼神之眾。何故以龍鬼之身而來聽法？因為有的眾生乘急戒緩，戒緩故做龍做鬼；乘急故有聞法的善根。若人堅持戒律，又多誦經，乘急戒急，則以人天尊貴之身，而聞佛法矣。

此世界是名娑婆，在華藏二十重世界海中，屬第十三層（極樂世界也在十三層）。華藏世界海中有無量世界，此世界是無量中之一，梵語娑婆，此云堪忍。此世界的眾生，皆能忍受貪、瞋、癡三毒及諸煩惱，能忍斯惡，故名忍土。不但娑婆世界的天龍鬼神，乃至十方無量世界的天龍、鬼神，見光、聞音，知釋迦牟尼不久滅度，所以皆來天宮聽佛付囑。

所謂四天王天。忉利天。須燄摩天。兜率陀天。化樂天。
他化自在天。梵眾天。梵輔天。大梵天。少光天。無量光
天。光音天。少淨天。無量淨天。徧淨天。福生天。福愛
天。廣果天。無想天。無煩天。無熱天。善見天。善現天
。色究竟天。摩醯首羅天。乃至非想非非想處天。

此段文，先講娑婆世界的天眾。

天者，天然。有天然之福享受，思衣得衣、想食食來、天衣無縫、
甘露自至、不假造作，故名為天。

欲界有六天：

第一、四天王天：在須彌山腰，為四大天王所居。須彌山東，黃金
埵，持國天王所居；南方琉璃埵，增長天王所居；西白銀埵，廣目天王

所居；北水晶埵，多聞天王所居。由於布施、持不殺生戒、孝順父母，歿生此天，壽命五百歲。人間五十年，為此天一晝夜。

第二、忉利天：居須彌山頂，單修十善，無禪定功，歿生此天，壽一千歲。人間一百年，為此天一晝夜。

第三、須燄摩天，此云『善時分』。日月光明照不及，以蓮花開合為晝夜；又自身發光明，不假日月之明，故名善時分。

第四、兜率陀天，此云『知足』。於五欲境，常自知足。又有內外院之分，內院補處彌勒菩薩所居，外院天人所居。

第五、化樂天：自能變化五欲之境，而自享受。

第六、他化自在天：不勞自化，他天為化欲境，而自享受，故名他化自在。欲界魔王亦居此天。

上來六天，天福自然，而未離飲食、男女、睡眠之欲，故名欲界。

色界四禪，共十八天。初禪有二天：

1. 梵眾天：離欲得禪，故名為梵；其色清淨，故名色界；眾者，民也。梵天人民，故名梵眾天。

2. 梵輔天：此天內有覺觀，外有言語，以語言輔助梵王宣揚梵德故名。

3. 大梵天：即大梵王，其名尸棄，主領大千世界。

二禪有三天：

1. 少光天：此天禪定力勝，定體發光故名。

2. 無量光天：此天禪定轉勝，故光明無量。

3. 光音天：此天禪定更勝，內無覺觀之細念，外無言語之粗曠。但以種種光明，代表種種音聲，故名光音天。

三禪有三天：

1. 少淨天：禪力轉增，離初禪之喜心，得淨定之樂境故名。

2. 無量淨天：定增樂增，淨樂無量。

3.偏淨天：寂淨之樂，周偏身心；三界之樂，以此天為第一，故名偏淨天。

四禪有九天：

- 1.福生天：一切福中，以禪定之福最勝，故名福生。
- 2.福愛天：福無邊中，得妙隨順故名。
- 3.廣果天：凡夫人天中，此天果報最為殊勝。
- 4.無想天：又名外道天。外道壓迫妄想，妄想不生，一定定五百劫，三界中無處可安置，故居此天。
- 5.無煩天：是阿那含果，下界惑盡，上界惑薄，故生此天，緣真斷惑。
- 6.無熱天：也是阿那含果，居此所斷之惑，轉見微薄。
- 7.善見天：障微定勝，見色明澈。
- 8.善現天：何只見色，又能現色。

9. 色究竟天：至色邊際，最極之處，一念空色，便離色界。

摩醯首羅天：以定得大自在，又名大自在天。此天王三目、八臂、乘白牛、執白拂，一念之間，能遊大千世界；一念之頃，能知大千世界雨滴頭數。

乃至非想非非想處天，是名無色界四天。

第一、空無邊處天：從色界四禪，以方便力，滅可見可對色、又滅不可見可對色、更滅不可見無對色；三色一滅，便出色籠，但見虛空無邊，故名「空無邊處天」。

第二、識無邊處天：此天再用方便力，滅空識現，但覺識心無邊際，故名。

第三、無所有處天：再用方便力滅識，識滅一切皆無故。

第四、非想非非想處天：再以定力滅無，無滅想現；又以定力滅想，想滅無現。總不能想與無及我，三者一時俱滅，所以滅而非滅。昔日

黃龍禪師斥呂洞賓「饒經八萬劫，終歸落空亡」者，此定也。

以上雖能滅色而『無色』之籠不能跳出，故云『無色四天』。欲、色、無色是三界，天福享盡，隨業受報，六道輪迴，不出火宅，今見佛光音，皆來集會。同時龍眾、鬼神等，亦來集會。

一切天眾。龍眾。鬼神等眾。悉來集會。

此文乃是如來放光演音，一切有緣眾生皆來集會。

有緣者，與佛有緣，曾在三寶種善根。佛雖慈悲，無緣不度，無善根不能從佛聞法，所以我們現在應該禮敬佛、多念佛，與佛結緣，將來就能見佛。多誦經、多聞法，八識田中有佛法的種子，將來就能見佛聞法；否則佛不能見、法不能聞，那就苦了。今日如來放光明雲，出微妙音，天眾、龍眾、鬼神等眾，因有緣故，就能見光聞音，來聚天宮。不

但娑婆世界，天龍鬼神來會，十方無量世界，天龍鬼神亦來聚會。可知如來的光音，徧十方世界故。

復有他方國土。及娑婆世界。海神。江神。河神。樹神。
山神。地神。川澤神。苗稼神。晝神。夜神。空神。天神。
飲食神。草木神。如是等神皆來集會。

此乃有職位之神，亦來集會。雖身系職，但知如來不久滅度，而不能不來。

「海神」：水之大者名海，海神名海若。此神依海而住，海亦即他的家。例如：我們假借男女身體而作為人，若離身，但有神魂，不名為人。豈不聞借屍還魂這一回事嗎？

「江神」：名江伯。例如中國有長江、珠江、黑龍江。俗云伍子胥

歿後，為錢塘江神。

「河神」：名宓妃。中國黃河最長，印度恆河最大。

「樹神」：凡樹必有神，若神離樹，其樹必枯。所以佛戒弟子，不可斫樹。九華山志云：『王南塘遊九華，夢一老人前曰：「樵夫欲相害，公幸援之。』明日上山，見數樵夫，欲斫古松，而悟求援者，乃松也。約計值籌之，復構亭於其下，曰一松。』

「山神」：五岳皆有神，是大神。山大神大，山小神小，神依山住。

「地神」：閻浮提地神叫堅牢，本經有地神護法品。

「川澤神」：川是小水，澤是湖澤。例如洞庭湖神。

「苗稼神」：禾未秀者為苗，禾秀成實名稼。后稷教人耕種，死後為苗稼神。

「畫神」主畫。「夜神」主夜。善財五十三參，曾參普德等主夜神。

。「空神」名舜若多。「飲食神」即灶神，佛教名「監齋使者」。「草木神」，依草附木，乃至種種藥草皆有神依附。所謂『疾疫世化為藥草，饑饉時變作稻糧』。如是等職事之神，皆來集會。

復有他方國土。及娑婆世界。諸大鬼王。所謂惡目鬼王。
噉血鬼王。噉精氣鬼王。噉胎卵鬼王。行病鬼王。攝毒鬼
王。慈心鬼王。福利鬼王。大愛敬鬼王。如是等鬼王。皆
來集會。

此乃鬼王來集之文。

如來放光明雲，天龍鬼神，皆來集會。現在講鬼眾，鬼王屬陰世間
。世間有陰有陽，有幽有明。『明』陽世間，是天與神共居；龍或陰或
陽；唯鬼屬陰，居陰間。人死亦居陰間。陽盡陰現，所以陰間有無量鬼

，必有鬼王統治之，令其不越矩，不敢為非作歹，胡作妄為，損惱眾生。地藏菩薩是幽冥教主，教化幽冥眾生，改惡生善，捨邪歸正，歸依三寶，離三途得人天樂。鬼王亦各司其職，以助冥化，利樂有情。

「惡目鬼王」者，目露兇光對付惡人、惡鬼，令其回惡向善。

「噉血鬼王」者，諸鬼噉諸鮮血，常遊屠宰之場，以腥羶為食，需有鬼王而統治之。

「噉精氣鬼王」即毗舍闍鬼，狀如小兒，專食人精氣。放逸之人，搖動其精，此鬼得其便而食之。又食五谷（穀）之氣，令其耗損，故有鬼王統之。

「噉胎卵鬼王」，孕婦三月成胎，十月胎出，諸惡鬼爭噉其胞衣，亦有鬼王統之。

「行病鬼王」即瘟疫使者，若富單那鬼，主人寒熱之病。此是以鬼王身，懲諸作惡者。

「攝毒鬼王」，此鬼王心慈，能攝龍毒、蛇毒、蠱毒及一切毒。

「慈心鬼王」，常以樂事施人，念念愛護眾生。

「福利鬼王」，如城隍、土地等，救人之禍，利人之福。

「大愛敬鬼王」，愛護持戒修行，拜佛念經者。此是以鬼王身，勉諸修善者。

此國土、他國土，如是等鬼王，見佛光明，聞佛法音，皆來集會。

爾時釋迦牟尼佛。告文殊師利法王子菩薩摩訶薩。汝觀是一切諸佛菩薩。及天龍鬼神。此世界。他世界。此國土。他國土。如是今來集會。到忉利天者。汝知數不。

此乃法性化物，難知其數之文。

有的知法性已成佛；有的知法性當成佛；有的知法性未來成佛。梵

網經云：『汝是當成佛，我是已成佛，常作如是信，戒品已具足。』已成、當成，不離法性；法性無已當，已當是假名。悟法性時，無已當未來之別。偈云：『法性如大海，不說有是非，一切凡聖人，平等無高下，唯在心垢滅，取證如反掌。』佛說法度人，佛以法為師，佛得法成佛，法是佛之師。以法度人，難知其數啊！故問文殊：「今日來天宮聚會者，汝知數否？」

文殊是古佛，過去成佛，號龍種上尊王佛；現在北方歡喜世界成佛，號歡喜藏摩尼寶積佛；未來成佛，號普現如來。現在帶果行因，從本垂跡，跡現菩薩身，輔助釋迦。文殊師利，此云『妙德等』。了了見佛性，猶如妙德等。一切智慧中，以見佛性智慧，最為第一。文殊教一切菩薩發菩提心，了見佛性，所以名為大智文殊。以見佛性，必破無明，非大智不能破無明，得大智即見佛性，從性起修，方能成佛，所以文殊是諸佛之母。

文殊師利白佛言。世尊。若以我神力。千劫測度。不能得知。

此一段文，乃文殊輔助法化。

法無定性，有時說知，有時說不知；知與不知，無非利益眾生。今日文殊說不知，對眾生有利益——發起地藏大願之行，令佛滅度後，付囑眾生與地藏，則如來滅度，亦滅得安安樂樂。所謂『權巧之智，適化為宜』。文殊曰「若以我神力，千劫測度，不能得知」者，為地藏大願作弄引。顯示地藏大願，所度眾生，有的已成，有的當成，有的未來成，則地藏度生成佛之願，真實不虛矣。

佛告文殊師利。吾以佛眼觀故。猶不盡數。

佛有五眼：肉眼、天眼、慧眼、法眼、佛眼。傅大士云：『佛眼如千日，照異體還同。』大論云：『佛眼無事不知，無事不聞，無事不見。』一切法中，佛眼常照，云何不知，而云「不盡其數」者，乃釋迦抑果揚因，遜己尊彼，顯示地藏所化之眾，重重無盡，刻刻不停，用表地藏大願無窮。

此皆是地藏菩薩。久遠劫來。已度。當度。未度。已成就。
○當成就。○未成就。

此段開顯來天宮之佛、菩薩、天、龍、鬼、神，乃地藏菩薩唯心所造，唯願所成之文。

地藏證窮心地，隨願所成；出生三世如來，隨願所成，故有已成、當成、未來成者。晉譯華嚴經云：『應觀法界性，心造諸如來。』寒山

詩云：『一佛一切佛，心是如來地。』唐譯華嚴：『應觀法界性，一切唯心造。』地藏久證心地是如來藏，出生三世如來，以滿其度生成佛之願。三世如來者，已度生死，已成佛果者，今來天宮不可說不可說諸佛是也；當度生死，當成佛果者，今來天宮不可說不可說諸菩薩是也；未來度生死，而成佛果者，天龍鬼神是也。天龍鬼神從地藏教化，悟明心地，故且以天龍鬼神之身積功累德，行菩薩道，莊嚴心地，以求佛道，而功未圓，果未滿，所以將來成。

文殊師利白佛言。世尊。我已過去久修善根。證無礙智。聞佛所言。即當信受。小果聲聞。天龍八部。及未來世諸眾生等。雖聞如來誠實之語。必懷疑惑。設使頂受。未免興謗。唯願世尊。廣說地藏菩薩摩訶薩。因地作何行。立何願。而能成就不思議事。

此乃文殊權謀，發起地藏本願之文。

文殊曰：「我過去行菩薩道，先修根本智——了見自性本來清淨，屬如理智，又名無礙智；次修後得智——能通達無邊世界之事，屬如量智，又名無著智。若以我無礙智，觀如來所說，即聞即當信受。但未來末法之世，小果聲聞、天龍八部，智淺障重，雖聞如來所說，無不真實，設使頂受佛言，而不解其旨趣，必心生懷疑；惑久不解，難免發言興謗，則墮惡道矣！唯願世尊大慈大悲，廣說地藏菩薩，最初因地作何利益他之行，立何度生之願，而能成就不可思議神力，度無量眾生已成佛、當成佛、未來成佛呢？唯願世尊，為眾解說，令末法眾生，不生疑惑，斷疑生信，獲大利益。」

佛告文殊師利。譬如二千大千世界。所有草木。叢林。稻麻。竹葦。山石。微塵。一物一數。作一恒河。一恒河沙。

。一沙一界。一界之內。一塵一劫。一劫之內。所積塵數。盡充爲劫。地藏菩薩證十地果位以來。千倍多於上喻。何況地藏菩薩。在聲聞辟支佛地。

此乃地藏菩薩願遠行長之文。

大千世界的草木、叢林、稻麻、竹葦、山石、微塵，已不可計數，何況一物作一恆河；一一恆河沙，已多無數，何況一沙一世界；一世界內的一塵一劫，更多無量，何況一一劫內，所積塵數，盡充為劫，更不可量。地藏證十地果位以來所度之眾，比此無量之數，超過千倍於上。十地菩薩證佛法身，能分無量身，到無量世界，上供諸佛，下化眾生。十地者：初歡喜地，二離垢地，三發光地，四焰慧地，五難勝地，六現前地，七遠行地，八不動地，九善慧地，十法雲地。十地位滿，便證菩提，而地藏久證十地，而不成佛者，為度眾生故。其度生本願，廣大

甚深，所以能度無邊眾生，已成、當成、未來成菩提。又何況地藏在十
地以前，聲聞、辟支佛地，便開始度眾生。難怪乎，其願遠行長，故能
成就今日來會之眾多。

文殊師利。此菩薩威神誓願。不可思議。

此句結地藏菩薩從願起行，由行成就威神之力，不可思議。以此不
可思議神力，周徧法界，度脫無量眾生，離苦得樂，轉凡成聖。其神力
巍巍乎、蕩蕩乎，充滿世間矣！

若未來世。有善男子善女人。聞是菩薩名字。或讚歎。或
瞻禮。或稱名。或供養。乃至彩畫刻鏤。塑漆形像。是人
當得百返生於三十三天。永不墮惡道。

此文顯地藏神力充滿法界。

若有善根的男女，聞地藏名、念地藏的功德；念念無間，感應道交，則地藏的功德，透入此人心，此人仗地藏功德，百返生於三十三天享天福，同時又能見佛聞法，依法修行，止惡修善，永遠不墮惡道。讚歎地藏功德、瞻禮地藏功德、或稱地藏功德名號、供養地藏功德，乃至彩畫、塑漆地藏功德形像，如是等悉仗地藏神力，生於三十三天，永不墮惡道矣！

文殊師利。是地藏菩薩摩訶薩。於過去久遠不可說不可說劫前。身爲大長者子。時世有佛。號曰師子奮迅具足萬行如來。時長者子。見佛相好。千福莊嚴。因問彼佛。作何行願。而得此相。時師子奮迅具足萬行如來。告長者子。欲證此身。當須久遠度脫一切受苦眾生。文殊師利。時長

者子。因發願言。我今盡未來際。不可計劫。爲是罪苦六道眾生。廣設方便。盡令解脫。而我自身。方成佛道。以是於彼佛前。立斯大願。於今百千萬億那由他不可說劫。尚爲菩薩。

此是佛顯地藏，最初發願度生之文。

佛告文殊師利：「地藏菩薩，過去久遠不可說不可說劫，前身為大富長者子。當時有佛出世，號師子奮迅具足萬行如來。」師子能奮迅頓脫塵勞，前進後卻迅速自在，表菩薩入定，卻除微細障定之塵，出入三昧捷疾；便能證入一心，具足萬行；一即一切名具，一切即一名足。因此三昧力，而成正覺，從因德立號，故名「師子奮迅具足萬行如來」。如來者，從真如實際來成正覺也。

「當時長者子，見佛身三十二相、八十種好、光明炳著，心生仰慕

！又知佛相好，是百福莊嚴，三十二相，則三千二百福莊嚴。如是相好之福，不知佛修何萬行之行，發何四弘之願而得成就？從性起修名行，依理發誓名願。不知佛從性起何修，依理發何願，而能成就如是相好？師子奮迅具足萬行如來告長者子：『欲證佛身相好，必須長遠之時，度脫一切受苦眾生；眾生苦盡，佛功德自成，相好自現。』滅苦得好果，度苦是好因，欲得極好之佛身，須度極苦之眾生。文殊師利，時長者子，聞佛開示，便於佛前，發『盡未來際，不可計劫之時，度脫六道受苦之願』。從願起行，廣設方便，解脫六道罪因苦果，而自願方滿，我行始圓，方成佛道；而眾生無盡，所以其願亦無盡，無盡之願，故名『大願』。於彼佛前，立斯時長行廣之願，因此，於今過百千萬億那由他不可說劫，尚為菩薩，廣度眾生。』

又於過去不可思議阿僧祇劫。時世有佛。號曰覺華定自在

王如來。彼佛壽命四百千萬億阿僧祇劫。

此乃過去不可思議劫前，有佛出世之文。

佛不是常常出世，經過無數時劫，眾生善根成熟，感佛出世。例如釋迦滅度，我等善根成熟時，彌勒方出現世間。彌勒說法，大眾善根成熟，一聞法便悟道，所謂『龍華三會，度人無數』。過去不可思議劫，這麼長久時，雖有佛出世，眾生愚癡不知，而佛能知。因佛有三達之智，智慧知過去世無礙，猶如今日；智慧知未來世無礙；智慧知現在世無礙，故名三達智。

所以過去有佛出世，唯佛能知，佛號「覺華定自在王」者，以定、慧立名，「覺華定」是定，「自在王」是慧；覺者觀也，心如蓮華，以慧觀心，心開便入三昧，故名覺華定。如來藏經云：『佛觀一切煩惱心中，有如來結跏趺坐，儼然不動，德相具足。』此乃心中有佛，唯觀能

知，不觀則不知。「自在王」者，以慧照一切法，得大自在。如法華經云：『我為法王，於法自在。』自在者將一乘法說為三乘，將三乘說為一乘，故云於法自在。此佛壽命很長，四百千萬億阿僧祇劫。梵語阿僧祇，此云無央數。時世人民，壽命長故，佛壽亦長。

像法之中。有一婆羅門女。宿福深厚。眾所欽敬。行住坐臥。諸天衛護。

此乃聖女福厚之文。

「像法」者，佛滅度後，佛法流行世間，而有正、像、末之分。例如釋迦佛滅度，正法一千年、像法一千年、末法一萬年。彼佛亦復如是，正法滅後，像法之時，有一位婆羅門女，出現世間，此女是處女。「婆羅門」者，此云淨行；淨修梵行，志生梵天故，是印度之大姓也。婆

羅門女，宿福深厚。福有三福：一持戒福，二布施福，三修定福。三福具足，故名深厚。既然宿福深厚，品德純和，因此親戚宗親，人人欽敬。此女內定外慧，三業清淨，威儀具足，行住坐臥，常在定中，所以諸天善神，日夜翊衛擁護。

其母信邪。常輕三寶。是時聖女。廣設方便。勸誘其母。令生正見。而此女母。未全生信。不久命終。魂神墮在無間地獄。

此乃女母墮苦之文。

其母愚癡，善惡不分，邪正不辨，信仰外道，內起邪見，外輕三寶。三寶是苦海之慈航，敬之得福，輕之得罪，當時聖女見母如此背覺合塵，以是為非，輕賤三寶，得無痛心疾首耶！乃廣設種種方便，又勸又

誘，欲阿母捨邪見，生正見，尊敬三寶。但阿母邪見習深，未肯全信，輕心還在。不久阿母命終，魂神隨業墮在無間地獄了。

時婆羅門女。知母在世。不信因果。計當隨業。必生惡趣。遂賣家宅。廣求香華。及諸供具。於先佛塔寺。大興供養。

此乃聖女為母興供之文。

聖女有智慧，據因識果，知母在世，心生邪見、不信罪福、撥無因果（一切罪中，以不信真理之罪最大），計其不信之罪，死後必隨罪生於惡趣。如何能救呢？唯有供養，仗三寶之力，方能贖罪。遂賣其家宅，以資財廣求香華，種種供物，至覺華定自在王塔寺中，大興法界供。供養先佛及現在眾僧，以此功德，回向阿母。心大故供大，故曰「大供」。

養」。

見覺華定自在王如來。其形像在一寺中。塑畫威容。端嚴畢備。時婆羅門女。瞻禮尊容。倍生敬仰。

此乃敬如來之文。

聖女用種種供品陳列在前，至誠供養先佛；舉頭一望，見覺華定自在王形像在大殿中，塑畫逼真，宛如佛在，威德慈容，相好畢備。聖女至誠作觀，一瞻一禮，如在佛前，倍生恭敬孺慕。至誠作觀，禮佛功德難思議。

過去空王如來涅槃後，有四比丘同學佛法，功用力故，逼出無量煩惱；煩惱力大，不能自持，欲作惡業，將墮惡道，忽聞空中聲曰：『比丘，趕快入塔觀像，與佛在世，等無有異。』四比丘即時入塔觀佛像，

覩眉間白毫相，即作是念：『如來在世，與此何異，願佛大人相，除我罪垢。』由觀像懺悔因緣故，八十億劫不墮惡道；後成佛果，東方阿閦、南方寶生、西方無量壽、北方成就佛。可知觀佛如佛在，禮佛功德難思議。

私自念言。佛名大覺。具一切智。若在世時。我母死後。儻來問佛。必知處所。時婆羅門女。垂泣良久。瞻戀如來。忽聞空中聲曰。泣者聖女。勿至悲哀。我今示汝母之去處。

此一段文，聖女欲知母去處。

聖女供佛、禮佛畢，欲知母去處，私自心念：「佛名大覺，覺一切法，無一法而不覺，假如佛在世，我去問佛，必蒙佛慈悲指示我母所生

之處，令我心安，而今佛滅度，誰人能告我！」思而復思，不覺垂淚兩行。良久，無可奈何！唯要再瞻禮如來，因純孝動天，至誠感佛，忽聞空中有聲，告曰：「泣者聖女，勿過悲哀，我今指示汝母所去之處。」

婆羅門女。合掌向空。而白空曰。是何神德。寬我憂慮。我自失母以來。晝夜憶戀。無處可問。知母生界。時空中有聲。再報女曰。我是汝所瞻禮者。過去覺華定自在王如來。見汝憶母。倍於常情。眾生之分。故來告示。

此乃如來安慰聖女之文。

聖女聞空中有聲，能示母處，即時仰首，合掌向空，而白空曰：「是何方威神大德，寬解我憶母之憂慮。我自失母以來，日夜憶母、戀母，無處可問，知母生界。」當時空中又有聲報女曰：「我是汝所瞻禮者

，過去覺華定自在王如來，我雖滅度，而法身常住世間。見汝憶母倍於常人之情；眾生是如來所度，分內之事，故來告示。」

婆羅門女。聞此聲已。舉身自撲。肢節皆損。左右扶持。良久方甦。而白空曰。願佛慈愍。速說我母生界。我今身心將死不久。時覺華定自在王如來。告聖女曰。汝供養畢。但早返舍。端坐思惟吾之名號。即當知母所生去處。

此乃求示生母去處之文。

婆羅門女知空中發聲，安慰自己者，非別之神，乃覺華定自在王佛，滅而不滅，法身常住世間，冥中利益眾生耳。既知先佛現前，不顧一切，即時舉身自撲於地，為佛作禮，至令肢節皆損。左右侍婢扶持，良久方甦。醒過來而白空曰：「願佛大慈哀愍，速說我母生處，我今身傷

心碎，為見母故，將死不久。」時覺華定自在王佛，以聲告聖女曰：「汝供養畢，提早返舍，此非汝久住之處。返家後結跏趺坐，端身正念，思而復思，念我名號，念久兩忘，仗我神力，便到汝母所生之處。」

跏趺坐有單有雙。若以左足先加右足，復以右足加左足，名如意坐。若先以右足加左足，復以左足加右足，名降魔坐。

時婆羅門女。尋禮佛已。即歸其舍。以憶母故。端坐念佛
華定自在王如來。經一日一夜。

此乃精進不亂之文。

吾人修行，難得一心不亂。彌陀經云：執持彌陀名號，或一日，得一心不亂；否則繼續念，或二日、三日、四、五、六、七日，即得一心不亂。佛語不我欺，我們不妨試試，試時切莫生疑，所以古來用功，每

以七日為期。能精而不雜，進而不退者，不必七日，三、四日而達目的。今聖女是上根之人，依佛慈教，俄而歸家；以憶念早見母故，跏趺端坐，念覺華定自在王如來名號，一日一夜即得一心不亂，與佛神力相應，便入三昧，即到其母所生之地。

忽見自身到一海邊。其水涌沸。多諸惡獸。盡復鐵身。飛走海上。東西馳逐。見諸男子女人。百千萬數。出沒海中。被諸惡獸。爭取食噉。又見夜叉。其形各異。或多手多眼。多足多頭。口牙外出。利刃如劍。驅諸罪人。使近惡獸。復自搏攫。頭足相就。其形萬類。不敢久視。時婆羅門女。以念佛力故。自然無懼。

此乃一心仗佛神力，身到地獄之文。

「聖女念佛，一心不亂，仗佛神力，忽見自身到一海邊」。此海是業海，作業之人乃見，今聖女仗佛力亦見。其水如沸湯，好多惡獸，其身是鐵，飛走海上，東西馳走，追逐男女罪人——其數百千萬多，頭出頭沒，在業海中，被諸惡獸，爭取食噉。同時又見夜叉、惡鬼，其形各異，有的牛頭馬面、有的獅頭象身；如是惡鬼，有的多手多眼、多足多頭、口牙向外、利刃如劍，驅諸惡人，使近惡獸，惡鬼復以手搏，再以爪攫，令罪人頭足相就，與惡獸食……其受苦之形狀有千萬種，令人不忍久視。時婆羅門女，遊觀地獄，雖睹眾苦，以仗佛力故，自然不生恐懼。

有一鬼王。名曰無毒。稽首來迎。白聖女曰。善哉菩薩。何緣來此。

聖女以三昧力神遊地獄。地獄亦有執宰之官，如人間有地方長官一樣，當時地獄官鬼王，主理受罪之輩，其名曰「無毒」。害人之法，名三毒，貪、瞋、癡是也。這個鬼王雖治罪人，然心無貪、瞋、癡三毒，所以其不偏愛某個罪人，而減輕其罪；也不瞋某個罪人，而加重其罪；更不不分輕重，而亂治人之罪。治罪公平，皆由心無三毒所致，故云「無毒」。鬼王見聖女，形相非常，威儀出類，諒非負罪而來，必乘通而至。故曰：「善哉菩薩，何緣來此？」菩薩入地獄，一是遊觀，一是拔苦，故問何緣至此。

時婆羅門女。問鬼王曰。此是何處。無毒答曰。此是大鐵圍山。西面第一重海。

聖女疑已從來未到過此地，不知此是何處？叫什麼名？為善生天，

作惡墮淵，聖女多劫以來，未曾造罪，無罪不墮地獄，故不識此處名字。今忽然到此，故問鬼王曰：「此是何處？」無毒直答：「此是大鐵圍山西面第一重海。」

聖女問曰。我聞鐵圍之內。地獄在中。是事實不。無毒答曰。實有地獄。聖女問曰。我今云何得到獄所。無毒答曰。若非威神。即須業力。非此二事。終不能到。

聖女懂佛經，知四大部洲外，有小鐵圍山及大鐵圍山。「鐵圍兩山間，地獄在其中。」聖女欲徵其實，故問鬼王曰：「我聞鐵圍山之內，地獄在中，是事實否？」無毒據實而答曰：「實有地獄，如人間實有監獄。」聖女問曰：「我今生未造罪，何緣而至獄所？」無毒答曰：「有二因緣：一是威神，遊觀地獄，二是業力，牽生受苦。非此二事，終無

人願到。」聖女聞言，自知神遊地獄，奚何疑哉？

聖女又問。此水何緣。而乃涌沸。多諸罪人。及以惡獸。
無毒答曰。此是閻浮提造惡眾生。新死之者。經四十九日
後。無人繼嗣。爲作功德。救拔苦難。生時又無善因。當
據本業所感地獄。自然先渡此海。海東十萬由旬。又有一
海。其苦倍此。彼海之東。又有一海。其苦復倍。三業惡
因之所招感。共號業海。其處是也。

鬼王答業造地獄之文。

聖女自知親歷其境，何不問明地獄之因，將來好去破之。即問：「
目前所見之水，何緣湧沸如湯，又多罪人，及與惡獸？」無毒答曰：「
此是閻浮提造惡眾生，將性海變為業海，其水滾沸如湯，於中受諸苦。」

但地府亦有寬限，如人間一樣；新死來者，有四十九日限期，有人代其作功德，可以贖罪、免苦，或自己曾種善因，亦可將功抵罪，否則隨其本業所感地獄，先渡此海，在海中被諸惡獸食噉。此海東十萬由旬（四十里為一由旬），又有一海。前海是身業造罪，此海是口業造罪，其苦倍前，因口業容易造罪，且多故。復次彼海之東，又有一海，其苦復倍，乃意業造罪。意識念念造業，本經云：『舉心動念，無非是業，無非是罪。』所以其苦更重。合而言之，身、口、意三業造罪，自招自感，而成三海，共號業海，其處是也。』昔日聖女耳聞，今親到其處耳。

聖女又問鬼王無毒曰。地獄何在。無毒答曰。三海之內。是大地獄。其數百千。各各差別。所謂大者。具有十八。次有五百。苦毒無量。次有千百。亦無量苦。

聖女問無毒曰：「我只見三海，不審地獄又在何處？」無毒答曰：「三海之內，是大地獄，其數百千，各各差別，種種受苦，獄獄不同。所謂大地獄有十八，上等罪惡所感；次有五百，中等罪惡所感；次有千百，下等罪業所感。隨罪輕重，受苦各有差別。」

聖女又問大鬼王曰。我母死來未久。不知魂神當至何趣。
鬼王問聖女曰。菩薩之母。在生習何行業。聖女答曰。我母邪見。譏毀三寶。設或暫信。旋又不敬。死雖日淺。未知生處。

聖女遊地獄，不見生母，乃問大鬼王曰：「我母死來未久，不知其魂神當至何趣？」魂神者，陽神曰魂，陰神曰魄；人死魂不死，魂神隨業受報，聖女恐母墮惡道，故有此問。

鬼王問聖女曰：「菩薩之母，在生習何行業？行業有三，法句經云：『隨其所造業，罪福有果報，惡業墮地獄，善業生天上，高行生善道，得無漏涅槃。』未審菩薩之母，三業之中，屬何業耶？」聖女答言：「我母著邪見，譏毀三寶，但經我時時勸勉三寶功德；勸時則信，勸後還疑，依舊邪見譏毀。我想死雖未久，但計其業必墮惡趣，故吾急欲求知其生處，方可設法挽救。」

無毒問曰。菩薩之母。姓氏何等。聖女答曰。我父我母。
俱婆羅門種。父號尸羅善現。母號悅帝利。

此乃地府查姓問名，方可超度之文。

所以我們超度先人，必須寫清楚姓名，及親屬關係，方能按名超拔，若是普利，將功德回向十方孤魂，又不同。如聖女度母，鬼王問曰：

「菩薩啊！汝的母親姓什名誰，方可稽查。」聖女答曰：「我父、我母俱婆羅門姓，父號尸羅善現（梵語尸羅，此云性善，即華言善現），母號悅帝利，華言不詳。」婦必隨夫彰名，故先說父次說母。

無毒合掌啓菩薩曰。願聖者卻返本處。無至憂憶悲戀。悅帝利罪女。生天以來。經今三日。云承孝順之子。爲母設供修福。布施覺華定自在王如來塔寺。非唯菩薩之母。得脫地獄。應是無間罪人。此日悉得受樂。俱同生訖。鬼王言畢。合掌而退。

此乃一人修福，眾人蒙慶之文。

無毒一聞姓名，合掌歡喜，即時白菩薩曰：「聖者卻返人間本處，不必再憂母、憶母。悅帝利罪女魂神，曾到地府，云承孝順之子，為母

設供修福，興法界供，供養覺華定自在王塔寺。供佛之福力，令母罪滅福生，已生天上，經今三日。非獨菩薩之母，仗佛福力，得脫地獄，此日無間罪人，同時仗佛神力，悉同生天，皆得受樂。」鬼王言畢，合掌作禮而退。

婆羅門女。尋如夢歸。悟此事已。便於覺華定自在王如來塔像之前。立弘誓願。願我盡未來劫。應有罪苦眾生。廣設方便。使令解脫。

此乃福能滅罪之文。

凡夫造罪，統統是有漏罪，漏落生死。假如凡夫造福，也是有漏福，漏落生死。所以，有漏福不能滅有漏罪，唯無漏福，不漏落生死，方能滅有漏罪。無漏福，向何處求？向三寶求。例如：聖女供養三寶，仗

三寶神力，方能滅阿母之罪。何只阿母，而且又能普及大眾，令地獄同人，同時滅罪，齊生天上。猶如燃燈，不但光明照己，又能照一切人。聖女覺悟，三寶無漏功德，無有自性，無定性之福，周徧法界，能滅法界眾生之罪，又能與法界眾生之福。悟此事已，即刻到覺華定如來塔像，立大弘願，悟理發誓：「願我盡未來劫，所有罪苦眾生，廣設方便，仗三寶無漏之福，令其罪滅福生，乃至皆得解脫。」

佛告文殊師利。時鬼王無毒者。當今財首菩薩是。婆羅門女者。即地藏菩薩是。

此乃結會古今之文。

佛告文殊：「昔日鬼王無毒者，今日天宮無量菩薩中，財首菩薩是。」佛法有七財：一信、二戒、三多聞、四捨、五慧、六慚、七愧。佛

法以信為首，華嚴經云：『信為道元功德母，長養一切諸善根。』佛法
大海，無信不入。所以『信』心清淨，方能持『戒』，善由『多聞』，
聞故能『捨』，捨則生『慧』，有慧才能知『慚』『識』『愧』，故信為財
之首。財首者，十信菩薩之位也。「昔日婆羅門女，因行孝道，感母生
天；發大願，解脫罪苦眾生者，今地藏菩薩是。」

分身集會品第一

地藏經十三品，第一天宮神通品，第二分身集會品。十地菩薩破無明證法身，即能分身——將一身分為無量身，上供諸佛，下化眾生。法身如天上月，分身如水中月，所謂『千江有水千江月，萬里無雲萬里天』；上句譬分身，下句喻法身。法身，破無明方顯，如天無雲；分身，有機始現，如水現月。諸佛亦有分身，法華經見寶塔品，釋迦牟尼佛在靈山講法華經，多寶佛塔涌現其前讚歎『善哉』。大樂說菩薩白佛言：『世尊，我等欲見多寶佛身。』世尊曰：『多寶有宿願，欲開塔見其身者，彼佛分身諸佛，盡還集一處，然後我身乃出現耳。』即時世尊放白毫光，照十方無量世界，無量諸佛皆來集娑婆。娑婆以佛神力，變為淨土。寶塔戶開，大眾皆見古佛多寶，在寶塔內，生師子座，全身不散，此是釋迦分身。請看法華經，便知其詳。

修行見法身，就能分身。如中國誌公禪師，獄中有誌公，街上又見，到處見有誌公，此是分身。昔日文殊師利，三處過夏，迦葉欲擯，即見無量文殊。世尊曰：『汝欲擯那個文殊？』過去有一位老菩薩，十個徒弟，請到其淨室過年。果然十個徒弟皆說：『師父在我淨室過年。』分身與化身不同，化身是隨類化現，如觀世音菩薩三十二應身，應以何身得度者，即現何身而為說法，是名應化身；分身是分無量身，皆同一形。地藏是十地菩薩；初地破一分無明，證一分法身時，即能分身，何況十地，破十分無明，滿證法身，分身就多了。地藏發願度苦眾生，地獄眾生最苦，所以地藏分無量身到無量世界、無量地獄中救苦。今日世尊在天宮放光明雲，地藏會意，無量分身地藏來集天宮，聽佛臨終付囑，故名分身集會品。

爾時百千萬億。不可思。不可議。不可量。不可說。無量

阿僧祇世界。所有地獄處。分身地藏菩薩。俱來集在忉利天宮。

此乃分身地藏集會天宮之文。

地藏發願度苦眾生，地獄最苦，所以地藏分身到無量世界、無量地獄之中，教化罪苦眾生。每日三時說法，障輕者一聞法化，便離地府；業重者，雖不解法，日日聽聞，內薰為種耳。因此如來出世，亦無暇來見佛，今日如來臨終放光，地藏知佛住世不久，若此次不來，則無緣見佛了。

心地觀經云：『以身常處於地獄，非不親近大慈尊，以身常處于輪迴，非不親聞微妙法。』這兩句話，說地藏度眾生苦，無暇來見佛聞法啊！現在無量地獄中分身地藏，皆來集會天宮，到底有多少地藏呢？文中說百千萬億、不可思、不可議、不可量、不可說、無量阿僧祇，這麼

多。梵語阿僧祇，此云『無央數』。無量個阿僧祇，不可說算，這多無量；不可度量，這多不可說；不可用口議，這多不可量；不可用心思，這多不可議。數目太多了！因為地藏法身，徧滿虛空，有機即現，奚能說其數目哉！因為法身無為，不墮諸數，故不可說。可說是世間法，佛法不可說，超過數量啊！

○以如來神力故。各以方面。與諸得解脫。從業道出者。亦各有千萬億那由他數。共持香華。來供養佛。彼諸同來等輩。皆因地藏菩薩教化。永不退轉於阿耨多羅三藐三菩提。

此文乃地藏帶領地府所化的眾生同來見佛。

地藏菩薩，在幽冥界度眾生，到底度得度不得呢？因為眾生入地獄

，佛性亦入；眾生受苦，佛性不受苦，因佛性不作罪故。然佛性不捨眾生，而陪眾生入地獄，眾生造罪受苦時，佛性不受苦。因此，地獄眾生，皆有佛性。眾生既有佛性，日日三時聞地藏說法，聞得多，內薰為種子；種子起現行，眾生即時覺悟自己的佛性——未曾造罪、清清淨淨。見佛性而發菩提心，歸依地藏，懺悔前非，解脫業道，故云「從業道出者」。燄口有云：『無量諸聖賢，及諸業道官。』業道官，現鬼王身在地府行菩薩道。地藏在地獄教化眾生發菩提心，有些仍舊在地府修菩薩行，從來未曾見佛。今天與地藏同來，各有千萬億那由他數（那由他，此云百億），各各持水陸、草木之香花，用表敬心，來供養佛。

同來等輩，皆因地藏教化，不但見佛性，發菩提心，而且又從性起修，行菩薩行，權現鬼王身，利益受苦眾生，成就自利利他兩種功德。功德返薰菩提心，則念念流入薩婆若海，成就三不退。第一『位』不退，發菩提心是也。第二『行』不退，以鬼王身度生是也。第三『念』不

退，自利利他功德，返薰真如，念念流入毘盧性海是也。具此三不退，則不退轉于阿耨多羅三藐三菩提矣。梵語「阿耨多羅」此翻無上；「三藐」此翻正等；「三菩提」此翻正覺。欲求無上之佛果，須修正等正覺之佛因，因果合稱，故名阿耨菩提。正覺者，覺一切法無性，破我執也；正等者，法法平等，周徧法界，圓融無礙，離諸法相，破法執也。既能覺法無我，又能法法平等，則無上佛果可期，故云「無上正等正覺」。

是諸眾等。久遠劫來。流浪生死。六道受苦。暫無休息。以地藏菩薩廣大慈悲。深誓願故。各獲果證。既至忉利。心懷踊躍。瞻仰如來。目不暫捨。

此乃苦眾離苦觀佛之文。

眾生無始劫來，流落生死，不能自拔，受苦無量，若非佛法來救，永無出頭之期。迷真起妄，不見其始，故云「久遠劫來」。執妄為真，流落生死；死而復生，生而復死，生死死生，無有了期；如旋火輪，俄而為人、俄而生天、俄而作鬼、俄而作畜，六道輪迴，受無量苦。涅槃經云：『我昔與汝等，不見四真諦，是故久流轉，生死大苦海。』此一首偈，說不見四諦之理，則久遠流轉生死大苦海，不能自出。何謂苦？一身苦——老、病、死。二心苦——貪、瞋、癡。三後苦——地獄、鬼畜。迷妄眾生，於此三苦中，求暫休息，胡可得耶？故云「暫無休息」。幸遇到大慈大悲，深弘誓願的地藏菩薩，方便教化，返迷成悟，各證果。有的證阿羅漢果、初果、二果、三果；有的證初地、二地、三、四、五地。既離生死，又證聖果，今日各與地藏同到忉利，能不心喜踴躍禮拜如來光明德相！景慕之情目不暫捨耳。

爾時世尊。舒金色臂。摩百千萬億不可思。不可議。不可量。不可說。無量阿僧祇世界諸分身地藏菩薩摩訶薩頂。而作是言。吾於五濁惡世。教化如是剛強眾生。令心調伏。捨邪歸正。十有一二。尚惡習在。

此乃世尊安慰地藏度生勞苦之文。

地藏菩薩日日三時在地獄教化眾生，無暇來見世尊，今因如來將滅，趕來觀佛，所以世尊非常讚許。即時以一母陀羅臂、兜羅綿手摩無量分身地藏之頂，而慰勞之。讚地藏菩薩不辭勞苦，念念在幽冥界救度眾苦，而釋迦如來亦無量劫來在娑婆世界成等正覺。梵網經云：『吾今來此世界八千返，為此娑婆世界坐金剛華光王座。』如來在五濁惡世，教化剛強罪苦眾生，說剛強苦切之語，令其心調和善順，降伏煩惱，捨外

道邪見，而入佛法無我正見，悟真諦理，了生死、入涅槃，有緣的眾生，十分度了八九，尚有一二宿業、習氣重。是以此次成佛分千百億身，對機設教說種種方便，引歸佛道。釋迦心事唯有對地藏說，因釋迦與地藏皆是發願度苦惱眾生，所謂『同氣相求，同聲相應』。釋迦滅度唯有將極苦眾生付囑地藏去度。故見面摩頂，先安慰之。

吾亦分身千百億。廣設方便。或有利根。聞即信受。或有善果。勤勸成就。或有暗鈍。久化方歸。或有業重。不生敬仰。如是等輩眾生。各各差別。分身度脫。

此乃眾生根機差別之文。

眾生機宜，各各不同，有的離欲祛聰，根性最利，一聞即悟，信受佛法。如舍利弗，從馬勝比丘聞佛偈，曰：『諸法從緣生，諸法從緣滅

，我佛大沙門，常作如是說。』舍利弗一聞，便證初果。目犍連再聞，亦證初果，此皆根利之機。又黑氏梵志，手執合歡梧桐花來供養佛。世尊曰：『放下著。』梵志放下左手之花。世尊又曰：『放下著。』梵志又放下右手之花。世尊又曰：『放下著。』梵志即問：『今我兩手俱空，還教放下個什麼？』佛言：『我教你外放下六塵；內放下六根；中放下六識。』梵志依教，即時證無生法忍，也是利根之人。再有一日，外道來見佛曰：『不問有句，不問無句，請世尊道。』佛默然。良久，外道即悟，作禮而去。阿難問外道得個什麼道理作禮而去？世尊曰：『譬如良馬見鞭影，即入正道。』此等皆利根。

「或有善果，勤勸成就」。猶如艷喜難陀，過去以青黛塗辟支佛像，感得九十億劫，人間天上享樂。世尊欲度之，引其上天堂，即貪天女之美；又帶遊地獄，覩油鑊。鬼王曰：『佛弟難陀，持戒生天，天福享盡，入地獄來，我以此油鑊炸之。』難陀怖畏，求佛哀救。世尊曰：

莫貪五欲，勤修戒、定、慧，證涅槃時，則地獄與汝無份矣！」難陀懼地獄苦，勇猛精進，不久證阿羅漢果。又阿羅律尊者，被佛呵斥，精進七日，發半頭天眼，證四果。此皆善果之人，勤勸激勵，方能成就。

「或有暗鈍，久化方歸」。如莎伽陀尊者，性愚魯，五百羅漢，教持半句偈曰：『守口攝意身莫犯，如是行者得度世。』一百日，得前忘後，得後忘前。後來佛教執持掃帚，掃地除塵，三年纔證阿羅漢果，此乃久化方歸。暗鈍之機，一定要勤，勤能補拙；佛在世時尚然，何況滅後！末法之世，多是鈍機，應該勤苦，長遠用功，方有希望。

「或有業重，不生敬仰」。如提婆達多之流，任佛怎樣教化，不生敬重，則難度矣！所以修行之人，最怕業重；業重之輩，欲潔反穢，欲昇反墜；假若修行，諸多阻礙，魔障重重，得無懼乎！所以唯要先行懺悔，懺悔清淨，方可用功，慎勿作業啊！

如是娑婆世界眾生，根機複雜，各各不同。所以如來，唯有以同類

身，度同類眾，分身無量，現種種形，而度脫之。

或現男子身。或現女人身。或現天龍身。或現神鬼身。或現山林川原。河池泉井。利及於人。悉皆度脫。或現天帝身。或現梵王身。或現轉輪王身。或現居士身。或現國王身。或現宰輔身。或現官屬身。或現比丘。比丘尼。優婆塞。優婆夷身。乃至聲聞。羅漢。辟支佛。菩薩等身。而以化度。非但佛身獨現其前。

此文乃如來現同類身度生。

如來證窮法身，法身無身，能現種種身；法身無相，能現種種相。無相能現一切相，則法身不斷不常；不斷不常者，是諸法實相。

如來「現男子身」而度眾生。男子是大丈夫相，能辦世出世間一切

事，其性剛正不阿。故孔子曰：『吾未見剛者。』或對曰：『張也如何？』子曰：『張也慾，焉得剛。』所以男兒剛正，去欲無私故，能成辦大事。「或現女人身」，女人慈悲心切、柔和善順、忍耐力強，所以如來現女身而度之。如觀世音每現女身度人。

「或現天」——六欲天、四禪天等身，而教化人天眾。

「或現龍」。世尊曾現大力毒龍身，因持八關齋戒，而不傷害提婆達多。現龍身度龍眾。

「或現神鬼身」。陽間神為貴，陰間鬼力大。如來亦現鬼神身，而度陰陽兩類眾生。

「或現山林、川原、河池、泉井，利及於人」。世尊先與人結緣，無緣不度。如來法身無相，而現山林、河池、泉井一切相，利及於人，與人結緣。昔日饑饉之世，如來將身投山，即成肉山，高一由旬，以濟饑餓者，其山名水愛護。

如來或現種種果林，用濟群生；或現川流，滋潤阡陌田野；或現草原，供人畜牧；或現河池、泉井，供人飲用。

此又現依報利生之文。

「或現天帝身」（欲界天身），「或現梵王身」（色界天身），「或現轉輪王身」：人間大國王身，以十善法，教化人民，「或現居士身」：在家修行者，「或現國王身」：小國王身，「或現宰輔身」：左輔右弼，宰相身，助施王化，「或現官屬身」：地方百官。

「或現比丘、比丘尼」：出家二眾。梵語比丘，此云『乞士』：上乞法養慧命；下乞食養色身。又云『除饉』，比丘持戒清淨，人天福田，供養者，能除貧窮之饉。

「或現優婆塞、優婆夷身」：在家二眾，持五戒，親近侍奉三寶之男女也。「乃至或現聲聞身」：聞佛聲教，悟四諦理，信行人也；「或現辟支佛身」：觀十二因緣，而自覺者，法行人也。

「或現菩薩身」：從十信、十住、十行、十回向、十地、等覺，皆能現之。

誘進同輩，現種種身，化度眾生，非但以佛身獨現其前，可知如來法身無身，隨類化身。慈善根力，能令眾生，見種種身，而得度脫。

汝觀吾累劫勤苦。度脫如是等。難化剛強罪苦眾生。其有未調伏者。隨業報應。若墮惡趣。受大苦時。汝當憶念。吾在忉利天宮。慇懃付囑。令娑婆世界。至彌勒出世已來眾生。悉使解脫。永離諸苦。遇佛授記。

此乃臨終托孤之文。

地藏，汝觀吾過去三大阿僧祇劫，修種種苦行，捨頭目腦髓、國城妻子，為眾生故，求無上道；乃至成佛，現種種身、說種種法，無數方

便，度脫如是剛強罪苦眾生，十有八九，尚有未及調伏者；倘其隨業受報，墮大惡處，受大苦時，汝當憶念，今日吾在忉利天宮，懇懃懇懃，將如來所未度者，付囑汝去度，莫令墮惡趣，直至彌勒出世。所有曾種善根的眾生，務令善根成熟，不受諸苦，遇彌勒佛，皆得授記。世尊滅度，要經五十六億七千萬年（兜率天壽四千歲），然後彌勒下生，彌勒成佛時，即作是念：『是諸眾生，皆于佛法中，種諸善根，釋迦牟尼遣來付我，我今受之。善哉！釋迦牟尼佛，能善教化如是等眾生，來至我所。』如是三讚釋迦牟尼佛已，為眾說四諦，聞者同時得道。

第一會說法，九十六億人得阿羅漢果。

第二會說法，九十四億人得阿羅漢果。

第三會說法，九十二億人得阿羅漢果。

九十六億人——受五戒者。

九十四億人——受三歸依者。

九十二億人——一稱南無佛者。

爾時諸世界分身地藏菩薩。共復一形。涕淚哀戀。白其佛言。我從久遠劫來。蒙佛接引。使獲不可思議神力。具大智慧。

此乃地藏不忘佛恩之文。

地藏證法身，法身是一，一能無量，無量從一而生。故無量分身，從一而分。今蒙佛摩頂安慰之後，即合無量身而為一身，共復本來之形，涕淚哀戀。何故流淚悲哀呢？（一）悲眾生造罪不悛。（二）悲眾生剛強難化。（三）悲如來慧日將沈。（四）悲天宮付囑任重。有此四悲，所以涕淚哀戀，而白佛言：「我地藏過去也是凡夫，流轉生死，幸蒙我佛慈悲接引教化我。我依法修行，獲得無漏不可思議神力，能現種種

身，具足大智慧，對種種機，說種種法，此乃佛教化我的。」華嚴經云：『第七地菩薩，證無生法忍，欲取涅槃，十方諸佛同時出現。善男子，汝所證無生法忍，甚為難得，但未有十力、四無畏、十八不共法、三十二相、八十種好等功德。善男子，汝莫入涅槃，應該從體起用，廣修六度萬行，而成就諸佛功德。』觀此一段文，則菩薩辛辛苦苦用功，證無生忍時，上不見諸佛，下不見眾生，無有不欲取涅槃而自度者；所以諸佛即現身，而方便接引之。因此地藏菩薩說：「我證七地時，若非如來接引，焉能獲得不可思議神力，及大智慧力呢！昔日如來如是度我，我今如是度眾生，正我報答佛恩，接引後學分內之事。」

我所分身。徧滿百千萬億恆河沙世界。每一世界。化百千萬億身。每一身度百千萬億人。令歸敬三寶。永離生死。至涅槃樂。

法華經云：『佛自住大乘，如其所得法，定慧力莊嚴，以此度眾生。』這一首偈，顯示得佛定力、慧力，莊嚴法身，方能說法度生。華嚴經云：『水銀和真金，可以塗佛像；功德和法身，處處應現往。』這首偈，也是修成定、慧功德，與法身和合，方能處處現身。

我們學道，一念相應，初見法身，是素法身。素法身，不能處處現身，一定從性起修，修般若妙慧、首楞嚴定，與法身和合，方能處處現身。

地藏菩薩說：「我過去蒙佛接引，修成無漏定慧，莊嚴法身，方獲得不可思議神力及大智慧。因有神力，便能分身，徧滿百千萬億恆河沙世界。每一世界，化百千萬億身；每一身以智慧力，能度百千萬億人，令人人捨邪歸正，歸依三寶；仗三寶力，返迷成悟，永離生死，到涅槃之家，證寂滅之樂。」

何以地藏菩薩化眾生歸敬三寶？因為佛、法、僧三寶，乃卻惡之前

陣，入道之初章，越苦海之舟航，到涅槃之要道。

談口講得好：『夫三寶者，千生罕遇，萬劫難逢。歸依者，福增無量；禮念者，罪滅河沙。冥冥大夜中，三寶為燈燭；滔滔苦海內，三寶為舟航；焰焰火宅中，三寶為雨澤。』三寶功德，難盡宣揚。

所以地藏化眾生，登三寶之慈航，自然乘智慧風、破煩惱浪，直到彼岸矣！

但於佛法中所爲善事。一毛一涕。一沙一塵。或毫髮許。
我漸度脫。使獲大利。

這段文，地藏說：「眾生無善根，不能度，必定八識心田中，有三寶種子，或有佛種、或有法種、或僧寶種子。如是三寶種子，乃至最小一毛之輕、一涕之小、一沙之細、一塵之微，在人八識田中，我則種種

方便，為其滋潤，令其漸漸萌芽、開花、結果，超凡入聖，結菩提果，使獲大乘如佛之利益。」法華經云：『或有人禮拜，或復但合掌，乃至舉一手，或復小低頭。以此供養像，漸見無量佛，自成無上道。』

也是這個道理，只要汝在三寶中，種微小善根，將來一定成佛道。

唯願世尊。不以後世惡業眾生爲慮。如是二白佛言。唯願世尊。不以後世惡業眾生爲慮。

這段文，請佛勿慮。何者？只要眾生於三寶中，肯種微少善根，我地藏即以無量方便而教化之，令其善根增長，仗三寶力，自然發智慧火、燒煩惱薪、滅宿業障，業空惑盡時，則轉生死為涅槃耳。唯願世尊滅度之後，不必以後世惡業眾生爲慮。如是三白佛言：「願世尊不以後世惡業眾生爲慮。」

爾時佛讚地藏菩薩言。善哉善哉。吾助汝喜。汝能成就久遠劫來。發弘誓願。廣度將畢。即證菩提。

因地藏菩薩一肩荷擔未來末法眾生，故為佛讚善哉善哉。一讚善哉，能體佛心；二讚善哉，善用方便。汝能度眾生則佛助汝歡喜，汝能度眾生，則成就久遠劫來所發深弘誓願。當汝度眾生將畢之時，即登大寶華王座，而證菩提，佛預助汝歡喜。

觀眾生業緣品第二

地藏經十三品，前二品是能化之主，此品是所化之機。地藏是能化，眾生是所化。眾生是個什麼東西呢？迷真起妄，故有眾生；不迷常覺，則無眾生。可知眾生無自性，從緣而生，如水成泡，機緣和合而有；色受想行識，五陰和合故有眾生，離陰無別生；眾生本來空，迷之則有，悟之則無。地藏知眾生本空之理，就發眾生度盡，方證菩提之願。此願是真實的，非空口講白話，無根據之願也。

眾生迷理起惑，由惑造業，故有眾生。作十善業，則有天、人、阿修羅三善道之眾生；作十惡業，則有地獄、鬼、畜生三惡道之眾生。如是在六道之中，頭出頭沒，不能自出，受無量苦。所以諸佛菩薩，發願度眾生。莫作業，無業則無苦矣！今地藏觀眾生惡業之緣，而有地獄。此品勸眾生莫作業，業息則地獄自空。華嚴經云：『諸天子，汝等之業

，不從東方來，止住於心。也不從南西北方、四維上下十方來，止住於心。但從顛倒生，無有住處，無我無我所，十方推求，悉不可得。天鼓一說，諸天子皆證無生法忍。』可知眾生之業，從緣而生，何曾有自性！所以要觀，觀則不可得矣！故曰觀眾生業緣品。

爾時佛母摩耶夫人。恭敬合掌。問地藏菩薩言。聖者。閻浮眾生。造業差別。所受報應。其事云何。

摩耶夫人是佛母，不但是釋迦母，賢劫千佛皆以摩耶為母。晉譯華嚴經，善財童子五十三參，摩耶夫人告曰：『我得大願智幻法門，得此法門故，為盧舍那如來母。』梵語「摩耶」，唐言大術，或云大幻。「爾時」者，地藏荷擔眾生，如來讚善之時。佛母摩耶，知地藏是幽冥教主，眾生死後多入幽冥，由教主教化，分配轉生六道，因此摩耶恭敬合

掌，問地藏菩薩言：「聖者」，是尊稱之辭，無事不通，謂之聖。佛母自說：「我是閻浮提人，我想知閻浮眾生所造之業，差別如何，由業受報，所感之果，其事又如何？請大聖為說之。」

地藏答言。千萬世界。乃及國土。或有地獄。或無地獄。
或有女人。或無女人。或有佛法。或無佛法。乃至聲聞。
辟支佛。亦復如是。非但地獄罪報一等。

地藏曰：「我分身徧滿十方世界，每一世界，有百億國土，有的國土有地獄，有的無；無十惡，就無。有的國土，有女人，有的無女人；無欲就無。有的有佛法，有的無；無佛出世就無。乃至聲聞、辟支佛，亦復如是。有的國土有三乘，則有聲聞、辟支佛；無三乘則無。非但地獄，罪報一等有無。」

摩耶夫人重白菩薩。且願聞於閻浮罪報所感惡趣。

摩耶夫人曰：「我非不願聞十方國土之事，我是閻浮提人，且願聞閻浮眾生，作罪受報，所感地獄、惡趣之事，為如何耳！」

地藏答言。聖母。唯願聽受。我麤說之。佛母白言。願聖者說。

「唯願聽受」者，寄聖母問，以勵眾生。「我只能略說，若廣說之，窮劫不盡。」聖母曰：「願聖者略說。」

爾時地藏菩薩白聖母言。南閻浮提罪報。名號如是。若有

眾生。不孝父母。或至殺害。當墮無間地獄。千萬億劫。求出無期。

此乃地藏菩薩告摩耶佛母。閻浮眾生作如是等罪。墮地獄之文。

嗚呼！吾人非從天生，亦非地長，父母辛辛苦苦，養大我們，豈可不孝而殺害乎！詩經曰：『哀哀父母，生我劬勞。』三年哺乳，十月懷胎。移乾就濕，咽苦吐甘，父母之恩，昊天罔極，終身難報，怎麼可以殺害。羔羊跪乳、烏鵲反哺，若不孝父母而殺害者，則人不如禽獸矣！

古人云：『媛媛不孝軀，寸寸慈親血。烏烏正多情，百年空淚竭。』恩重經云：『人生在世，父母為親。非父不生，非母不育。』難報經云：『左肩持父，右肩持母，經歷千年，便利背上，猶不能報父母之恩。』

何況殺乎！且為子盡孝，天理之常，人倫之本。梵網經云：『孝順父母師僧三寶。』法身，是師僧三寶之力生，所以孝順；色身，是父母所生

，更應孝順。我們身上之骨，是父親之髓；我們身上之肉，是母親之血。所以昔日哪吒，拆骨還父、割肉還母。今日我們仗父母所生身體，去出家、去學道。若無父母所生之眼，怎樣看經；若無父母所生之耳，怎樣聞法；若無父母所生之鼻，怎樣嗅佛戒香；若無父母所生之口，怎樣誦經、宣揚佛法；若無父母所生之身，怎樣結跏趺坐、禮拜供養？所以我們的身體，整個是父母之遺體。子必肖父，女必肖母，源遠流長，人道存焉。所以在家孝順，出家更應孝順。在家孝順者，身體髮膚，受之父母，不敢損傷。父母在，不遠遊；遊必有方。揚名聲，顯父母，晨昏定省，孝而復敬。出家者，勤求佛道，廣度眾生，以報親恩。一子出家，九族超昇。目蓮救母、地藏發願、慧能鬻薪、虛雲朝山。蓮池大師云：『親得離塵垢，子道方成就。』

若人念孝，自然不作諸惡；為報親恩，自然眾善奉行。所以孝是眾善之本；不孝之罪，眾罪之根。背理殺害，宜乎其墮無間地獄，受千萬

劫無間之苦，求出無期矣！

若有眾生。出佛身血。毀謗三寶。不敬尊經。亦當墮於無間地獄。千萬億劫。求出無期。

閻浮眾生，內無智慧，外隨惡友，便起邪見。狂心熾盛，妄想害佛。佛是法王，害不得的，極其量，「出佛身血」而已。昔者提婆達多，起邪見，欲害佛，而自作佛；以大石擲佛，碎石傷佛足，指出血，火車來迎，生入地獄。今日邪見之人，破壞佛像者，擬同此罪。「毀謗三寶」者，三寶是苦海中慈航，迷途中指南針，導人出生死、登彼岸，正信也；而邪見之人，不究其真諦，皂白不分，便去毀謗——阻止人信佛、阻止人誦經、阻止人出家，惡見毀滅佛教，壞人天眼目，罪莫大焉！

「不敬尊經」者，自無慧眼，不識佛經能救眾苦、能脫生死、致人

涅槃，而將佛經典，用火焚燒，或置不淨處，當廢物用，種種輕賤法寶。如是邪見惡人，臨命終時，罪業所牽，墮無間獄，受無間苦，求出無期。

若有眾生。侵損常住。玷污僧尼。或伽藍內恣行淫欲。或殺或害。如是等輩。當墮無間地獄。千萬億劫。求出無期。

千年「常住」，流水僧人。僧人去了一幫，又來一幫；而常住千年不動，不動產業，供十方僧用。若寺廟屋宇、田園、林地、聖跡、古物等，是常住所有，千年不動之物。有的惡人，侵佔常住屋宇、侵佔常住田園、侵佔常住土地，或損壞伽藍，使十方僧失去修行辦道之所。如佛在世，祇樹給孤獨園，僧人所居，如有人侵佔，或者損壞，皆屬此罪。

「玷污僧尼」者，僧尼受佛戒，戒體清淨，依戒生定，依定發慧，便了生死。而喪心病狂無恥之徒，去破壞僧尼戒體，令其白璧蒙瑕，戒體有虧，再去修行則難矣！所以其罪甚大。

又有無知惡人，在「伽藍內恣行淫欲」。梵語伽藍，此云眾園，乃僧眾修行，生長道芽聖果之處。云何而當淫坊用！諸天善神，能無瞋乎人！此人生則病狂而終，死後墮惡道，受無間苦矣！

甚至有的「在伽藍內殺生害命」，當屠場用。血污淨地、腥薰佛堂、逼僧遠離，如是等罪，當墮無間受苦，求出無期。

若有眾生。僞作沙門。心非沙門。破用常住。欺誑白衣。違背戒律。種種造惡。如是等輩。當墮無間地獄。千萬億劫。求出無期。

前二條是在家人，破壞三寶，而墮地獄。後二條，乃出家人，自壞三寶，而墮地獄。

沙門有四種：（一）勝道沙門：證聖果者，聖僧是也。（二）說道沙門：能弘揚如來三藏聖教者。（三）活道沙門：修諸善法，增長慧命者。（四）汚道沙門：違背戒律，裨販如來者。此等賴佛圖生，身披袈裟，心染塵勞，常念世俗事，假名比丘；時時無理，破用常住三寶物；又去欺誑白衣，種種化緣，而飽私囊；撥無因果，假公濟私，欺聖騙神，不守戒律，造種種惡，敗壞僧門，自叛佛教。如是等輩，如水中出火，知法犯法，無人能救，死後墮無間獄千萬億劫，求出無期。

若有眾生。偷竊常住財物。穀米。飲食。衣服。乃至一物。不與取者。當墮無間地獄。千萬億劫。求出無期。

此乃十方招提之物，體通十方，不與盜取，即向十方凡聖僧結罪，其罪甚大。

十方者，常住財物、穀米、飲食、袈裟、衣被等，施主供養，十方僧用。東方無量僧來，有受用份；南北西方、四維上下僧來，亦有份受用。汝若盜取，即取十方僧物入己，還向十方僧結罪。其罪豈有量乎？

觀佛三昧經云：『盜僧鬢物者，過殺八萬四千父母罪。』華聚菩薩云：『五逆四重，我亦能救，盜僧物者，我不能救。』施主供養十方僧，體通十方，屬十方僧物；施主供養現前僧，體局此處，屬現前僧物。如水果、齋襯、用物結緣，臨時供養，見者一份，屬現前僧物；如果未與先取，或盜取，即取目前僧物，還向目前多少僧眾結罪。不論十方、現前僧物，皆施主供養修行辦道者。所謂衣服、飲食、臥具、湯藥，名四聖種；仗此而生長道芽，得證聖果，其功甚大；盜之，其罪亦大。古人云：『施主一粒米，大過須彌山。今生不得道，披毛戴角還。』含有

此義。

又十方叢林，庫房有一對聯『楊岐燈盞明千古，寶壽生薑辣萬年。』警覺後人，莫偷十方物，免墮泥犁，受無間苦啊！

地藏白言。聖母。若有眾生。作如是罪。當墮五無間地獄。求暫停苦。一念不得。

經云：『作是得是，不作是不得是。』因果分明，絲毫不爽。「汝若作如是之罪：殺害父母、破壞三寶、偽作沙門、盜常住物，必墮地獄無疑。罪大之人墮地獄，求一念間停苦而不可得者，無間地獄也。」

摩耶夫人重白地藏菩薩言。云何名爲無間地獄。地藏白言。聖母。諸有地獄在大鐵圍山之內。其大地獄。有一十八

所。次有五百。名號各別。次有千百。名字亦別。

此乃略標地獄之名。

摩耶夫人，重問地藏菩薩：「云何叫無間地獄？」地藏答聖母曰：「凡有地獄，皆在閻浮提之南，大鐵圍山之內。大地獄有十八、中地獄有五百、小地獄有千百，如是名號各別。」

無間獄者。其獄城周匝八萬餘里。其城純鐵。高一萬里。城上火聚。少有空缺。其獄城中。諸獄相連。名號各別。獨有一獄。名曰無間。

此文標無間地獄之處。

地獄是唯心所造，唯業所成。「地府有大地獄，城周匝八萬餘里」

，表地獄是八萬四千塵勞煩惱所成；「其城純鐵」，表地獄是剛強、殘忍之心所造；「高一萬里」，表地獄是惡貫滿盈，萬罪積造；「城上火聚，少有空缺」，表惡人之心，純是煩惱。「獄城之內，有八大地獄相鄰，中有一獄，號曰無間」。

八獄者：

- (一) 等活（獄卒唱生或冷風吹活）。
- (二) 黑繩（熱鐵繩絆罪人身）。
- (三) 罵合（兩山相合以磕罪人）。
- (四) 叫喚（號叫呼叫）。
- (五) 大叫喚（大呼叫）。
- (六) 炎熱（燒然）。
- (七) 罵熱（大燒然極熱）。
- (八) 無擇（亦名無間，苦痛萬端，暫無間歇）。

一投此獄，苦火無間，又何所可擇！故名無擇。

其獄周匝萬八千里。獄牆高一千里。悉是鐵為。上火徹下。
下火徹上。鐵蛇鐵狗。吐火馳逐獄牆之上。東西而走。
獄中有床。徧滿萬里。一人受罪。自見其身。徧臥滿床。
千萬人受罪。亦各自見。身滿床上。眾業所感。獲報如是。

此乃無間地獄形狀之文。

無間地獄者，皆由惡心熾盛，純惡無善所感。「其獄周匝萬八千里」，乃十惡、八邪所造。「牆高一千里，悉是鐵為」，表極惡之人，冷血心腸，積罪千尋。「上火徹下，下火徹上」，表惡人惡種起現行，現行薰種子，種現互薰相續無間。「鐵蛇鐵狗，吐火馳逐獄牆之上，東西

而走」，表惡人瞋心如蛇、貪欲如狗，貪瞋害人，日夜相繼。「獄中有床，徧滿萬里」，表惡人心無片善，萬惡徧心。「一人受罪，自見其身，徧臥滿床；千萬人受罪，亦各自見，身滿床上」，表惡人造罪，自作自受，自見其身，徧滿地獄，而受諸苦。一人如是，多人亦然，彼此受罪，各不相知。多不見增，少不見減，真唯心法門啊！

又諸罪人。備受眾苦。千百夜叉及以惡鬼。口牙如劍。眼如電光。手復銅爪。拖拽罪人。復有夜叉。執大鐵戟。中罪人身。或中口鼻。或中腹背。拋空翻接。或置床上。

此乃五利使害人，死後自害之文。

五利使者，身、邊、邪、見、戒，起時捷疾，迅速如鬼，故感地獄，見夜叉、惡鬼。五利使，徧三界，有八十八使之多，故感地獄中，見

百千惡鬼、夜叉。「口牙如劍、眼如電光、手復銅爪、拖拽罪人」，表五利使，邪見害人，五根和合，作諸惡業。「復有夜叉，執大鐵戟，中罪人身」，表五利使，使人造身業之罪。「或中口鼻」，表五利使，使人造口業。「或中腹背」，表五利使，使人意業造罪。「拋空翻接，或置床上」，表五利使，空造諸惡因受苦果，故云「拋空翻接」。現報不足，後受地獄之苦，故云「或置床上」。

復有鐵鷹啗罪人目。復有鐵蛇絞罪人頸。百肢節內。悉下長釘。拔舌耕犁。抽腸剉斬。烊銅灌口。熱鐵纏身。

此乃五鈍使害人，死後受報之文。

五鈍使者，貪、瞋、癡、慢、疑是也。五鈍使，對境起貪，眼隨境轉，故云「復有鐵鷹啗罪人目」。五鈍使對境起瞋，傷人和氣，故云「

復有鐵蛇絞罪人頸」。五鈍使對境起癡，作諸惡業，故云「百肢節內，悉下長釘」。五鈍使對境起慢，縱意、輕人、謗法，故云「拔舌耕犁」。五鈍使對境起疑，心腸懷惑，故云「抽腸剉斬」。心不可見，但斬其腸耳！五鈍使外薰，信口傷人，故云「烊銅灌口」。五鈍內薰，身造諸惡，故云「熱鐵纏身」。如是五利、五鈍十使煩惱，使人造罪，故有地獄耳！

萬死千生。業感如是。

陽間一念造罪，地獄就有一生死；陽間念念造業，地獄就有無量生死。吾人起念，得無懼乎！經云：『寧碎其身，不起異念。』梵網經云：『寧以百千熱鐵刀劍，挑其兩目。終不以此破戒之心，視他好色。』儒書云：『莫見乎隱，莫顯乎微，故君子慎其獨也。』因為陽間念念造

罪，所以地獄萬死千生，惡業所感，生而復死，死而復生；或時獄卒唱生，或時冷風吹活，受諸劇苦。起世經云：『若人身口意造業，作已入於惡道中，經歷無數千億歲，死已須臾還復活。』

動經億劫。求出無期。此界壞時。寄生他界。他界次壞。轉寄他方。他方壞時。展轉相寄。此界成後。還復而來。無間罪報。其事如是。

此乃入易出難之文。

不入地獄則已，一動而入地獄，時劫極長。「此世界劫盡，三災起時，地獄隨壞，則寄別世界地獄受苦；別世界壞，又寄別世界；別世界復壞，則展轉相寄；倘若此世界復成，還來此界地獄受苦。」罪未畢故，不知何日出離！苦重時長，故云「無間罪報，其事如是」。

又五事業感。故稱無間。何等爲五。一者。日夜受罪。以至劫數。無時間絕。故稱無間。

此乃時無間。

此人在世，所作之事，影響後世，令無數眾生受害。孔子曰：『始作俑者，其無後乎！』所以其受罪時間極長，從晝至夜，從夜至晝，日夜受苦，經無量劫，故云「時無間」。

二者。一人亦滿。多人亦滿。故稱無間。

此乃形無間。

一人之形，徧滿地獄；多人之形，亦滿地獄。此人在世，所作之罪

，事雖不廣，惡心偏布，惡徧法界；所以死後受苦，其形亦徧滿地獄。

三者。罪器叉棒。鷹蛇狼犬。碓磨鋸鑿。剉斫鑊湯。鐵網
鐵繩。鐵驢鐵馬。生革絡首。熱鐵澆身。饑吞鐵丸。渴飲
鐵汁。從年竟劫。數那由他。苦楚相連。更無間斷。故稱
無間。

此乃苦具無間。

此人在世，無惡不作，故感眾苦盡受，故名「苦具無間」。先受鐵
叉刺其咽喉；次受鐵棒打裘其身；又受鐵鷹噉其眼目；又受鐵蛇纏匝頸
項；又受鐵狼噉其血肉；又被鐵狗嚙其心肺。落鐵碓地獄，全身粉碎；
落鐵磨地獄，整體糜爛；落鐵鋸地獄，從頭解至足；落鐵鑿地獄，千銳
剝其軀。或用鐵刀剉頭、或用利斧斫腰、或下油鑊、或下滾湯。掛鐵網

而焚燒、被鐵繩緊縛、駕鐵驢而撲殺、驅鐵馬而踏死。用生鐵革絡其首；用熱鐵汁澆其身。汝說饑餓，令吞熱鐵丸；汝說口渴，令飲熱鐵汁。地獄苦具，無一而不受，受復再受，從年至劫，數那由他，苦楚相連，更無間斷，故稱「無間」。

四者。不問男子女人。羌胡夷狄。老幼貴賤。或龍或神。
或天或鬼。罪行業感。悉同受之。故稱無間。

此乃果無間。

「不論汝是男是女，但作地獄之罪，即受無間之報」；中國四埵：西曰羌、北曰胡、東叫夷、南叫狄，但作此罪，即入無間受苦；或老人、或幼兒，乃至位高尊貴之人、貧窮下賤之輩，曾作此罪，即受此報；龍王、諸天、諸神、諸鬼，命終業熟，亦入無間。總而言之，八識心田

，曾有此罪，行業成熟，悉同受報，故稱「無間」。

五者。若墮此獄。從初入時。至百千劫。一日一夜。萬死萬生。求一念間暫住不得。除非業盡。方得受生。以此連綿。故稱無間。

此乃命無間。

無間地獄一日一夜，等於閻浮提六十小劫。地獄一日一夜，就有一萬次生死；死而復生，生而復死，生死相連，無一念間斷而不受苦者，故名「命無間」。「除非業盡，方得出離，別處受生」。若業盡時，閻羅即呼罪人來前告曰：『若非怨，今汝可去。當為人作子、當孝順、當事長輩、當畏國法、當承事沙門道人，端心、端口、端身，得阿羅漢者，諸泥犁道，皆為閉塞，皆無汝份，好去。』於是從泥犁出者，皆生善

道。

地藏菩薩白聖母言。無間地獄。粗說如是。若廣說地獄罪器等名。及諸苦事。一劫之中。求說不盡。

地藏白聖母：「無間地獄，粗說大概如是。若詳細廣說，地獄罪器苦事，一劫之中，求說不盡。」因地獄眾生，其罪甚多，且各各不同，循業發現，果報千差萬別，難以盡說。

摩耶夫人聞已。愁憂合掌。頂禮而退。

此經家敘述聖母聞地獄事，愁罪人受苦靡窮，憂己力救援未逮，唯有合掌致敬，頂禮而退。

闡浮眾生業感品第四

此品乃眾生作業受苦感佛出世之文。

法華經云：『今此三界，皆是我有。其中眾生，悉是吾子。而今此處，多諸患難，唯我一人，能為救護。』觀此文，則知一切眾生，皆有佛性，皆是佛子，皆可成佛，所以如來發願而度脫之。如來度眾生，度眾生之苦而已；眾生若無一切苦，便是佛。所以眾生有苦，感佛出世；眾生若無苦，如來不出世。如來出世，為救眾生之苦故。眾生苦，是能感；如來大悲，是所感。眾生之苦，感佛菩薩出世，故名眾生業感品。

經云：『淨法界身，本無出入，大悲願力，示現受生。』法身清淨，猶如虛空，無出無入；大悲願力，為救眾生，無出而出。故世間有佛菩薩：釋迦降跡迦毘羅國，金地藏示生新羅王家，皆是眾生受苦，感佛菩薩出世救度。

佛菩薩何故降生南閻浮提？因此土眾生，其性剛強，作業受苦特別多，所以釋迦、地藏皆降此土。譬如父母多諸兒女，一兒病重，必獲父母偏憐、愛護而親近之故，名閻浮眾生業感品。

閻浮提是樹名。此土之北，有一大樹王，其果汁染沙成金，號勝金。其樹影上染月宮，故得染污之名；例此土眾生多被煩惱所染，受苦極重。苦重先救，感佛出世。此品說地藏為救母苦，普及一切，感發大願之文也。

爾時地藏菩薩摩訶薩白佛言。世尊。我承佛如來威神力故。徧百千萬億世界。分是身形。救拔一切業報眾生。若非如來大慈力故。即不能作如是變化。我今又蒙佛付囑。至阿逸多成佛已來。六道眾生。遣令度脫。唯然。世尊。願不有慮。

「爾時」者，佛母聞地獄事畢之時。地藏菩薩即白佛言：「世尊啊！我學佛學成功，而證得如來神力。以如來神力故，就能大悲拔苦，將一身分為無量身，分身到眾生作業受報極苦之地獄去救度。」

「假如不是佛慈悲勉勵我，即不能作如是變化——變一為多，化而復化——以幻化之身，到地獄去度眾生啊！」大智度論云：『諸菩薩修苦行事，難辦難成。』佛安慰言：『無得疲厭，當勤精進，行是十力，當得無量果報。』這段文說一切菩薩修一切難行苦行，極其艱辛，佛是過來人，知道過此難關，便得無量神力，因此勉勵菩薩莫退，勇猛向前。所謂：『百尺竿頭重進步，十方世界現全身。不經一番寒徹骨，焉得梅花撲鼻香。』所以修行在最困難之時，必須善知識來接引，否則功虧一簣，功敗垂成，自打退鼓。因此地藏菩薩說：「我行菩薩道，遇最困之處，若非如來大慈來接引，更進一步，焉能獲如來神力，將一身變為無量身。我既有如來神力，今日又蒙佛在天宮付囑，將未度盡的眾生，

交給我去度，我就用如來神力去度，大約不會錯嘛！我度眾生度到阿逸多成佛。彌勒未下生以前，所有釋迦的兒孫，在六道中者，悉遣解脫，離三途苦，以人天身，得遇龍華三會，聞法度脫。此事我盡力去作，唯願世尊，願不有慮。」

阿逸多是彌勒之名，此云『無能勝』。彌勒修慈心三昧，於諸菩薩中，最為第一，故云無能勝。

爾時佛告地藏菩薩。一切眾生未解脫者。性識無定。惡習結業。善習結果。爲善爲惡。逐境而生。輪轉五道。暫無休息。動經塵劫。迷惑障難。

佛告地藏言：「一切眾生未解脫者，內被惑轉，外被境轉，所以性識無定。自己又無堅定之志，一出頭來，宿習現前，便隨它轉，總不肯

逆水行舟，克念作聖，降伏其心，依舊隨宿習而去造惡業，沒法子不墮惡道啊！假如善習現前，又隨善習去造善事，自然結善果。又自無智慧，未聞佛法，不了善果無性、如幻如化、虛妄不實，一味認以為真，盡情去享受；人天福盡，沒法子不落輪迴啊！如是其心，不作惡、便造善，心隨境轉，境遷心移，善惡交替，故有生死輪迴。輪轉五道，無時暫息，經歷塵劫，從迷積迷，因迷起惑，作業成障，欲出苦海，則難矣！

」

如魚遊網。將是長流。脫入暫出。又復遭網。以是等輩。
吾當憂念。

「譬如流水中魚，遊來遊去，不覺入網，困不得出；脫幸不入，暫出網外，不久又遊入網，遭諸苦難。」

此喻眾生長流生死海中，又無慧目，作諸惡業，墮三惡道；脫幸出離，不久作業，又墮三途，受諸劇苦。如是等輩，三惡道長，人天路短。既失人身，焉能辦道、了生死呢？所以如來特別憂念此輩。

汝既畢是往願。累劫重誓。廣度罪輩。吾復何慮。

佛所憂慮的，是三途受苦眾生。今天得遇地藏菩薩，實行累劫重誓，畢竟往昔大願，在三惡道廣度罪苦眾生，則佛心無復憂慮了。

說是語時。會中有一菩薩摩訶薩。名定自在王。白佛言。
世尊。地藏菩薩累劫以來。各發何願。今蒙世尊慇懃讚歎。
○唯願世尊。略而說之。

此乃定自在王乘機發問之文。

因釋迦如來讚地藏累劫發弘重誓，廣度罪輩，未卜地藏往昔發何大願，今蒙如來慇懃讚歎。唯願世尊，為眾生略說，俾廣見聞，同種善根。

「定自在王」者，從定得名。此大士人中之龍；世間之愛，悉皆遠離。離欲得禪，成就無漏功德，解脫塵勞煩惱；行住坐臥，四威儀中，無有不定時，故名「定自在」。

爾時世尊告定自在王菩薩。諦聽諦聽。善思念之。吾當爲汝分別解說。

此乃誠聽之文。

良由聽法，必先審諦而聽，成就聞法之慧；次則從聽而思，思惟其

義，成就思法之慧；再則念念不忘，反復觀之，觀久便能悟入，祛惑見理，成就修慧。聞、思、修三慧具足，才是真正聞法。所以世尊說：「汝能諦聽，善思念之，吾當為汝，分別解說。」

乃往過去無量阿僧祇那由他不可說劫。爾時有佛。號一切智成就如來。應供。正徧知。明行足。善逝。世間解。無上士。調御丈夫。天人師。佛。世尊。其佛壽命六萬劫。

此乃過去佛出世之文。

如來有天眼觀彼久遠，猶若今日，所以過去之事，清清楚楚。過去無量個阿僧祇、那由他、不可說劫，那時有佛出世，其名號「一切智成就」。此佛以智立名，無明破盡，得一切智，知一切法；事理性相，依正因果，無一不知，知窮諸法實相得名。

「如來、應供、正徧知等」，是佛通號，佛佛皆然。

「如來」者，仿同先德號。今佛出世，如古佛再來。

「應供」者，堪為福田號。具智、斷二種功德，堪為眾生福田，供養者，得福無量。

「正徧知」者，徧知法界號。十法界事理性相因果，無一不知故。

「明行足」，果顯因德號。因中修福修慧，果上福足慧足。慧足名「明」足，福足名「行」足。

「善逝」者，妙住菩提號。一去不再來，一證菩提，永不再起煩惱，如礦成金，不重為礦。

「世間解」，達偽通眞號。覺了世間法，當下就是佛法。六祖曰：

『佛法在世間，不離世間覺。離世覓菩提，恰如求兔角。』

「無上士、調御丈夫」，應機說法號。菩薩有所斷，名上士；佛無斷，名無上士。佛應機說法，能調難調，調眾生之心猿，御眾生之意馬

，降伏其心，故名大丈夫。

「天人師」，攝化從道號。天結使薄，人根機利，容易入道。如來說法，無量人、天悟道。

「佛」，覺悟歸真號。自覺覺他，同歸一眞；窮諸法之本源，了性相之一體。

「世尊」，三界獨尊號。天上天下，唯佛獨尊。

其佛住世六萬劫，長壽度眾生也。

未出家時。爲小國王。與一鄰國王爲友。同行十善。饒益眾生。

賢愚經云：『若聽人民，若自己身，出家入道，功德無量。非譬為比，高於須彌、深於巨海、廣於虛空。由出家故，畢成佛道。』此乃賢

愚經，讚歎出家功德。大過須彌山、深過巨海、廣如虛空，由出家善根故，畢竟成佛。四種出家：

(一)身、心俱出家。(二)身出家，心不出。(三)心出，身不出。(四)身、心俱不出。二好二不好也。

第一、出世俗家。遠離妻子、兒女、俗情故，又名出紅塵家。

第二、出三界家。解脫生死，證阿羅漢。

第三、出無明家。證佛法身，究竟出無明家，便成佛道。

「一切智成就佛未出家以前，曾做一小國王，與一鄰國王為友，同行十善。又以十善法，饒益其國人民。」十善者：身不殺、盜、淫，身業清淨；口無妄言、绮語、兩舌、惡口，口業清淨；意無貪、瞋、癡、煩惱，意業清淨。十善是生天法門，但行十善，上昇六欲天，故各饒益。

其鄰國內所有人民。多造眾惡。二王議計。廣設方便。

此國王與鄰國王為友，但鄰國內，所有人民，大多數作惡，不奉十善之化。二王討論，用何方便，使其不造惡耶？

一王發願。早成佛道。當度是輩。令使無餘。一王發願。
若不先度罪苦。令是安樂。得至菩提。我終未願成佛。

二王議計，唯有願力最大，有願必成；願力就是心力，一切力中，心力最大。諸佛全憑願力成等正覺。凡夫臨命終時，一切威勢悉皆散失，唯有願王不相捨離，於一切時，引導其前，往生淨土。既然願力有如是之大，則能度斯輩矣。所以「二王同時發願，一王發願：願早成佛，

自度度他，使令無餘；一王發願：先度他離苦、度他安樂、度他證菩提，然後自己成佛。」發先人後己之願，所謂『發僧那於始心，終大悲而赴難』者，地藏是也。

佛告定自在王菩薩。一王發願早成佛者。即一切智成就如來是。一王發願永度罪苦眾生。未願成佛者。即地藏菩薩是。

「二王在因地中，同時發願。一王發願先成佛，後度眾生，已經成佛百千萬億劫，一切智成就如來是。一王發願先度眾生成佛，自己未願成佛，今尚在菩薩位者，地藏菩薩是。」

復於過去無量阿僧祇劫。有佛出世。名清淨蓮華目如來。

其佛壽命四十劫。

復說地藏過去發願之事。「過去無量阿僧祇劫之前，又有佛出世，名清淨蓮華目」。印度蓮華青色，佛眼似之，故云「清淨蓮華目」。所謂『面如淨滿月，眼若青蓮花』，『目淨修廣若青蓮，齒白齊密猶珂雪』，皆讚如來相好之文，三十二相中屬紺色目相。

像法之中。有一羅漢。福度眾生。因次教化。遇一女人。字曰光目。設食供養。

此乃羅漢遊化人間之文。

古德每每學道功成，便下山遊化人間，廣度有緣人，古規也。「彼佛滅度，正法已過，像法來臨，當時有一羅漢」。「羅漢」是梵語，此

云『無生』，三界生死不生故；又云『殺賊』，九十八使見思煩惱賊滅故；又名『應供』，羅漢證無漏，令人得福，而自福不漏故。「此羅漢以無漏功德，令供養者皆得人天之福，故云『福度眾生』。不但令人生福，而且次第遊行，教化有緣人。巧遇一女人，字曰光目，設食供養。」此女目蘊慧光，睛藏神德，發菩提心人也。施人飲食，有五功德：一施命、二施色、三施力、四施安、五施辯。若施羅漢，獲福百倍矣。

羅漢問之。欲願何等。光目答言。我以母亡之日。資福救拔。未知我母生處何趣。

羅漢是聖人，供養得福，福能滿人願，故問：「欲願何等？」天上人間之福，皆能如意。光目答言：「我不求世間人天之福，但以母亡之日，一七、二七、三七，皆資福救拔，但未知我母生趣，我想知母生趣

，給我心安。」

羅漢愍之。爲入定觀。見光目女母。墮在惡趣。受極大苦。○羅漢問光目言。汝母在生作何行業。今在惡趣受極大苦。

「羅漢愍其孝心倍常。一定要知母生趣。其心方安。比之今人。但作福了事。不問生處。差千萬里矣！乃爲入定。在三昧中。見光目母。墮在地獄。受極大苦。」羅漢是小聖。天眼能觀大千世界事。但不能知其所以。因問光目言：「汝母在生作何行業？業成報現。今在惡趣。受極大苦。」

光目答言。我母所習。唯好食噉魚鱉之屬。所食魚鱉。多

食其子。或炒或煮。恣情食噉。計其命數。千萬復倍。尊者慈愍。如何哀救。

此乃光目母習惡墮苦之文。

光目答曰：「我母習氣所好，唯好食魚、噉鱉。一見魚鱉，便買來食，且喜食其魚子、鱉卵。有時炒黃、有時煮熟，每每恣情縱欲，飽食三餐。計其所食魚、鱉之生命，千千萬萬，復倍是數。如是殺生既多，難免報在地獄，尊者慈愍，如何哀救呢？」願雲禪師云：『千百年來碗裡羹，怨深似海恨難平；欲知世上刀兵劫，但聽屠門夜半聲。』

羅漢愍之。爲作方便。勸光目言。汝可志誠。念清淨蓮華目如來。兼塑畫形像。存亡獲報。

此乃指示救母方法之文。

小聖不及大聖，羅漢力弱，斷見思惑，未破無明、未證法身、無不思議神力，自問不能救拔眾生苦，因此指示光目：「汝可求佛——至誠念清淨蓮華目如來名號，並塑畫佛形像。念佛和塑畫佛像這兩種功德甚大，不但救度汝母，又能令汝增福、增慧，故云『存亡兩利』。」

志誠二字很重要，不誠無物。且聖女為母念佛，豈不純孝動天，至誠感佛嗎？誠是實德，性命之根，天得之以成天，地得之以成地，人得之而自成。何故教念佛呢？佛告比丘：『我滅度後，若稱我名，所獲福德，無量無邊。』故羅漢教令稱本師佛名。

光目聞已。即捨所愛。尋畫佛像而供養之。復恭敬心。悲泣瞻禮。忽於夜後。夢見佛身。金色晃耀。如須彌山。放大光明。而告光目。汝母不久。當生汝家。纔覺饑寒。即

當言說。

此乃依教見佛之文。

「光目聞羅漢指示，即依其教，捨自己所愛之物，而畫端正、莊嚴之佛像，燈、塗、果、樂，種種珍饈，陳列佛前，至誠供養；復一心不亂，念佛功德名號，悲泣瞻禮」。人有孝心，佛有感應。中夜已過，「當後夜時，忽夢見佛身，金色晃耀，功德巍巍，猶如寶山，放大光明徧照十方。而告光目言：『汝母不久，當生汝家，纔覺饑寒，即當言說，汝自知之。』」

發夢，夢見佛是好的。出生菩提心經云：『若有夢見佛形像，諸相具足莊嚴身，眾生見者應歡喜，念當必作調御師。』

其後家內。婢生一子。未滿三日。而乃言說。稽首悲泣。

告於光目。生死業緣。果報自受。吾是汝母。久處暗冥。
自別汝來。累墮大地獄。蒙汝福力。方得受生。爲下賤人
。又復短命。壽年十三。更落惡道。汝有何計。令吾脫免
。

此乃重業輕報之文。

其母罪重，應墮地獄受苦，今聖女以念佛、塑像兩種功德，令其轉
重成輕，地獄受苦身轉為婢子身；又仗佛力，宿因能說。故云：「未滿
三日，而乃言說。」又仗佛力，知阿女來救。而「稽首」者，叩頭至地
，稍留片刻，表敬也。「稽首而復悲泣，告於光目」者，知恩感謝也。
「生死業緣，果報自受」，此二句，乃自覺之文；今日乃知因果報應，
絲毫不爽，人死業存，自作自受，我親自嚐之矣！能不信耶！吾非別人
，乃是汝母。吾死之後，即入無日月光明幽冥世界。所謂：「鐵圍兩山

間，窈窈何冥冥，神識墮其中，不睹日月精。展轉不相見，但聞叫呼聲。』自與汝別後，累墮大地獄受苦，今蒙汝念佛、塑像之福力，方令我轉生陽間，為下賤人。前生殺業，餘報所感，今生命短，只有十三歲。我的惡業生報已過，後報未盡，還要墮惡趣受苦，汝有何計，究竟令吾脫免下賤、短命惡道之苦呢？

光目聞說。知母無疑。哽咽悲啼。而白婢子。既是我母。合知本罪。作何行業。墮於惡道。婢子答言。以殺害毀罵二業受報。若非蒙福。救拔吾難。以是業故。未合解脫。光目問言。地獄罪報。其事云何。婢子答言。罪苦之事。不忍稱說。百千歲中。卒白難竟。

此乃光目令母知罪自悔之文。

先佛夢告，今聞母說，與夢相符，光目知是己母，決定無疑，不覺悲從衷出，哽咽啼泣而白婢子：「既是我母，生前之事，合知本昔之罪，作何種業而墮惡道呢？汝知道嗎？」婢子答曰：「前世是汝母，今生是婢子，我前世以殺害魚鱉，多食其子之罪，是一。又汝每每勸我，殺生有罪，我不信，反而毀罵三寶。以此二業，受地獄之報，若非蒙汝供佛之福，仗佛神力救拔赦免，不能這麼快就脫地獄苦報。」光目問曰：「汝在地獄，受什麼苦啊？其事如何？可以講給我聽嗎？」婢子答言：「罪苦之事，難以出口，不忍稱說。假如說之，百千歲亦說不盡。」

光目聞已。啼淚號泣。而白空界。願我之母。永脫地獄。
畢十三歲。更無重罪。及歷惡道。十方諸佛。慈哀愍我。
聽我爲母所發廣大誓願。若得我母永離三塗。及斯下賤。
乃至女人之身永劫不受者。

此乃發願救母之文。

光目問明母苦之事，確實無訛，啼淚號泣而白虛空界，一心啓告，發深重願云：「願我之母，永脫地獄苦，十三歲畢，更無重罪，及不歷三惡道。唯願十方諸佛，慈哀愍我，聽我為母而發廣大誓願。若得我母，永離三途及斯下賤，乃至女人之身永劫不受者。」

願我自今日後。對清淨蓮華目如來像前。卻後百千萬億劫中。應有世界。所有地獄及三惡道諸罪苦眾生。誓願救拔。令離地獄惡趣。畜生餓鬼等。如是罪報等人。盡成佛竟。我然後方成正覺。

此乃光目女，發大誓願救三惡道罪苦眾生，盡成佛竟，然後方成正覺之文。

發誓願已。具聞清淨蓮華目如來而告之曰。光目。汝大慈愍。善能爲母發如是大願。

此乃本師讚評願文之文。

光目爲母，以大慈心，偏緣法界眾生，發大誓願；此願何只救母之苦，亦救一切眾生之苦。以救眾生苦之大願，求畢母罪，譬如大水而滅小火。以大願而贖母罪，豈有不滅乎！故佛讚曰：「既善且能矣！」

吾觀汝母十二歲畢。捨此報已。生爲梵志。壽年百歲。過是報後。當生無憂國土。壽命不可計劫。後成佛果。廣度人天。數如恆河沙。

此乃大願力，能令阿母所有罪業，悉轉無餘之文。

佛眼能窮未來際之事。「吾以佛眼觀汝母，承汝大願力，十三歲畢，捨此報已，生為梵志」，此轉賤為貴之文。印度四姓，以梵志為最。「壽命百歲」一句，轉夭為壽之文，轉十三歲為百歲之壽。「過是報後，當生無憂國土，壽命不可計劫」，此乃轉女身為大丈夫身之文。無憂國，就是極樂世界，無有女人，且多一生補處，壽命不可計劫。「後成佛果，廣度人天，數如恆河沙」，此乃度母成佛之文。且地藏度一切眾生成佛，何只阿母，不過先從母始。

佛告定自在王。爾時羅漢福度光目者。即無盡意菩薩是。光目母者。即解脫菩薩是。光目女者。即地藏菩薩是。此乃結會古今之文。

「昔日遊化人間，福度光目者，今忉利天宮，以無盡心，度無盡眾生的無盡意菩薩是。」

「光目母者，今忉利天宮，得不思議解脫的解脫菩薩是。」

「光目女，發大誓願，度罪苦眾生成佛，然後自己方成正覺者，地藏菩薩是。」

昔日能度所度，若子若母，經恆沙劫，今日敘會天宮，可謂因緣殊勝者矣！

過去久遠劫中。如是慈愍。發恆河沙願。廣度眾生。未來世中。若有男子女人。不行善者行惡者。乃至不信因果者。邪淫妄語者。兩舌惡口者。毀謗大乘者。如是諸業眾生必墮惡趣。若遇善知識。勸令一彈指間。歸依地藏菩薩。是諸眾生。即得解脫三惡道報。

此乃地藏大願，歸依滅罪之文。

「世尊說過去久遠劫中，地藏菩薩以慈愍心，發恆河數願，廣度眾生」。

慈有聲聞慈、如來慈之分。慈若不具十力、四無所畏、三十二相者，是聲聞慈；慈若具十力等，一切無漏功德，是如來慈。迦葉尊者，曾以一偈讚佛：『我今欲以一法讚，所謂慈心遊世間，是慈即是真解脫，是慈即是大法聚。』大法聚，即是大涅槃。

地藏菩薩，歷劫以大慈發願，其願最大，從願起行，廣度眾生，其行廣大；由修廣度眾生之行，度得多，其神力更大；有大神力，就能拔眾生之罪苦矣。

「如來滅後，未來之世，末法眾生，若男子、女人，一生不行善而行惡者」，此人臨命終時，必墮惡道無疑。所謂『惡有惡報，作是得是』啊！更有眾生，「乃至不信因果者」。一切罪中，以不信之罪最大。

不信善惡因果，不信有三寶功德，光明照世，利益眾生；不信故，又教人不信。既不信因果，誰人肯行善呢？誰人肯止惡呢？鼓勵人作惡止善，邪見薰世，邪見害人，所以其罪極大，如是之人，必墮惡道。「或有男子、女人，一生好犯外色，終身去作嫖妓之事」，此等人，臨終亦墮惡道。

「又有人，一生專門妄語——害人、騙人錢財。」

「復有人，喜歡兩舌——搬弄是非、謗欺良人。」

「更有人，一生粗口罵人。」

「或有人毀謗大乘經典，云非佛說者。」

「造如是等業眾生，不久必墮惡道無疑。假若幸遇善知識勸令一彈指頃，至誠歸依地藏菩薩，仗菩薩多劫願力，所作罪業，即得解脫三惡道報。」

譬如大船能載百噸巨石，不沈海底；又如光明能破千年之暗；又如

小火能燒萬頃之薪。如是地藏菩薩神力，最不思議，歸依者能滅眾罪，回頭是岸，改過懺悔，更莫復造，善莫大焉，佛法無邊啊！

若能志心歸敬。及瞻禮讚歎。香華衣服。種種珍寶。或復飲食。如是奉事者。未來百千萬億劫中。常在諸天受勝妙樂。若天福盡。下生人間。猶百千劫常爲帝王。能憶宿命因果本末。

此乃供養生天之文。

地藏願大、神力大，前歸依滅罪，今供養生天皆仗神力故也。先「志心歸依恭敬地藏」，自己心力也；及「瞻禮讚歎」，眼瞻、身禮、口讚歎，自己身力也；「香花、衣服，種種珍寶等外物供養」，自己財力也。密部說：『香是能悅懌三昧，以此供養，即得如來無礙之智。華是

寶莊嚴三昧，以此供養，遠得如來四八妙相。」衣服者，袈裟也；以袈裟供養地藏。「種種珍寶」者，七寶也，金、銀、琉璃、碑碣、瑪瑙、珊瑚、琥珀、真珠等寶，人所貴者，以此供養，表敬也。每日飲食奉獻，先獻後食，表尊重也。若能一生心、身、財三力奉事者，感得未來百千萬億劫「常在諸天」，指六欲天，受勝妙樂。「若天福盡，餘福未盡，下生人間，猶百千劫，常作帝王，有宿命通——憶知過去供養地藏是因，生天是果；生天是本，人王是末。」能憶宿命，不昧前因，自然福上修福，以人天身，見佛聞法，修菩提道矣！

定自在王。如是地藏菩薩。有如此不可思議大威神力。廣利眾生。汝等諸菩薩。當記是經。廣宣流布。

此乃佛囑流通之文。

佛告定自在王：「地藏菩薩有如是大威神力，歸依者滅罪，供養者生天，廣利眾生，汝等菩薩應牢記斯經，流布沙界利樂有情。」

定自在王白佛言。世尊。願不有慮。我等千萬億菩薩摩訶薩。必能承佛威神。廣演是經。於閻浮提。利益眾生。定自在王菩薩白世尊已。合掌恭敬。作禮而退。

此乃無量菩薩，以如來神力，均能流通此經，於閻浮提利益眾生之文。

爾時四方天王俱從座起。合掌恭敬白佛言。世尊。地藏菩薩於久遠劫來。發如是大願。云何至今猶度未絕。更發廣大誓言。唯願世尊。爲我等說。

此乃四天王述疑之文。

須彌山腰四萬二千由旬高處，有四天王天。

東方持國天王：護持國土故；領乾闔婆（此云尋香，天帝俗樂神）、富單那（此云臭，主熱病鬼）二部鬼神。

南方增長天王：令自他善根增長故；領鳩槃荼（夢魘鬼）、薛荔多（劣的餓鬼）二部鬼神。

西方廣目天王：能作種種語故；領毘舍闍（顛狂鬼、噉精氣鬼）、毒龍（有眼、聲、氣、觸四毒）二部鬼神。

北方多聞天王：福德之名，聞四方故；領夜叉（飛行鬼）、羅刹（可畏鬼、暴惡鬼）二部鬼神。

「如是四大天王，共領八部鬼神，護國安民。今聞地藏菩薩，久遠發願度生，度來度去，至今未盡；又在佛前，發大誓言：『如來滅後，所有罪苦眾生，一肩荷擔，負責去度。』未卜地藏願力未圓，抑眾生難

度耶？唯願世尊，為我等說之。」

佛告四天王。善哉善哉。吾今爲汝。及未來現在天人眾等。廣利益故。說地藏菩薩於娑婆世界。閻浮提內。生死道中。慈哀救拔。度脫一切罪苦眾生方便之事。

此乃佛答度生，須用方便之文。

眾生有種種病，菩薩用種種方便而度之。眾生病千變萬化，菩薩方便藥，亦巧妙無方。若無病則不用方便，但眾生病無盡，故菩薩方便智亦無窮。以無窮智，度無盡眾生，則菩薩願力無邊，充滿法界矣！誰論盡與不盡；盡不盡是世間法，佛法無盡無不盡啊！

所以世尊曰：「善哉善哉！汝問得好，吾今為汝，及未來、現在天人等廣利益故，說地藏菩薩在娑婆世界，閻浮提內，生死道中，救拔罪

苦眾生方便之事。」汝等若明，則識會度眾生了；人天若明，則識會自度了。所以說，善哉善哉！

四天王言。唯然。世尊。願樂欲聞。

唯然。世尊大士，度生之方便，我等願聞。

佛告四天王。地藏菩薩。久遠劫來。迄至於今。度脫眾生。猶未畢願。慈愍此世罪苦眾生。復觀未來無量劫中。因蔓不斷。以是之故。又發重願。

此乃眾生業苦無盡之文。

因眾生迷理起惑，由惑造業，因業招果；果復生惑，作業受苦。如

是惑、業、苦三，如惡叉聚，循環不息，生死無盡，因蔓不斷，以是菩薩又發重願，度其無盡惑、業、苦。

眾生所作之業，有三種報：

一、現報：今生受報。

二、生報：死後來生受報。

三、後報：經無量劫還有果報。菩薩救現報、生報已，而後報之苦時長，因蔓不斷，所以又發重願而度之。

眾生作業，一業一生死，一生作無量業，則有無量生死。何況生生世世所作之業，積在八識田中，望之因蔓不斷，以是又發重願而度。

以此三種因緣，佛告四天王：「地藏菩薩從久遠劫來，度到今日，而眾生未盡者，非菩薩願力不廣故；乃是眾生業果無窮、後報無盡，八識田中業種纍纍，因蔓不斷，所以又發深重願、長遠心，而度脫之。」

如是菩薩於娑婆世界。閻浮提中。百千萬億方便。而爲教化。

此乃釜底抽薪之文。

地藏菩薩在別的世界。度生方便。故且不說。且說在閻浮提。就有百千萬億方便教化眾生。莫作諸業。業亡果喪。生死自了。

四天王。地藏菩薩。若遇殺生者。說宿殃短命報。

人人愛命。物物貪生。蠢動含靈。皆有佛性。而殺者。即殺未來諸佛。故先感習氣報——多病短命。果在地獄。

若遇竊盜者。說貧窮苦楚報。

命裡有時終須有，命裡無時莫強求。各人有各人的福，你自己不去修福，反盜人財物，而損自己之福，宜乎其受貧窮苦楚之報。

若遇邪淫者。說雀鴿鴛鴦報。

人心惟危，豈可縱欲！淫犯外色，作嫖妓等事，自傷慧根，增長諸惡，畜生何殊，所以先受雀、鴿、鴛鴦等報。

若遇惡口者。說眷屬鬥諍報。

守口如瓶，豈可不講道理。出口傷人，令人憤恨，常懷報復；傷人

自傷，果報自受，感得自己眷屬鬥諍不息，能不令汝心痛。

若遇毀謗者。說無舌瘡口報。

毀辱良善，誹謗賢哲，自然舌爛口中，瘡生唇內。

若遇瞋恚者。說醜陋癃殘報。

每見面目猙獰，相貌醜陋，背瘻肢殘，皆是前世瞋火傷人、恚毒害他所致。

若遇慳吝者。說所求違願報。

慳而不用，吝不與人，不滿人願；將來感得，凡有所求，皆違己願

報。

若遇飲食無度者。說饑渴咽病報。

飲食知節量。過量飲、過量食，疾病叢生。飲多傷胃，食多傷氣，故感常饑常渴，咽病之報。

若遇畋獵恣情者。說驚狂喪命報。

縱意畋獵，恣情殺生，感得驚狂墮塹、墮海、馬踏、車傷等，喪命之報。

若遇悖逆父母者。說天地災殺報。

『木本水源，人從親生』，為子盡孝，人倫之常，天理之本；今反背天害理，忤逆父母，故感天地打殺報。

若遇燒山林木者。說狂迷取死報。

無故放火燒山林，驚殺蛇、蟲、鼠、蟻……，傷害無限生靈，毀壞國家林園，故感狂迷自取死報。

若遇前後父母惡毒者。說返生鞭撻現受報。

前後父母，以非己子，種種楚毒逼害；不久再生，反被其子鞭撻現受報。

若遇網捕生雛者。說骨肉分離報。

人鳥身異，母子情同，母失雛兒，何等心痛！故感親生骨肉生離死別之報。

若遇毀謗三寶者。說盲聾瘡啞報。

佛是醫王、法是良藥、僧是看病人，治眾生生死之病。若毀三寶者，誰度汝出苦海，宜乎眼盲不見三寶相、耳聾不聞、瘡啞不能稱三寶功德，受六根殘缺之報。

若遇輕法慢教者。說永處惡道報。

佛法度人出苦，僧教捨邪就正；汝若輕法慢教，誰度汝出三途！宜乎永處惡道矣！

若遇破用常住者。說億劫輪迴地獄報。

破壞常住物，私用十方物，億劫輪迴地獄報。

若遇污梵誣僧者。說永在畜生報。

污彼梵行，誣僧作罪，永在畜生受報。

若遇湯火斬斫傷生者。說輪迴遞償報。

燙毛火炙，斬頭斫足，傷害動物；來生做畜生，償還宿世血債、肉

債、命債。

若遇破戒犯齋者。說禽獸饑餓報。

破所受戒，故墮禽獸；犯過午齋，故受饑餓。

若遇非理毀用者。說所求闕絕報。

非理毀壞用具，凡有所求，闕絕不得報。

若遇吾我貢高者。說卑使下賤報。

貢高我慢，看人不起，故受此報。

若遇兩舌鬥亂者。說無舌百舌報。

兩舌是非，令眾不和，故感無舌，或百舌之報。

若遇邪見者。說邊地受生報。

背理起邪，是非不辨，邪正倒置，無我執我，執斷執常，撥無世間善惡因果，撥無出世間涅槃因果，不信三寶威光……如是等，故感生無義理之域受報。

如是等閻浮提眾生。身口意業。惡習結果。百千報應。今粗略說。

此乃閻浮提眾生，自無智慧，以身、口、意三業，順宿世惡習，造種種業，而受種種果報，今不過略說之。

如是等閻浮提眾生。業感差別。地藏菩薩百千方便。而教化之。

地藏菩薩在閻浮提，見眾生作業感報，各各不同。而眾生畏果，菩薩據果推因，說其種種罪因，以種種方便，教化而度脫之。

是諸眾生。先受如是等報。後墮地獄。動經劫數。無有出期。是故汝等護人護國。無令是諸眾業。迷惑眾生。

此乃佛說「閻浮提眾生作業，先受生報，後報在地獄。一入地獄，

動經劫數無有出期。所以地藏菩薩，在眾生未入地獄之前，先以種種方便，止其莫作眾罪；罪亡果喪，可出生死。因是之故，汝等四大天王，護人護國，亦應負起責任，無令種種罪業迷惑眾生」，助地藏菩薩度眾生一臂之力。則幸甚矣！

四天王聞已。涕淚悲嘆。合掌而退。

「四天王聞已，識得業力甚大，業種纍纍，牽纏不斷，眾生難度；所以地藏菩薩，重重發願，長遠度生，非願力不足，乃願力無窮啊！自問無大神力制止眾生不作諸業，所以涕淚悲嘆，合掌退歸本位。」

地獄名號品第五

上三品是地藏菩薩所化之機。眾生業緣品，說眾生所作之業，從緣而生，不從十方來，止住於心；乃從顛倒生，無有住處，當體即空，所以名觀眾生之業緣。

眾生業感品，乃閻浮提眾生作業受苦，叩佛宏慈，感佛菩薩出現世間，拔其苦難，故名閻浮提眾生業感。地獄名號品，乃閻浮提眾生作業，先受人間之報——屬花報；後受地獄之報——屬果報。前品已說，殺生者宿殃短命報，地獄之報未說，故此品說之。

地獄梵語泥犁，此云『無有』，無有樂啊！說其名號，令眾生顧名思義，知其果報，由業所感，唯心所造，唯識所變。下焉者止惡不作；中焉者勉修諸善；上焉悟法性空，發菩提心。所謂『念地獄苦，發菩提心者』是也。所以地獄，是我們修道的增上緣，莫以語粗而輕視之。

若能識其果報，知其無體，罪福分明，了達性空，乃可以語道，道在其中矣！

爾時普賢菩薩摩訶薩。白地藏菩薩言。仁者。願爲天龍四眾。及未來現在一切眾生。說娑婆世界。及閻浮提罪苦眾生。所受報處。地獄名號。及惡報等事。使未來世末法眾生。知是果報。

此乃普賢問十法界中地獄法界之文。

「普賢」，行彌法界曰普；位鄰極聖曰賢。經云：『我佛如來有長子，其名號曰普賢尊。』華嚴經以文殊為幼童，普賢為長子，導一切菩薩，修萬行；行成果滿，即證菩提。

四大名山屬峨嵋山。峨嵋山頂有佛燈，所謂『萬盞明燈朝普賢』。

因南閻浮提，家家戶戶燃燈供佛，是普賢萬行中一行。所以在峨嵋山頂，至誠作觀，夜中燈現，或多或少隨人福智，各見不同。昔日虛雲和尚登山頂，夜見無數佛燈。曾有詩曰：『峨嵋山頂觀佛光，萬盞明燈盡光芒。佛法無邊難思議，菩薩有感易商量。』

「爾時」者，聞世尊說地藏教化眾生，莫作諸惡，否則先受如是等人間苦報，後墮地獄，經劫難出；但未曾講地獄受報之事，所以普賢菩薩白地藏菩薩曰：「仁者（尊稱之辭），為地獄教主，請將地獄之事，為天龍四眾，及未來現在一切眾生，說說娑婆世界，閻浮提罪苦眾生，所受報處，地獄名號，及惡事等，使未來末法眾生，知是果報。」眾生所以受苦者，皆由不知果報故。

地藏答言。仁者。我今承佛威神。及大士之力。略說地獄名號。及罪報惡報之事。

地藏答言：「仁者，我今承佛威神及仁者大士之力，略說地獄名號，及作罪受報之事。令諸聞者，知是果報，自覺自悟，業亡果喪，則地獄法界自空耳。」

仁者。閻浮提東方有山。號曰鐵圍。其山黑邃。無日月光。有大地獄。號極無間。又有地獄。名大阿鼻。

此乃標地獄處所之文。

地藏說：「仁者，閻浮提之東，有山號曰鐵圍，其山黑暗深邃，日月光明照不到之處，有大地獄在其中。」古云：『地獄苦茫茫，冥冥無日光，人間百千劫，未抵半宵長。』

「其獄號極無間，此獄罪人，受苦無間故。同時更有一地獄，名大阿鼻。阿鼻者，梵語。此云無遮、無救。無人能遮其不入；又無人能救

其出苦，所以號阿鼻。極惡之人所居，比無間地獄之苦更甚、時更長。

一

復有地獄。名曰四角。

阿鼻是大地獄，其中有無數小地獄，以為眷屬。四角者，將罪人身，切成四角、六角、八角故。

復有地獄。名曰飛刀。

刀輪從空而下，斫罪人身。

復有地獄。名曰火箭。

無數火箭，貫罪人體。

復有地獄。名曰夾山。

兩山相合，夾罪人身。

復有地獄。名曰通槍。

無數鐵槍，穿心刺體。

復有地獄。名曰鐵車。

鐵車輾礲罪人。

復有地獄。名曰鐵床。

臥鐵床上，受種種苦。

復有地獄。名曰鐵牛。

鐵牛鬥身，徧體鱗傷。

復有地獄。名曰鐵衣。

赤鐵裹體，皮肉熾燃。古德云：『現見袈裟離體，將來鐵襠纏身者。』此獄也。

復有地獄。名曰千刀。

匕首名刃，千刀刺體。

復有地獄。名曰鐵驢。

鐵驢踏殺故。

復有地獄。名曰烊銅。

鎔銅灌口。

復有地獄。名曰抱柱。

炮烙罪人。

復有地獄。名曰流火。

流火燒體故。

復有地獄。名曰耕舌。

鐵犁耕罪人舌。

復有地獄。名曰剉首。

斬截罪人首。

復有地獄。名曰燒腳。

滿地火炭，烘罪人腳。

復有地獄。名曰啞眼。

鐵鷹飛來，啄罪人眼。

復有地獄。名曰鐵丸。

饑吞熱鐵丸。

復有地獄。名曰諍論。

彼此鐵爪互害故。

復有地獄。名曰鐵鉗。

鐵斧腰斬故。

復有地獄。名曰多瞋。

瞋火內焚故。

地藏白言。仁者。鐵圍之內。有如是等地獄。其數無限。

此乃指廣之文。

鐵圍山內，有如是等類似地獄，其數無限，不能盡說。

更有叫喚地獄。

罪人大叫苦故。

拔舌地獄。

鐵鈎拔其舌故。

糞尿地獄。

糞海、尿池溺罪人故。

銅鎖地獄。

八百鐵鎖繫罪人頸故。

火象地獄。

火象踏殺罪人故。

火狗地獄。

火狗噉罪人骨肉故。

火馬地獄。

火馬狂奔，追觸罪人故。

火牛地獄。

無數火牛角觝罪人故。

火山地獄。

滿山火焰猛燒罪人故。

火石地獄。

上下火礮磨罪人故。

火床地獄。

火床熾燄炙罪人體。

火梁地獄。

懸樑焚燒故。

火鷹地獄。

鐵樹、燄鳥啄罪人腦、眼、心、肺，大、小腸故。

鋸牙地獄。

刀鑿牙齒故。

剝皮地獄。

生剝其皮，再割其肉。

飲血地獄。

朱誅蟲飲罪人血成湖故。

燒手地獄。

鐵斗量火恆燒手故。

燒腳地獄。

踏火炭山恆燒腳故。

倒刺地獄。

罪人上下劍樹，上下倒刺故。

火屋地獄。

火屋內焚故。

鐵屋地獄。

猛火燄燄燒鐵城故。

火狼地獄。

火狼逐人噉食故。

如是等地獄。其中各各復有諸小地獄。或一或二。或三或四。乃至百千。其中名號。各各不同。

「如是地獄，各各復有諸小地獄，以為眷屬。或有一，或有二、三、百、千小地獄，以為眷屬。小地獄名字亦各各不同。」

地藏菩薩告普賢菩薩言。仁者。此者皆是南閻浮提行惡眾生。業感如是。

業造地獄之文。

地藏菩薩告普賢菩薩言：「仁者，上來所說地獄，皆是南閻浮提眾生，志性無定，遇境逢緣，便去造業。業力所造，業力所感，故有如是多地獄，名字不同，自作自受耳。」

業力甚大。能敵須彌。能深巨海。能障聖道。

此乃業力甚大之文。

業由心造，心力大，所以業力亦大。業若有形相，虛空亦容納不了。心極公平，作何業，就受何等報；心隨業轉，就造何等地獄與汝受。

各人業不同，就造不同地獄，所以地獄就有種種名號。

須彌山高，業力上至梵天頂，比須彌山還高。

巨海深而有底；業力深而無底。

聖道虛通，無物能礙，而業力能障之不現。修行最怕業力！業力來時，不想用功，縱用亦用不上路，諸多障礙，身又痛、心生惱，能無懼乎？所以菩薩畏因，而不敢作業也。

是故眾生。莫輕小惡。以爲無罪。死後有報。纖毫受之。
父子至親，歧路各別。縱然相逢。無肯代受。

誠勸莫輕小惡之文。

『小善不積，何以成聖？小過不改，積足滅身。』涅槃經云：『莫輕小惡，以為無殃；水滴雖微，漸盈大器。』

良以纖芥之惡，歷劫不亡；毫釐之善，積世長存。福成則天堂自至，罪積則地獄斯臻，自作自受，纖毫不差。父子天性相關，至密至親，然而各業不同，所以昇沈路別，各不相知，縱然相逢，亦不能代受。各

有前因，自受其報耳。

三昧經佛告阿難：『人生世間，所以不得道者，但坐思惟，穢念多故。一念來，一念去，一日一夜，有八億四千萬念，念念不息。一念善，得善果報；一念惡，得惡果報，如響應聲，如影隨形。』

觀此文，穢念多，不能悟道。微小之念，亦有果報，何況業耶？業大報大，業小報小，剎那受報，無時間斷，焉能悟道？

所以我們修行，最先條件，要懺悔業障。至誠懺悔，種種懺悔，懺到清淨為止。經云：『罪從心起將心懺，心若滅時罪亦亡，罪亡心滅兩俱空，是則名為真懺悔。』每晨誦經、念佛、念佛嚴咒，念到相應，最能滅罪。業障一空，修行容易、悟道也易、見佛亦易、聞法易、出家易、親近善知識易，一切皆易，否則一切皆難。所以要莫作業，大業不造，小業也不可作——無業心安。

我今承佛威力。略說地獄罪報之事。唯願仁者暫聽是言。
普賢答言。吾已久知三惡道報。望仁者說。令後世末法一
切惡行眾生。聞仁者說。使令歸佛。

再說地獄之文。

地藏菩薩說：「我今承佛威力，再略說地獄罪報之事，唯願仁者暫
聽。」

普賢曰：「我已久知三惡道報，今日望仁者說，無非想令末法眾生
皆歸依三寶。」無常偈云：『有生皆必死，造業苦切身，唯有佛菩提，
是真歸依處。』所以在生死苦海中，唯有歸依三寶，最為穩當。是以我
們每日朝暮要誦念三歸依，初入佛門，亦先歸依三寶，三寶威光無量啊
！」

地藏白言。仁者。地獄罪報。其事如是。

上說地獄名號，向下說地獄受報之事。

或有地獄。取罪人舌。使牛耕之。

此乃惡人，作兩舌、惡口、妄言、綺語之罪，死入地獄，獄卒拔出其舌，使牛耕之，耕而復耕。

或有地獄。取罪人心。夜叉食之。

此乃惡人心黑，常起惡念，害人害物，惡念熾盛，死入此獄，夜叉叉其心出，或自食、或與狗食，一日一夜萬死萬生。

或有地獄。鑊湯盛沸。煮罪人身。

此乃惡人，以身作惡，殺人、打人、害人、盜人財物、作諸惡業，死墮鑊湯地獄，在沸湯中，千死萬生，受盡折磨。

或有地獄。赤燒銅柱。使罪人抱。

此乃壞人，一生淫犯外色，污人貞操，死墮此獄，赤燒銅柱，使罪人抱，炮而烙之。

或有地獄。使諸火燒。趁及罪人。

此乃惡人，趕絕窮迫，逼害良人，死墮此獄，烈火追人，越走越盛

，到處被燒。

或有地獄。一向寒冰。

此乃寒冰地獄，縱廣二萬里。罪人墮其中，常受寒風、寒冰之苦，膚肌皮肉凍裂，如蓮花色。

或有地獄。無限糞尿。

此乃沸屎地獄。罪人墮其中，何只飲尿食屎，還受屎蟲唼舌啖心之苦。

或有地獄。純飛銛鑼。

無數銛鏽，鋒利如針，從空飛來，刺罪人體，穿骨徹髓。

或有地獄。多攢火槍。

六根、四肢皆受火槍。

或有地獄。唯撞胸背。

以熱鐵錐，撞人胸背。

或有地獄。但燒手足。

量火燒手，踏炭燒足。

或有地獄。盤繳鐵蛇。

無量鐵蛇，繳（絞）罪人身。

或有地獄。驅逐鐵狗。

地獄鐵狗，追逐罪人。

或有地獄。盡駕鐵驃。

騎鐵驃子，火燒其身。

仁者。如是等報。各各獄中。有百千種業道之器。無非是

銅是鐵。是石是火。此四種物。眾業行感。

人間地、水、火、風，隨業所感，故有人間依報，種種享受，各各不同。地獄銅、鐵、石、火，隨業所感，故有種種苦具，困苦罪人。華嚴經云：『若人欲了知，三世一切佛，應觀法界性，一切唯心造。』心造天堂，心造地獄；心隨善業造天堂，心隨惡業造地獄。一切唯心所造、唯業所感、如幻如化。所以地藏告普賢：「地獄名字、種種苦器，無非銅、鐵、石、火四物與業和合，造成種種地獄耳。」

若廣說地獄罪報等事。一一獄中。更有百千種苦楚。何況多獄。我今承佛威神。及仁者問。略說如是。若廣解說。窮劫不盡。

多人同入一地獄受苦，各各苦境、苦具不同。故云「一一獄中更有百千種苦楚，何況多獄」。「各人各業不同，則其苦具、苦相無量，我今承佛威神及仁者問，略說而已，若廣說，則窮劫不盡。」

如來讚歎品第六

地藏神力唯佛能宣，眾生不識，故佛讚揚。一者讚歎地藏有如是等神力，二者令眾生獲種種利益，以此因緣故有此品。神力是度生之緣，向下二品，皆度生之緣。

何以讚歎神力，而不讚歎功德？六度功德是因，不思議神力是果。讚果而不談因者，大論云：『眾生有二種，一者樂善法，二者樂善法果報。為樂善法者，讚歎諸功德；為樂善法果報者，讚歎大神力。』今如來欲令眾生獲得種種利益，故讚歎地藏大神力耳。

爾時世尊。舉身放大光明。徧照百千萬億恆河沙等諸佛世界。出大音聲。普告諸佛世界。一切諸菩薩摩訶薩。及天龍鬼神人非人等。聽吾今日稱揚讚歎地藏菩薩摩訶薩。於

十方世界。現大不可思議威神慈悲之力。救護一切罪苦之事。

此乃讚歎地藏神力之文。

地藏神力普利一切群生，值得如來讚歎，所以「舉身放大光明」，表地藏神力整個是大光明藏，屬報得神通，是法身顯現報身功德神力。以此大光明「徧照百千萬億恆河沙等諸佛世界」，表地藏神力，徧滿十方恆河沙世界。

「出大音聲，普告諸佛世界，一切諸菩薩，及天龍鬼神人非人等」，表地藏神力，唯十方大菩薩方能識，天龍鬼神人非人等，皆可獲神力之益。

如是普告諸菩薩及天龍鬼神，聽「如來今日稱揚讚歎地藏菩薩摩訶薩，在十方世界現不可思議威神慈悲之力，救護一切罪苦之事」。威神

與慈悲和合，就能救苦。威神能救，慈悲願救。單威神能救而不願救，亦不能救苦；單慈悲願救而無神力，亦不能救眾苦。所以威神與慈悲和合，既能救，又願救，方能救一切苦。

吾滅度後。汝等諸菩薩大士。及天龍鬼神等。廣作方便。
衛護是經。令一切眾生證涅槃樂。

此乃勉眾護經之文。

釋迦不久滅度，地藏在六道教化，神力能救種種苦，而人不知，故勸諸菩薩及天龍鬼神，衛護是經。仰仗地藏神力，何只拔苦，更能得涅槃之樂。然而流通是經，需用種種方便，莫呆板啊！

說是語已。會中有一菩薩。名曰普廣。合掌恭敬。而白佛

言。今見世尊讚歎地藏菩薩。有如是不可思議大威神德。唯願世尊。爲未來世。末法眾生。宣說地藏菩薩。利益人天因果等事。使諸天龍八部。及未來世眾生。頂受佛語。

此乃述讚請益之文。

上來世尊讚歎地藏有大神德。救護眾生；令一切菩薩。衛護是經。當時會中。有一菩薩。名曰「普廣」。從心發智。智彌法界曰普；以智導行。行滿虛空曰廣。此菩薩即從座起。合掌恭敬而白佛言：「我等今日得聞如來讚歎地藏菩薩有不可思議神德。利益眾生。我等聞之。非常歡喜。但未知地藏神力。如何利益未來眾生。使獲人天因果等事。因為人天因果。因賅果海。果徹因源。非大智人。不能自知。願佛宣說。使得諸天八部及未來世眾生。頂受佛語。而獲人天利益。」大智度論云：『佛何故讚歎菩薩？以佛讚歎故。無量眾生愛樂菩薩。恭敬供養。後皆

成就佛道。』有是利益，故佛讚歎菩薩。

爾時世尊。告普廣菩薩及四眾等。諦聽諦聽。吾當爲汝略說地藏菩薩利益人天福德之事。普廣白言。唯然。世尊。願樂欲聞。

即時世尊告普廣菩薩及四眾：「汝等諦聽！吾爲汝說地藏菩薩利益人天成就福德之事。」

固有之善曰德；福有五福，如五福臨門。五福者福壽、富貴、康寧、好德、考終。論語有五德，子貢曰：『夫子溫、良、恭、儉、讓。』人具五福、五德者，可以說為極圓善上等之人矣！

佛告普廣菩薩。未來世中。若有善男子善女人。聞是地藏

菩薩摩訶薩名者。或合掌者。讚歎者。作禮者。戀慕者。是人超越三十劫罪。

此乃聞名滅罪之文。

良由地藏神力周徧法界，普現一切眾生前；眾生被無明所迷、業力所障，對面如隔千里，不即獲地藏神力，失了許多利益。今佛一說：「假若未來世，善男子、善女人耳聞地藏聖號，或自稱自聞、或人稱我聞，將地藏功德洪名納在八識田中，下為善種，此善種之力，能破此人三十劫罪」。

「或合掌者」，聞名之後，能對菩薩致敬合掌。或讚歎地藏菩薩歷劫度生大願功德，所度眾生已成佛，而地藏菩薩尚居菩薩位，分身無量世界，處處救眾生苦。

「或六時禮拜地藏聖容」，面對慈顏，至誠作禮、五體投地、身心

恭敬，感應道交——能禮所禮性空寂——與菩薩打成一片，仰仗菩薩神力，即能超越三十劫生死重罪。「或戀慕者」，如小兒戀慕父母，依依不捨、心心不忘結為天性父子；以地藏菩薩為師，戀菩薩大願度生功德，慕菩薩方便救苦神力，仰止菩薩，諸惡莫作，眾善奉行，如是心戀菩薩，感應道交，即滅三十劫生死重罪。

普廣。若有善男子善女人。或彩畫形像。或土石膠漆。金銀銅鐵。作此菩薩。一瞻一禮者。是人百返生於三十三天。永不墮於惡道。假如天福盡故。下生人間。猶爲國王。不失大利。

此乃造像生天之文。

「若有善根的男女，恭敬菩薩，發心造像。從心起敬，至誠作觀，

觀菩薩聖像，觀成相現，即以五彩顏色畫菩薩真容。如是畫一張，或畫多張，自供養、送人供養，以此功德，命終生天」。

梁武帝時，有一位大德，號張僧繇，繪地藏菩薩像，形狀似僧，披斂而坐，其像時放異光，以後別人模寫，亦放異光。又一商人妻，妊娠經二十八月，不產。一心發願模寫，當夜便生一男，相好端嚴，見者歡喜，於是舉世號放光菩薩。

「若善男女以恭敬心，用泥塑菩薩像、或用石彫菩薩像、或用金、銀、銅、鐵鑄菩薩像，像成後，時時恭敬，刻刻供養，一瞻一禮，瞻仰聖容，至誠稽首。如是之人，臨命終時，即生三十三天；生而復生，歷一百次，享受天樂，永不墮惡道。假如天福盡故，餘福未盡，下生人間，猶為國王；當汝下生做人王時，仗菩薩威力，有佛出世，必定見佛聞法，依法修行，不失將來成佛大利。」

若有女人。厭女人身。盡心供養地藏菩薩畫像。及土石膠漆銅鐵等像。如是日日不退。常以華香。飲食。衣服。繪綵。幢旛。錢寶物等供養。是善女人。盡此一報女身。百千萬劫。更不生有女人世界。何況復受。

此乃供養轉女身之文。

男女身無定性。煩惱重作女身。輕則為男。汝將女人習氣。洗得乾淨淨。保汝來世不受女身。今生為女。業障重故。唯要仰仗地藏神力。即能轉女身。法華經龍女修行八歲。即轉女身而成正覺。其讚佛偈云：『深達罪福相。徧照於十方。微妙淨法身。具相三十二。以八十種好。用莊嚴法身。』觀此偈。則龍女了達罪福。深悟實相。光明徧照。即見法身；法身微妙。具三十二相。八十種好。不修則已。一修便成正覺。

「今日有女人，厭惡女身為百惡之所逼惱，每欲厭離，唯有盡心供地藏菩薩畫像，或土石膠漆銅鐵等像，要長遠心，日日不退，常以華香、飲食、衣服、繒絲、幢旛、錢寶等物，盡情供養。捨得清清淨淨，一心無妄時，便與菩薩神力、願力相應。是善女人，盡此一報女身，百千萬劫，更不生有女人世界，云何復受女身。」

除非慈願力故。要受女身。度脫眾生。

若修行見自法身清清淨淨，無所謂男身、女身。從法身起應，現男也可，現女身亦可。如華嚴經摩耶夫人現女身，為千佛之母。又筏蘇蜜多女，得離欲際法門，能令一切眾生離欲。此現女身，又有何垢？

承斯供養地藏力故。及功德力。百千萬劫。不受女身。

結示永離女身。

承斯供養地藏菩薩的神力，及供養功德力，百千萬劫不受女身。

復次普廣。若有女人。厭是醜陋。多疾病者。但於地藏像前。志心瞻禮。食頃之間。是人千萬劫中。所受生身。相貌圓滿。

此乃轉醜轉病之文。

上來供養地藏功德能轉女身為丈夫身。復以轉女身之次，「普廣，若有女人，厭惡自己，生得醜陋——醜容鄙陋，是人人所不喜的，尤其

是女人，更不喜歡自己醜陋。既已生成，云何能改？唯一方法——轉業。業轉報改：前世惡業，今生醜陋；今生修德，前生罪滅，醜報即轉矣。例如波斯匿王，有女名金剛，生得非常難看，髮硬如鐵、皮似樹膚、面醜像鬼，國王禁在內宮，不許人見。嫁夫婿後，亦鎖屋內，不許外出。後來自思惟：『我生在帝王家，少被父禁，長受夫困，不得自由，得無宿罪乎？今佛在耆闐崛山，大慈愍世，我今向佛懺悔宿世之罪。』

即時作禮，舉頭見佛髮，自髮轉柔；見佛面，自面轉好；見佛身，自身亦莊嚴。佛說：『汝前世輕賤聖人，故受此報。』所以今生醜陋，皆由前業。但於地藏像前，志心瞻禮，懺悔宿障，乃至一食之頃，至誠作禮，即仗地藏神力，千萬劫中，世世受生，相貌圓滿。

「又女人多疾病亦苦。何故自己比別人特別多病，而且醫來醫去皆不愈，此由前世惡業所致。本經云：『殺害眾生，多病短命報。』唯有在佛菩薩前至誠瞻禮，仗菩薩神力宿業消除，自然無病，且身體康健。」

佛在世時，嘗看病僧，為其洗滌，佛手觸體，即時病愈，此亦佛神力所致，菩薩神力亦然。但出家人，不可完全無病，所謂『比丘常帶三分病，無病不肯出三界』。

寶王三昧論：『一念身不求無病，身無病則貪欲易生。』此是古德訓人，些少病是修道的增上緣。修行，病來能作得主，生死有把握了。真歇禪師偈云：

訪道尋師實可傷，終年倒臥涅槃堂，
門無過客窗無紙，爐有寒灰席有霜，
病後方知身是苦，健時都為別人忙，
老僧自有安閑法，八苦交煎也不妨。

是醜陋女人。如不厭女身。即百千萬億生中。常為王女。

乃及王妃。宰輔大姓。大長者女。端正受生。諸相圓滿。

「醜陋女人，禮拜地藏菩薩，固然能轉女身，又能轉醜為妍。假如不厭女身，菩薩亦能滿其願，百千萬億生中，常為王女。」如波斯匿王之勝鬟，阿闍世王之術達，皆才貌福貴具足。乃至作國王之妃，如末利夫人、韋提希夫人。「宰輔」者，宰相之女也。「大姓」，貴族女也。「大長者女」，如須達多之有蘇曼，維摩詰之有月上。生生世世端正受生，諸相圓滿，有福有慧，眾人愛敬。

由志心故。瞻禮地藏菩薩。獲福如是。

此句最重志心，若不志心，不感應。志心者，誠心也。至誠所感，金石為開；誠能開衡山之雲，不誠無物。所以要至誠瞻禮為能感，菩薩

神力為所感，感應道交，獲福如是。

復次普廣。若有善男子善女人。能對菩薩像前。作諸伎樂。及歌詠讚歎。香華供養。乃至勸於一人多人。如是等輩。現在世中。及未來世。常得百千鬼神日夜衛護。不令惡事。輒聞其耳。何況親受諸橫。

此乃音樂供養之文。

若有善男子、善女人能對菩薩像前，作種種伎樂供養。「伎樂」者，音樂也。及歌詠、讚歎：「歌詠」者，梵音、梵調；「讚歎」者，嗟歎三寶功德也。

法華經云：『若使人作樂，擊鼓吹角貝，簫笛琴箜篌，琵琶鎣銅鉦，如是眾妙音，盡持以供養。或以歡喜心，歌唄頌佛德，乃至一小音，

皆已成佛道。』

觀此文，以樂器、以梵唄，歌頌佛德，皆成佛道。此亦如是，若以種種伎樂、微妙梵音讚歎地藏菩薩，功德甚大。不但心供養、口供養，還以音聲供養。以聲音作佛事，是我們娑婆世界的教體。楞嚴經云：『此方真教體，清淨在音聞，欲取三摩提，實以聞中入。』

我們中國，以種種讚，讚歎三寶。佛寶讚、法寶讚、僧寶讚、彌陀讚、藥師讚等。又以種種音調，宣揚佛法，例如燄口，從頭至尾，以種種音韻讚歎三寶，人歡喜聽，鬼神更歡喜聽。鬼神聞法音而離苦，聞梵音而發心。所謂『法樂奏無生之曲，梵音演最上之宗』。其中三寶讚、音樂咒、獻供咒、五方佛讚、準提讚，一一嘹揚悅耳、扣人心弦、文含妙義、字蘊禪機，我們莫看輕燄口課本啊！

中國禮記曰：『禮樂之行乎陰陽、通乎鬼神。』漢書云：『夫樂者，聖人所以感天地、通鬼神，又能移風易俗，使民蕩穢滌邪，故禮樂不

可須臾去身。』

夫樂，清明象天、廣大象地、終始象四時、周旋象風雨。所以「以音樂供養菩薩，或勸多人共同供養，感得未來世常得百千鬼神日夜衛護，不令惡事，輒聞其耳，何況親受諸橫。」

復次普廣。未來世中。若有惡人。及惡神惡鬼。見有善男子善女人。歸敬供養。讚歎瞻禮。地藏菩薩形像。或妄生譏毀。謗無功德及利益事。或露齒笑。或背面非。或勸人共非。或一人非。或多人非。乃至一念生譏毀者。

菩薩神力威猛，歸依罪滅，供養得福，譏毀獲愆。復以鬼神擁護之次，「普廣，未來世中，若有惡人——憎厭修善是『惡人』；濫作威福，求血肉享是『惡神』；處穢求食是『惡鬼』。如是惡人、惡神、惡鬼

，心既著惡，不喜善人。所謂清濁異流、明愚異處、忠佞相仇、邪常嫉正，故著欲之人，不喜我無欲之行。於是惡類遂生嫉妒，見有善男子、善女人，歸依恭敬菩薩而不恭敬他；供養菩薩而不供養他；讚歎菩薩，益顯他無德；瞻禮地藏菩薩而不禮他，所以心生嫉妒，妄生譏毀。『譏』者嘲諷之言，『毀』者謗壞之事。宣言供養菩薩，有何功德？徒喪資財，有何利益？種種毀謗，欲人退善。或露齒大笑，或當面非，又復背非；自己非，復勸人非，或勸得一人非，再勸多人而共非之，乃至一念生譏毀者。』此乃邪見作祟，縱我為非，自害害人，其禍無窮，斷無量人善根之罪啊！

如是之人。賢劫千佛滅度。譏毀之報。尚在阿鼻地獄受極重罪。過是劫已。方受餓鬼。又經千劫。復受畜生。又經千劫。方得人身。縱受人身。貧窮下賤。諸根不具。多被

惡業。來結其心。不久之間。復墮惡道。

此乃譏毀菩薩、退人善根，其罪極長之文。

「菩薩神力周徧法界，能救眾生苦。汝今毀謗菩薩神力，其罪極大；何況又斷一切人善根，其業寧有涯耶！所以如是之人，賢劫千佛滅度尚在阿鼻」。我們這個世界，賢劫有千佛出世，第一拘留孫佛，釋迦第四，最後樓至佛。化眾生入三賢位，故號賢劫。千佛滅度時長，其譏毀之報，不論是人、是神、是鬼，尚在阿鼻地獄受極重苦。「賢劫過已，從地獄出，纔受餓鬼饑渴之苦；經過千劫，再受畜生之苦；又經千劫，方得人身，縱受人身，貧窮下賤」。昔日謗人供養菩薩，故感貧窮之報；昔日謗人歸敬菩薩，故感下賤之報；昔日謗人瞻禮菩薩，故感諸根不具之報。「宿世之邪見、毀謗，故今煩惱熾盛，動輒作業，不久又墮惡道。」從迷入迷，苦上加苦，毀謗不信，仰誰來救呢？

是故普廣。譏毀他人供養。尚獲此報。何況別生惡見毀滅。

此以輕況重之文。

「是故普廣，譏毀供養，尚獲此報——千劫受苦。何況別生惡見，種種毀滅三寶，作一闡提，其罪更重，其苦更甚。」

復次普廣。若未來世。有男子女人。久處床枕。求生求死。了不可得。或夜夢惡鬼。乃及家親。或遊險道。或多魔寐。共鬼神遊。日月歲深。轉復尪瘵。眼中叫苦。慘悽不樂者。

此乃罪深病重之文。

復以譏毀之次。「普廣，若未來世，有男子女人，久處床枕，病苦纏綿，既請醫治，復自己調，總不見效，終身臥床，不能起居，欲求其生，而不得生；意欲求死，又不速死。或時夜夢惡鬼來追；或時夢家親敘面；或時夢遊履險惡之道；或時夢魘鬼壓身，寐不能覺；或共鬼神同遊幽冥，從日至月，從月至歲，病入膏肓。轉復尪瘵（勞病也），眠中常常叫苦，面容慘悽不樂者。」

此皆是業道論對。未定輕重。或難捨壽。或不得癒。男女俗眼。不辨是事。

此乃解釋之文。

「此是何病？非世間四大不調之病，乃宿世怨業來追，在幽冥界論

對，既未能即定其是輕？是重？豈便判是人之死生？所以應死者，或難即可捨壽；未應死者，尚爾淹留難痊，魂繫陰司，災生陽間。世人凡夫俗眼，豈窺此業道論對之事乎？」

但當對諸佛菩薩像前。高聲轉讀此經一遍。

此乃惡業報病，須藉法力才祛。「蓋諸佛心者，慈悲為體，能作大醫王，善療眾生身心之病；此經是法藥，能治宿業障病；菩薩是瞻病人，故須對佛菩薩像前讀經」。然只轉一遍，便明因果業報之事。金丹一粒，點鐵成金；至理一言，革凡成聖。何俟多耶！

或取病人可愛之物。或衣服寶貝。莊園舍宅。對病人前。高聲唱言。我某甲等。爲是病人。對經像前。捨諸等物。

或供養經像。或造佛菩薩形像。或造塔寺。或燃油燈。或施常住。

此乃為病捨物作福之文。

世人之病有二種：（一）四大是身病。（二）三毒是心病。身病可用藥，心病須修福。「或取病人可愛之物」，供養三寶；昔日以貪造業，今日以捨滅罪，務令其難捨能捨，難割能割，斷其病之根也，三毒是病之根。「或衣服寶貝」：衣以嚴身，寶以致富。「花園」，遊玩之處；「舍宅」，棲身之所，盡能捨之。捨物捨心，心空罪忘故也。

所捨之物對病人說，高聲唱言：我某甲等，為是病人，對佛經、佛像前，捨諸等物。供養「經」者，法也。法是佛母，佛從法生，三世以來，皆供養法。

「像」是世尊遺容。雖泥塑木刻，見者皆生佛想，與真佛無異，故

供者得福。

「造佛菩薩形像」者，功德殊多，因為造一尊佛像、或菩薩像，令無量眾生，見者、聞者、合掌者、供養者、作禮者，皆種成佛之善根。是緣因佛性，如是善根功德皆因汝造像而來，所以其功德，最為殊勝。

造像之人，來世眼目淨潔，面貌端正，身體手足，常好柔軟，若生天上，紫磨金色，端正無比。

「或燃油燈」。香油供佛，晝夜長明。尤其是鬼神、龜精、非人等輩，因燈光照夜間，得睹佛相好莊嚴。

「或將病人可愛之物」，盡施十方招提（即常住），供養十方僧眾，功德難思。

如是三白病人。遣令聞知。假令諸識分散。至氣盡者。乃至一日。二日。三日。四日。至七日以來。但高聲白。高

聲讀經。是人命終之後。宿殃重罪。至於五無間罪。永得解脫。所受生處。常知宿命。

此乃脫罪之文。

代病人施物供養三寶，必三白令知，令其洞聞於心，深知自己有如是功德。「假令」者，藉此施福，病去身安，何善如之；假使大難難逃，世緣已盡，當「諸識」分散時，指八識，八識和合，而為人。八識者，一阿賴耶識，二末那識，三第六意識，及眼、耳、鼻、舌、身五個識。如是八識和合，假名為人，八識分散，則人死矣！

第八識阿賴耶，此云藏識，含藏無量有漏種子故，又名異熟識，一切種子其結果時，是異時而熟、異類而熟、變異而熟，三義立名。

第七識末那識，有念執我故，將所作的種子，下在八識田中。若無我執，則無人下有漏種子，則『阿賴耶』不藏有漏種子，純是無漏種

，即不名阿賴耶，而轉名『如來藏』耳，所以修行，先破我執。

第六意識。誰人作業呢？乃是第六意識，心心念念分別人我、是非、取捨、憎愛，對違順境，而造一切善惡之業，由第七識執之為我所，而下在八識心中，作為生死之因。

前五識者，六識只能內起分別，不能取境，由前五識，眼、耳、鼻、舌、身取五塵之境，造身三、口四等善惡業。

所以八識和合，故有人。若人聞佛法而起修，先破我執，次不起分別，則前五識不取境作業。既無業種下八識田中，則阿賴耶無種不起現行，不造三界依正二報，則出三界，了生死矣！此時各識轉識成智：第八識號大圓鏡智、第七識號平等性智、第六識號妙觀察智、第五識號成所作智。

我們修行，八識中先觀第六識，令其不起分別，以無分別智破第七識我執。無我去執，則八識田中，業種子不起現行，自然枯槁；八識有

漏業頓空，則純是無漏清淨種子，此是清淨法身佛。從無漏種起現行，即從性起修，廣修六度萬行，一一行到波羅密彼岸，功德圓滿，成報身佛。復從報起應，用妙觀察智，觀機逗教；用成所作智，現身說法，處處教化，則成化身佛，大用現前矣！所以六祖云：

大圓鏡智性清淨，平等性智心無病，
妙觀察智見非功，成所作智同圓鏡。

五八六七果因轉，但轉其名無實性；
若於轉處不留情，繁興永處那伽定。

「氣盡者」。阿賴耶識去後來先作主翁，就是我們的命根，此識未走，猶可甦生；此識一去，則氣盡矣。死後七日是可超度之時，應該高聲白唱以施功德，大似今日佛前讀疏文；高聲讀經，聲徧法界，冥陽皆聞。仗施物及讀經功德，是人命終之後，所有宿殃重罪，必定消滅無餘，乃至五無間罪，仗三寶力亦漸得解脫。所受生處常知宿命，自然深信

因果，罪福分明，從明入明，必階聖域，遠離苦海矣！

何況善男子善女人。自書此經。或教人書。或自塑畫菩薩形像。乃至教人塑畫。所受果報。必獲大利。

況顯之文。

上來代人捨施，獲報尚爾，何況善男子、善女人，親自書此地藏經，又教人書寫此經，令自若他，皆曉喻大願度生之真理。

或自塑畫地藏形像，又教人塑畫地藏菩薩像。佛說『塑像之福，比四天下江河海水，超過十倍，不墮三惡道』。

如是書經、造像，兩種果報，必獲現在人天利益，及得將來成佛大利。

是故普廣。若見有人讀誦是經。乃至一念讚歎是經。或恭敬者。汝須百千方便。勸是等人。勤心莫退。能得未來現在千萬億不可思議功德。

此乃勸持之文。

上來自書、教人書此經，所受果報，必獲大利。「因是之故，普廣，汝若見有讀此經、誦此經、讀誦此經者；乃至有人聞此經，一念心開意解，稱揚讚歎者；或有三業虔誠，歸命恭敬此經者。第一讀誦，是信行人；一念讚歎，是法行人；恭敬是初下種子。普廣，汝須用百千方便，種種外護，勸其勤心思惟，隨文入觀。日久有功，觀成理現，便開圓解，此時與菩薩神力相應，則知自心具無量清淨功德。從性具而起事造，修成將來無量清淨功德。」性德屬現在，故云「現在得千萬億不可思

議功德」；修德屬未來，故云「未來得千萬億不可思議功德」。性德修德，唯是一心，故云「能得未來現在千萬億不可思議功德」。

大方廣總持經云：『佛滅度後，若法師，善隨樂欲，為人說法，能令聞者，發一毫歡喜之心，乃至暫下一滴淚者，當知皆是佛之神力。』

以此證知，其有誦讀，而生一念讚歎恭敬者，安知非佛力乎？

復次普廣。若未來世諸眾生等。或夢。或寐。見諸鬼神。乃及諸形。或悲。或啼。或愁。或嘆。或恐。或怖。

此乃親眷現形求度之文。

復以勸人莫退之次。「普廣，未來之世，有的眾生，或夢（日想夜夢）；或寐（將睡而未睡著之時），就見種種鬼神及種種形狀，有的向汝悲傷；有的向汝啼笑；有的面帶愁容；有的向汝嘆息；有的向汝現恐

懼之形；或現怕怖之狀」，總不能講話，以形狀表達其意，但汝不識是什麼人，時時像這樣入夢。

此皆是一生十生。百生千生。過去父母。男女弟妹。夫妻眷屬。在於惡趣。未得出離。無處希望福力救拔。當告宿世骨肉。使作方便。願離惡道。

此乃釋意之文。

佛說：「這樣發夢，乃是多生眷屬，或一生、百生、千生，過去父母，向汝求超度；或過去男女弟妹；或夫妻眷屬，可能墮落鬼趣，日久未得出離，又無一處可希望福力救拔。因為墮落鬼趣，拜佛無得拜；看經無經看；布施無物可施，亦無三寶給予供養。既不能作福，則不能自救，無聊之極，不得已唯要希望宿世骨肉念親屬之情，代其向三寶中，

作種種功德，俾其早日解脫惡道苦難。」

普廣。汝以神力。遣是眷屬。令對諸佛菩薩像前。志心自
讀此經。或請人讀。其數二遍或七遍。

此乃敕遣讀經之文。

「普廣，世人愚癡，尚既不知夢中之事，縱許知之，亦未必肯救援。
。因世人今生六親，尚不關注，何況遠親。所以汝以神力，入此人心識
，令其憶念過去眷屬，發起慈愍超度之心，指示其對佛菩薩讀此經，或
請僧人讀此經。少數三遍、或七遍（三七乃陽數），回向亡者，俾其脫
陰間鬼趣之苦，得生陽世人天之樂。」

如是惡道眷屬。經聲畢是遍數。當得解脫。乃至夢寐之中

。永不復見。

「如是讀此地藏經三遍、或七遍，回向過去眷屬，若解脫時，則夢寐中，永不復見來入夢矣。」

復次普廣。若未來世。有諸下賤等人。或奴。或婢。乃至諸不自由之人。覺知宿業。要懺悔者。志心瞻禮地藏菩薩形像。乃至一七日中。念菩薩名。可滿萬遍。如是等人。盡此報後。千萬生中。常生尊貴。更不經三惡道苦。

此乃下賤求懺罪滅之文。

復以超度遠親之次，則現罪亦應懺悔。「普廣，如來滅度之後，未來末法之世，如有種種下賤、卑使、僕隸等人，或為人作奴、或為人作

婢，繫屬於人，自身無絲毫自由自在分，卒然覺悟宿業所致，今受此苦，唯要懺悔宿障。向誰求懺悔呢？誰有神力願拔我苦呢？嘗聞地藏菩薩有大願力，願救眾苦；又有大神力，能拔眾罪。自己至誠一瞻一禮頂禮地藏菩薩聖像，一日乃至七日；同時在七日中，每日念菩薩功德名號萬遍，念到萬罪消除為止。若能如是向菩薩至誠瞻禮、懺悔，仰仗菩薩願力、神力，此等人盡此報後，千萬生中，常生尊貴之家，永不受三惡道苦。」

復次普廣。若未來世中。閻浮提內。刹利。婆羅門。長者。居士。一切人等。及異姓種族。有新產者。或男或女。七日之中。早與讀誦此不思議經典。更爲念菩薩名。可滿萬遍。

此乃代嬰兒修福之文。

復以滅現罪之次。「普廣，若未來世，閻浮提洲內，刹帝利種也可、婆羅門種也可、長者居士也可，一切人等，乃至異姓種族也可，其有新產者，或男或女也可。未生以前最初懷孕時，即為子作福，增長善根。如何作呢？最初懷孕第一個七，就開始讀誦此不思議神力經典，更念地藏聖號，不論多少，務令念念真實，可滿萬遍，則所孕之兒，萬罪消盡，萬福駢臻。」

是新生子。或男或女。宿有殃報。便得解脫。安樂易養。
壽命增長。若是承福生者。轉增安樂。及與壽命。

此乃脫殃增壽之文。

妙哉兒子，未生就能令其滅殃增福。「將讀經功德，念名功德，回

向所孕之兒，仗菩薩神力消其宿殃，增其福基，安樂易養，更增壽算。以增福故，懷孕期間，香風來吹，吹其兒體，柔軟端正，相好莊嚴。未生以前，可以改造相貌端正，生了以後，則無能為力耳。若是來投胎的兒子，自己有福——承福來生者，父母為其讀經、念聖號，則轉增其善根，福上加福、壽上加壽，萬般如意。」我們無輕此文，曾見有人證驗啊！

復次普廣。若未來世眾生。於月一日。八日。十四日。十五日。十八日。二十三。二十四。二十八。二十九日。乃至三十日。是諸日等。諸罪結集。定其輕重。

地藏齋日之文。

觀音六齋日，初八、十四、十五、二十三、二十九、三十，此六日

，是觀音齋期。又每年有三長齋月，正月、五月、九月是也。

地藏菩薩教人每月有十齋日，如上文所說。

齋者齊也。我們修心齋戒，與佛看齊，佛如是，我們如是，故名之為齋；離邪祛欲、節食養志、身心清淨，與佛相同，故名之為齋。此經說十齋日，乃是諸天結罪，定業輕重，所以此日受齋戒，則所定之業，是善無惡。若能日日齋戒，更好，如沙門比丘是；否則每月十日，奉齋修心。

南閻浮提眾生。舉止動念。無不是業。無不是罪。何況恣情殺害。竊盜。邪淫。妄語。百千罪狀。

舉閻浮罪多之文。

四大部洲，南洲之人最剛強，其罪特別多。先說意業：「閻浮眾生

意業，一念來、一念去，一日一夜可以知者無數，不知者更多，且惡念多過善念。善惡有報，所以得人身時短，失人身時長。善念猶自可，惡念就障我們修道啊！」

昔日優波鞠多尊者，向師求道，師曰：『汝年未滿，且正心念。』

教其觀心：起一念惡，即取黑豆入袋；起一念善，就取一粒白豆入袋。如是臨睡數之，黑多白少；日日觀心，不覺白多黑少；最後，純白無黑。即白師。其師商那和修尊者，乃教修行之旨，不久證阿羅漢果。且度人無數，因此修行，先除掉自己的穢念，方可說修，否則雜毒攻心，難矣哉！

此文講「閻浮眾生舉念、止念，若動、若靜，無非是生死之業，無非是招苦之罪」。動念固然是罪，何故止念也是罪？動念是妄想，止念是昏沈，安得無罪！一個是妄想魔，一個是昏沈魔，俱障我們修行啊！「何況更縱過去之情，恣目前之欲，殺害無邊生靈、貪心竊盜他人之財

物、邪淫妄犯別人之外色，罪狀百千。」這麼多，若不自制，必受諸苦。

能於是十齋日。對佛菩薩諸賢聖像前。讀是經一遍。東西南北。百由旬內。無諸災難。當此居家。若長若幼。現在未來。百千歲中。永離惡趣。

誦經離難之文。

既然過去罪這麼多，「若能於是十齋日，在佛菩薩前、賢聖像前，恭敬讀此經一遍，仗地藏神力，東西南北百由旬內，不受種種災難。同時汝一家之人，若長（父母）、若幼（兒女），現在免難，未來百千歲中，仗菩薩願力，永離三惡道。」

能於十齋日。每轉一遍。現世令此居家無諸橫病。衣食豐溢。

齋日誦經滅罪文。

「能」者，實行也。實實在在能于十齋日，轉經一遍入心，心空、罪滅、福生。現世令此居家之人，個個無諸橫禍之病，個個衣食豐足、身心安樂。

是故普廣。當知地藏菩薩。有如是等不可說百千萬億。大威神力。利益之事。

總結威神之力。

上來所說神力，略言之。其實普廣，當知地藏菩薩，有如是等不可說百千萬億大威神力，利益之事，利益眾生，不能盡說。

閻浮眾生。於此大士。有大因緣。是諸眾生。聞菩薩名。見菩薩像。乃至聞是經。三字五字。或一偈一句者。現在殊妙安樂。未來之世。百千萬生。常得端正。生尊貴家。

閻浮眾生與菩薩有緣之文。

因地藏菩薩最初發心在閻浮；二次度母，一次做國王，皆是閻浮之人。又閻浮眾生，多是菩薩超度，令其出生人間者。閻浮眾生一聞菩薩誕辰，不論小兒老婦，皆歡喜慶祝賀誕；男女老幼，無不知有地藏菩薩。所以「閻浮眾生，與大士特別有大因緣」。

有緣易度。是諸閻浮眾生，或聞菩薩名而常念；或見菩薩像而常禮

；或聞此經受持讀誦；乃至受持此經三字五字、或一偈一句，終身奉行而不違者，現在殊妙安樂，乃至未來之世，承菩薩願力，百千萬生常得端正之身，生尊貴之家。

爾時普廣菩薩。聞佛如來。稱揚讚歎地藏菩薩已。胡跪合掌。復白佛言。世尊。我久知是大士。有如此不可思議神力。及大誓願力。爲未來眾生。遣知利益。故問如來。唯然頂受。世尊。當何名此經。使我云何流布。

讚畢請名之文。

爾時普廣菩薩，聞佛如來稱揚、讚歎地藏菩薩已，胡跪（世稱長跪），合掌，復白佛言：「世尊，我久已知地藏大士，有如此不可思議神力，能拔苦；及大誓願力，願救苦。」普廣亦地藏之流，亦具此神力、

願力，故云「久知」；今日求佛為眾宣揚，無非想令未來眾生，咸知供養地藏，有如是利益，故問如來。「唯然」者，地藏神力無疑矣！我能頂戴受持，流通此經。「世尊，但此經當安何名？」名能招實，無名，使我依何法門而流布之？

佛告普廣。此經有二名。一名地藏本願。亦名地藏本行。
亦名地藏本誓力經。

緣此菩薩最初發願，依苦諦理而發「願度一切眾生之苦」，即所謂『眾生無邊誓願度』。度眾生者，度眾生之苦也，眾生離苦，苦盡即見諦理，此是「地藏本願」；從願起行，欲救眾生苦，故起廣大度生之行，行行利益眾生，故名「地藏本行」；從行得力，度生度得多，其功德神力增加，徧滿法界，無非拔苦之力，故名「地藏本誓力經」。陰持入

經云：『力應以何為義？無能壞為力義，有所益為力義，有膽為力義，能得依為力義。』今地藏從發心以來，不為天魔沮壞，一力也；在所利益眾生，二力也；有膽偏化地獄，三力也；能為六道得依止，四力也。此地藏本時誓願，所成之力，故名「本誓力經」。

緣此菩薩。久遠劫來。發大重願。利益眾生。是故汝等。
依願流布。普廣聞已。合掌恭敬。作禮而退。

佛語普廣：「地藏菩薩久遠劫以來，皆發大願，利益眾生，是故汝等，依地藏願而行，在在處處拔眾生苦，與經相應，便是流布此經。」普廣聞已，依教奉行，合掌恭敬，作禮而退。

利益存亡品第七

此品是地藏菩薩說，也是度生之緣。以三寶威光，能救亡者超出三途、八難；又能令存者增福、增慧。三寶是度生之緣，除此以外，無人能救眾生，乃至拜祭鬼神魍魎，無纖毫之力利益亡人，唯仗佛力、法力、供養僧力，方能存亡兩利；令無數鬼神，聞之慚愧，皆發菩提之心，而求三寶無漏功德。

爾時地藏菩薩摩訶薩白佛言。世尊。我觀是閻浮眾生。舉心動念。無非是罪。脫獲善利。多退初心。若遇惡緣。念念增益。

此乃閻浮眾生識心無定之文。

地藏菩薩在此閻浮洲，度眾生度得多，眾生心性非常熟識，故白佛言：「我以慧眼而觀閻浮眾生，第六意識雖能分別諸法，但不了諸法無性，更不了諸法本性空寂，所以妄計實有，著善、惡相；以妄計故，舉心動念，無非是生死之罪，總不能超出生死範圍，在生死海中打圈轉。僥倖獲得作善，得利；但當獲利時，卻忘記昔日作善之因，多數退而不繼續修善，所以其福利不久亦盡」。

「若遇惡友、惡境為其助緣，便去造罪。一次、二次、三次造罪，惡種增加，惡種內薰，念念造罪，不能自拔了。所以『善退惡增』乃閻浮眾生之心病。」

是等輩人。如履泥塗。負於重石。漸困漸重。足步深邃。

此喻閻浮眾生，善退惡增。

「如履泥塗」，指退善；「負於重石」，指作惡；「漸困漸重」，指惡增；「脚步深邃」，指墮三惡道。不能自拔了！

若得遇知識。替與減負。或全與負。是知識有大力故。復相扶助。勸令牢腳。若達平地。須省惡路。無再經歷。

此乃知識能救之文。

地藏菩薩說閻浮眾生作惡，漸困漸重，不能自拔，唯知識能救。「知識」者，三寶無漏功德啊！「若」者，僥倖之辭。「僥倖遇到三寶中善知識，替其向三寶中求救，與其減罪，或全滅其罪。三寶有如是大威神力，因三寶是無漏功德，能滅有漏之罪；又能扶其修善，助其不退。三寶教訓能令其牢腳，踏實行善，因此得達人天平坦之地，須省作惡是三途惡路，從此再不造罪、再不退善，三寶知識之力啊！」

世尊。習惡眾生。從纖毫間。便至無量。

復舉習惡易增之文。

「世尊，眾生萬不能作惡，一作惡就有種子；種子起現行，又令汝第二次造罪；第二次造罪，內薰為種子，惡種子又增加；種子復起現行，其力更大，無辦法不去造罪。如是種子起現行，現行薰種子，種現相薰，便至無量。」所謂一件穢、兩件穢，一穢下去，就不能自拔。所以佛教弟子懺悔，初夜造罪，初夜就懺悔，便容易拔罪，莫待天明，天明則種子已種下八識田中，就難拔了。是以覆藏過失之人，其罪不滅，唯一直增長下去，如樹大難拔了。

是諸眾生。有如此習。臨命終時。父母眷屬。宜爲設福。

以資前路。

地藏菩薩說：「閻浮眾生既有如是惡習，習惡不能自拔，難免命終時，墮落惡道。若其父母，識得三寶之力，宜為設福，求三寶之力，以資助其前途之路。」無常偈云：『勝因生善道，惡業墮泥犁，唯有佛菩提，是真歸依處。』

或懸旛蓋。及燃油燈。或轉讀尊經。或供養佛像。及諸聖像。乃至念佛。菩薩。及辟支佛名字。一名一號。歷臨終人耳根。或聞在本識。

此乃設福之文。

三寶福田最大，而且是無漏福，故向三寶求福。「或懸五色長旛，

豎在刹杆上，隨風飄揚，供養三寶；或懸寶蓋，覆佛像上」。維摩經長者子以蓋供養釋迦尊曰：『我今奉佛以微蓋，於中現我大千界。』「或燃油燈供養三寶，仗三寶力燈光照諸幽冥，苦痛眾生蒙此光明，暫得離苦，得互相見」。

「或讀誦大乘經典轉入心田，種下大乘善根。當誦經時，自聞他聞，皆獲法益，亡者承斯經力，亦得超昇。或供養佛像，種種香油、香、華、燈、塗、果、樂，如佛在世等無有異；供菩薩像，功德亦然」。

「乃至念佛萬德洪名及辟支佛名，皆是無漏功德，歷臨終人耳根，一直入本識（指第八阿賴耶識），下為佛種。」所謂『法音經耳，功報彌劫，一歷耳根，永為道種』。

是諸眾生。所造惡業。計其感果。必墮惡趣。緣是眷屬。
為臨終人。修此聖因。如是眾罪。悉皆消滅。

能滅諸罪之文。

「是諸眾生，在生所造惡業，計其果報，必墮惡趣；今緣眷屬，為臨終人修此種種供養三寶，仗三寶無漏功德，結將來成佛之果」，故云『修此聖因』。三寶無漏功德，尚且令人成聖，何況「此人有漏諸罪，而不悉皆消滅耶」！

○若能更爲身死之後。七七日內。廣造眾善。能使是諸眾生永離惡趣。得生人天。受勝妙樂。現在眷屬。利益無量。

前文是臨命終時，在三寶種福，能令亡者，不落惡道，眾罪消滅。

此文「若更爲亡者，七七四十九日內，廣造功德，供養三寶，仗三寶之力，能令亡者，不但滅罪，而且增福；以增福故，承此福力，生人

天上，享勝妙之樂。現在眷屬，為作福者，所得利益，更多無量。」所謂『冥陽兩利，存亡獲益』。

因人死，若非有極重罪，其中陰身，七日一死生，如是七次死生，共四十九天，方定其罪福，轉生六道。所以在四十九日內做功德，能令亡者，增福減罪。

是故我今對佛世尊。及天龍八部。人非人等。勸於閻浮提眾生。臨終之日。慎勿殺害。及造惡緣。拜祭鬼神。求諸魍魎。何以故。爾所殺害乃至拜祭。無纖毫之力。利益亡人。但結罪緣。轉增深重。

此乃鬼神無力之文。

除三寶之外，一切天龍八部、人非人等，未出三界者，皆是有漏。

縱許天龍，有漏福，亦不能滅有漏之罪。因是之故，所以地藏菩薩對世尊說：「若天、若龍、若八部、人非人等，皆應勸閻浮提眾生，臨終之日，慎勿殺害生靈，取其血肉，造諸惡緣，去拜祭鬼神，及求諸魍魎。」

「何以故？爾所作殺生、害命之罪，拜祭無智鬼神，全無纖毫之力能利益亡者；不但無益亡者，而且所作殺生、害命之罪緣轉增，亡者加深其罪。」

假使來世。或現在生。得獲聖分。生人天中。緣是臨終被諸眷屬造是惡因。亦令是命終人殃累對辯。晚生善處。

此帶累亡者善緣晚生之文。

「假使亡者自己有福，來世應生善道；或現在之世，不經中陰，即

生善道，應獲得見聖聞法之分，生在人天中，修諸善法。緣是臨命終時，被其陽間眷屬，造是殺害生靈、拜祭鬼神，種種愚癡不合理的惡因，令是命終之人，在陰間殃累對辯公庭——言非教他作，而晚生人天善處。」

何況臨命終人。在生未會有少善根。各據本業。自受惡趣。
○何忍眷屬更爲增業。

帶累亡者，加深其罪之文。

上來亡者，有善殃累，晚生善處。「何況亡者，一生無少善根，純是惡緣，據其本業，自受惡趣之報；何忍眷屬，在其臨命終時，殺生拜鬼，作是惡業，更增其罪呢！」

譬如有人從遠地來。絕糧三日。所負擔物。強過百斤。忽遇鄰人。更附少物。以是之故。轉復困重。

此為譬喻之文。

「譬如有人」，指閻浮提眾生。「從遠地來」，指捨父逃走，從無始以來，入生死苦海。「絕糧三日」，指在生死海中，若有三無漏學資糧，可出三界。第一戒無漏學資糧，持戒清淨永不墮三惡道，即出三途。第二定無漏學資糧，有四禪八定，遠離貪欲，不受欲界生死。第三慧無漏學資糧，能破色、無色界生死，就出三界火宅，還自己的老家，登涅槃之彼岸，見慈父之佛陀，受如來的家業。若人絕了戒、定、慧三種資糧欲出三界，則難中難矣！況且迷真起妄，妄執五陰重擔為我我所，造十惡之罪；一惡具十，十十成百，故云「所負生死重擔，強過百斤」。

。又臨命終時，忽遇不體心的眷屬，為其殺生拜祭鬼神，此罪加其身上，故云「忽遇鄰人，更附少物」。以是之故，令亡者罪上加罪，故云「轉復困重」。

世尊。我觀閻浮眾生。但能於諸佛教中。乃至善事。一毛一涕。一沙一塵。如是利益。悉皆自得。

此乃三寶無漏功德，乃至極小，煩惱不能壞，而終壞煩惱；生死不能壞，而終壞生死；業障不能壞，而終壞一切業障。因三寶功德，猶如金剛，一切不能壞，終壞一切。

所以地藏說：「世尊，我觀閻浮眾生，但能於諸佛教海中，依教奉行。於三寶中，所作善事，乃至一毛之輕、一涕之微、一沙之小、一塵之細，皆是無漏善根。善根成熟，種子起現行，就能返迷成悟，破諸煩

惱，成就出世利益，一得永得，不從他得。』

華嚴經云：『了一切法，即心自性，成就慧身，不從他悟。』

印度外道祠天，以金造天像頭，夜有賊來偷，天神不與，賊驚惶間，大呼南無佛一聲，取頭而去。天明大眾均曰：『無天神來附。若有，云何被賊取頭去？』天神附一人身上曰：『賊來取頭，本不得，因賊大呼南無佛，緣此得便，取我頭去。』大眾均曰：『神不如佛，我們改奉佛罷！』

說是語時。會中有一長者。名曰大辯。是長者久證無生。化度十方。現長者身。合掌恭敬。問地藏菩薩言。大士。是南閻浮提眾生。命終之後。小大眷屬。爲修功德。乃至設齋。造眾善因。是命終人。得大利益及解脫否。

大辯興問之文。

聞地藏說，但以佛教中，作絲毫之善，悉皆自得，不落空過。

「即時會中有一長者，名曰大辯」。佛法有四大辯才，一、法無礙辯：諸法名相，通達無礙。二、義無礙辯：義理無窮，深悟實相。三、詞無礙辯：文詞藻章，華麗宣揚。四、樂說無礙辯：一法演無量法，一義含無量義，重重宣說，周旋無盡。印度「長者」，尊貴之人也。「久證無生」者，諸法本不生，迷故有生，妄見也；正見，則法法無生，生死本無，非有生死可斷啊！煩惱本不生，非有人斷於煩惱啊！業障本空，非有業被人空啊！法華經云『諸法從本來，常住寂滅相』者，無生義也。金剛經云『過去心不可得，現在心不可得，未來心不可得』，諸法豈有生耶！中論云『諸法不自生，亦不從他生，不共生，不無因生，是故說無生』。我們推窮諸法，不見起處，則諸法不生義定；不生則不滅，不增則不減，不垢則不淨，是諸法的空相。證此空相時，清淨本然，

周徧法界，就是無生法忍也；是我們的清淨法身，無生無不生，大用現前，就可以分身十方，廣作佛事，隨緣度生。地藏菩薩分身十方地獄，也是這個道理。所以文中說「久證無生，化度十方，現長者身」。此方現長者，難保他方現菩薩身，或者羅漢身，因為無生無不生，能現一切身啊！合掌恭敬，問地藏菩薩言：『大士，南閻浮提眾生命終，『小眷屬』指其兒女，『大眷屬』指其父母，有時兒女超度父母，有時父母超度兒女，故云『小大眷屬』。『為亡者修功德』，指懸旛、懸蓋、拜懺、誦經等，乃至設齋供養十方僧。『造眾善因』，指燃燈、造像、布施，以其功德回向命終人，得超昇利益，及解脫三惡道之苦否？』

地藏答言。長者。我今爲未來現在。一切眾生。承佛威力。
○略說是事。

略說為亡者作福得益之文。

長者。未來現在諸眾生等。臨命終日。得聞一佛名。一菩薩名。一辟支佛名。不問有罪無罪。悉得解脫。

臨終聞名悉脫之文。

長者啊！我仗佛力說未來及現在，一切眾生等（等字包含六道），臨命終時，神魂離身，一切放下，唯有一心聞佛名號，與佛功德相應；或聞菩薩名字；或辟支佛名字（皆是聖人，皆是無漏功德），一念相應，即時就能消滅罪垢，又能轉無罪而成有福。所謂有罪滅罪、無罪增福，故云「有罪無罪，悉得解脫」。

若有男子女人。在生不修善因。多造眾罪。命終之後。眷

屬小大。爲造福利。一切聖事。七分之中。而乃獲一。六分功德。生者自利。

代做功德之文。

我佛為俗人說法，必先戒論、施論、生天論。因俗人本不求了生死，所以佛對機施教，教其持戒及布施作福，求生天上，永處福地。

地藏說：「若有男子、女人，在生時未曾修一毫之善，多造眾惡——利己損人之罪，命終之後，假如眷屬，或小兒女、大父母，為亡者造福，懸旛、懸蓋、燃燈、燒香等福業。資生天上福堂，人間福處，故云『福利』。一切聖事，指誦經、念佛、拜佛、供齋等，皆法門正事，能獲出世三乘聖果，故云『聖事』。如是功德，七分中，亡者獲得一分，六分功德生人自得」。經云：『亡後作福，死者七分獲得一，餘者屬現在。』

以是之故。未來現在善男女等。聞健自修。分分已獲。

以是之故，莫待死後，別人代汝做，何不生時自己修，七分獲得七分。況且現在身康力健，至誠而做，一心而為，可能十分，就得十分，故云「分分自獲」。

無常大鬼。不期而到。冥冥遊神。未知罪福。七七日內。如癡如聾。或在諸司。辯論業果。審定之後。據業受生。未測之間。千萬愁苦。何況墮於諸惡趣等。

無福苦悶之文。

身有生老病死；心有生住異滅；世界有成住壞空，一切無常。而且

誰也不知何時死，更不知何處死，又不知怎樣死。有嬰兒亡、有少年亡、有的壯年亡，乃至老年亡。且孤墳多是少年人，莫待老來方修福啊！

地藏說：「無常鬼，何時來，不會講給汝聽，多數突然而至，故云『不期而到』。等汝死了之後，中陰身在幽冥界空中遊行，此時又未知自己到底罪多福多；且中陰身更無常，七日一死，極其量，七七四十九日壽限，就趕快去投胎。牛胎、馬胎、鬼胎、人胎，誰亦不能自知，此時如癡如呆、如聾如盲。或者中陰身，在諸司辯論業果」。地府有五個官，一鮮官，審汝殺生幾何。二水官，審汝作賊多少。三鐵官，審汝邪淫次數，四土官，審汝兩舌口業。五天官，審汝飲酒斗量。

「如是辯論業果，有時心重境輕，其罪便大；有時心輕境重，其罪可小；有時作業心境俱重，則罪大惡極；有時心境俱輕，其罪微乎其微。如是辯論，審定之後，據業輕重，而受六道生。當未測之間，能不千愁萬苦！何況定了重罪，墮落諸惡趣，聞之更悲恐矣！」地獄判罪，殺

生者，朝生暮死報；劫盜者，當作豬、羊受人屠割；淫泆者，作鶴鷺獐麋；兩舌者，作鵠梟鵠鵠；捍債者，為驢驥牛馬，故云「據業受生」。

是命終人。未得受生。在七七日內。念念之間。望諸骨肉眷屬。與造福力救拔。

是命終人在七七日內，未受生以前，無不念念間，望陽間骨肉、父母、兒女、兄弟、夫妻等眷屬，代其向三寶作福，以資救拔。

過是日後。隨業受報。若是罪人。動經千百歲中。無解脫日。若是五無間罪。墮大地獄。千劫萬劫。永受眾苦。

無救之文。

中陰身過了四十九天，陽間骨肉不造福而來救，則隨本人之業而受報。若是有福猶自可，往生人天；假若是罪人，入三惡道，動經千百歲中，不見解脫之日；若是五無間罪，墮大地獄，千劫萬劫受無間苦，更不知何日出離。

復次長者。如是罪業眾生。命終之後。眷屬骨肉。爲修營齋。資助業道。未齋食竟。及營齋之次。米泔菜葉。不棄於地。乃至諸食未獻佛僧。勿得先食。

營齋如法之文。

復以無救墮苦之次，「長者啊！如是罪業眾生，命終之後，其眷屬骨肉，為修營齋，供養三寶，以此功德，資助亡者，最重要未獻佛、供僧慎勿自食」；若先自食，則成殘食。「殘食」者，食過之物也。若將

殘食供佛及僧，全無功德，不如不作。

「及營齋期間，慎勿將米汁菜葉，棄於地上。」供佛餘物，豈可棄地，棄地則不恭敬耳。應將殘物，待齋食竟，施與畜生。

如有違食及不精勤。是命終人。了不得力。如精勤護淨。
奉獻佛僧。是命終人。七分獲一。

如法得力之文。

如有違前文設齋之儀——先行自食；及不精勤護淨，以穢手觸食；米泔菜葉，棄於地上。如是不法，則命終之人，全無功德，了不得力。如精心勤力護淨、設食，奉獻佛僧，求十方僧人之福，則命終人，七分獲一分功德。

是故長者。閻浮眾生。若能爲其父母乃至眷屬。命終之後。設齋供養。志心勤懇。如是之人。存亡獲利。

如法獲利之文。

因是之故。長者。閻浮眾生若真能爲其父母。乃至爲其六親眷屬。命終之後。設齋供養三寶。以資亡者。則應志心誠懇。勤勞。護淨。如是如法設齋。則亡者。生者皆獲大利。

說是語時。忉利天宮。有千萬億那由他閻浮鬼神。悉發無量菩提之心。

佛在天宮為母說法畢。放無量光明雲。無量天龍鬼神來會天宮。從

佛聞法，滋潤心田。又聞地藏菩薩親口說，拜祭鬼神魍魎，無絲毫之力利益亡人，空受人間血肉祭祠，得無愧乎！皆由我等，從來未曾修無漏功德，所以不能救度亡者，我等何不齊發菩提心，求出世無漏功德，方能利益眾生，所以千千萬萬閻浮鬼神，皆發無量菩提之心。菩提心內具無量功德，故云「無量菩提心」。

大辯長者。作禮而退。

閻羅王眾讚歎品第八

此品也是度眾生之緣，即燒香、誦經、造幡、造像、齋僧、供眾等，種種善緣也。

閻羅王，此云雙，苦樂雙受故。若論本跡，則難思議。

漢益州刺史，郭徐安病重，其妻問歡喜天。天言：『可發願一日中造地藏菩薩像。』安即發是願。一日，忽悶絕，經三時，安醒，自言入地獄。閻王告曰：『公依婦恩，發願造大王像，我為令眾生償罪業，現閻王身，實是法王。若有眾生，歸依地藏，滿足所求，公急還人間，畢其願。』

觀此文，則閻羅王也是菩薩化身，與無數鬼王，治惡人之罪，令其改惡修善也。

今日既至天宮，乘此因緣，在佛前讚歎地藏菩薩教化地獄眾生之豐

功偉績也。

爾時鐵圍山內。有無量鬼王。與閻羅天子。俱詣忉利來到佛所。

天有天王、人有人王、地府有閻羅王，亦稱閻羅天子，與無數鬼王，在地府教化罪人，使令修善。

「爾時」者，指佛在天宮為母說法畢，放無量光明雲，即仗佛力，與地藏菩薩同來天宮聞法之時也。

所謂惡毒鬼王。

人有三毒、十惡。此鬼王以毒攻毒，以惡出惡，故名。

多惡鬼王。

一念心具諸惡，何況念念。此鬼現忿怒之相，令人見之，不敢復起惡念，故名。

大諍鬼王。

大諍者無諍也。此鬼王令人解怨釋結，故名。

白虎鬼王。血虎鬼王。赤虎鬼王。

此三鬼王，皆以獸形得名。

散殃鬼王。

此鬼王令人莫作諸惡——如不孝父母、不敬師尊等，否則災禍臨身

飛身鬼王。

即飛行夜叉之帥。

電光鬼王。

眼如閃電。

狼牙鬼王。

口露凶牙。

千眼鬼王。

全身千眼，瘟疫神也。

噉獸鬼王。

主獸。

負石鬼王。

令小鬼負石、擔沙，填河、塞海。

主耗鬼王。

百物耗損。

主禍鬼王。

橫禍降臨。

主食鬼王。

即面然大士，分衣施食。

主財鬼王。

護人得財。

主畜鬼王。

主六畜。

主禽鬼王。主獸鬼王。主魅鬼王。

可以名思知。

主產鬼王。

即送生、保產者。

主命鬼王。

主人生死之命。

主疾鬼王。

主人種種病。

主險鬼王。

高山峻嶺、大海深淵，由他主理。

三目鬼王。四目鬼王。五目鬼王。

可以名知其義。

祁利失王。大祁利失王。

有翻大力。

祁利叉王。大祁利叉王。

有翻火神。

阿那吒王。

可能那吒太子，統領群鬼。

大阿那吒王。

可能多聞天王手下大將，統領一切鬼神。

如是等大鬼王。各各與百千諸小鬼王。盡居閻浮提。各有所執。各有所主。

鬼王率領小鬼，盡居閻浮提。「各有所執」，執領權柄；「各有所主」，主理職務。所謂鬼有鬼世界啊！

是諸鬼王與閻羅天子。承佛威神。及地藏菩薩摩訶薩力。

俱詣忉利。在一面立。

陰陽路別，天地懸隔，閻羅與鬼王，能上天宮者，皆賴佛威神力，及地藏菩薩願力，俱詣忉利天宮，在一面立，聽佛說法。

爾時閻羅天子。胡跪合掌。白佛言。世尊。我等今者。與諸鬼王。承佛威神。及地藏菩薩摩訶薩力。方得詣此忉利大會。亦是我等獲善利故。我今有小疑事。敢問世尊。唯願世尊。慈悲宣說。

閻王疑問之文。

有疑在心，今日見佛，豈不請問，決己所疑。

「爾時」者，無量鬼神聞法發菩提心之時。閻羅乘機請佛決疑，胡

跪合掌，白佛言：「世尊，我等難得有機會上天宮，今既仗佛威神及地藏菩薩大慈力，帶我等來天宮，我等非常歡喜，亦是我等見佛聞法，修行獲出世善利故。但我心中有小疑問，若不解決，恐怕對修無上菩提之事有所障礙。故我今日，大膽敢問世尊，唯願世尊垂慈為我宣說。」

佛告閻羅天子。恣汝所問。吾為汝說。

我佛大慈，如鐘高懸，有叩即鳴。佛一切智，無一事不徹，故云「恣汝所問」。

是時閻羅天子。瞻禮世尊。及迴視地藏菩薩。

既佛許答，即行禮儀，一瞻一禮世尊，同時回眸熟視地藏菩薩，望

表同意。因地藏是閻羅王之師啊！

而白佛言。世尊。我觀地藏菩薩。在六道中。百千方便。而度罪苦眾生。不辭疲倦。是大菩薩。有如是不可思議神通之事。然諸眾生。獲脫罪報。未久之間。又墮惡道。

閻羅白佛言：「世尊，我已觀到地藏菩薩在六道中，百千方便，度脫罪苦眾生，不知費了多少精神，處處教化、時時救度，而不辭疲倦。菩薩既有如是不可思議神通拔眾生罪，令離三途苦，得人間樂。既生人道，自應廣修善法，以報菩薩救度之恩。而所度眾生，大不如然，不久之間，又入三途，再墮惡道。」因人間百年，就是地獄一日，菩薩度罪人，早晨出地獄，晚上又見其再來；豈不令閻羅王懷疑：怎麼這樣快又回地獄來呢？

世尊。是地藏菩薩。既有如是不可思議神力。云何眾生而不依止善道。永取解脫。唯願世尊。爲我解說。

此是疑點。「世尊，地藏菩薩有不可思議神力，度眾生出地獄上生善道；眾生既受菩薩教化，自應依止善道，修無漏法，得出三界，永取涅槃，解脫泥犁。今不盡然，不久又見其再入地獄，莫非菩薩神力不足令其依止善道，抑或眾生立志不堅，不能安住善道呢？」

佛告閻羅天子。南閻浮提眾生。其性剛強。難調難伏。

「眾生習惡，且性剛強，種子起現行，其力猛利，不但菩薩難調，就是他自己亦難制伏。」

『把手相牽行不得，為人自肯乃相親』，所以菩薩難調；惡習種子起現行，自無斷腕之勇，又無自克之志，是以自亦難伏。

是大菩薩。於百千劫。頭頭救拔如是眾生。早令解脫。是罪報人乃至墮大惡趣。菩薩以方便力。拔出根本業緣。而遣悟宿世之事。

此乃輕重俱救之文。

世尊說：「地藏大士，對造罪之人，歷百千劫，頭頭救拔」。此頭造罪，即向此頭救；那頭造罪，又向那頭救。處處造罪，處處救；刻刻造罪，刻刻救，故云「頭頭救拔」，乃至有罪必救。如是令造罪之人，早令解脫，菩薩那時才心安。菩薩如是救造罪之人，「假若作大重罪，墮大惡趣者，菩薩亦以巧妙方便，為作釜底抽薪辦法，拔出其根本造罪

之緣」。三毒是造罪之緣，成實論云：『樹根不拔，其樹猶生；貪根不拔，苦樹常在。故知生死，貪愛為本，若滅貪欲，名第三諦。』無明偈云：『明眼無過慧，黑暗不過癡。』「根本業緣既拔，而今自悟宿世之事，翻然不再造罪，上生人天。」

自是閻浮眾生。結惡習重。旋出旋入。勞斯菩薩。久經劫數。而作度脫。

菩薩既然如是刻苦度眾生，拔其根本罪根，使出三途上生人間。怎奈閻浮眾生，結惡結得多，其習氣種子特別重；種子內薰，不知不覺又去造罪，致令暫出三途，不久又入地獄，菩薩又去度。菩薩有願力，不退心，致令經久遠劫而作度脫之事。

譬如有人。迷失本家。誤入險道。其險道中。多諸夜叉。
及虎狼。師子。蛇。蝮蠍。如是迷人。在險道中。須臾
之間。即遭諸毒。

世尊設譬喻之文。

「譬如有人」，指一切眾生。「迷失本家」，指眾生迷眞起妄，背
覺合塵，捨父逃走，而入三界火宅。「誤入險道」，三界六道，三善道
是夷路，三惡道是險道；指眾生從人天路誤入三惡險道。「其險道中，
多諸夜叉」。三惡道眾生，惡心所特別多，大煩惱八個、隨煩惱十個。
總而言之，不離見、思二惑。見惑五利使（身、邊、邪、戒、取）起
時捷疾，能傷慧命，故云「多諸夜叉」。

「及虎、狼、師子、蛇、蝮蠍」，指五鈍使（貪、瞋、癡、慢、

疑）起與斷俱遲鈍，故名五鈍使。三惡道眾生，五鈍使特別重，能傷法身。如虎喻慢、如狼譬貪、師子譬愚癡、蛇譬瞋、蝮蠍譬疑。「如是迷人」，指迷理起惑之人。「在險道中」，迷理輕則惑薄，是人天道；迷理重則惑厚，是三惡道。「須臾之間」，指一時不覺，煩惱叢生，見思熾盛。「即遭諸毒」，將造罪業，欲去地獄。

有一知識。

指地藏菩薩。

多解大術。

二乘只有定慧而無方便；菩薩不然，既具般若，又有方便，故云「

多解大術」。

善禁是毒。

既降伏自己的煩惱，又有方便能降別人的煩惱，故云「善禁是毒」。

乃及夜叉。

菩薩有大方便，能教人破見惑五利使。

諸惡毒等。

又能教人降伏五鈍使煩惱。

忽逢迷人。欲進險道。

菩薩權智鑒機，有先見之明，知煩惱熾盛的迷人欲作罪。

而語之言。咄哉男子。

菩薩權智，防微杜漸，制之於未然。「咄哉」者，警覺之詞，汝是男兒大丈夫，豈可起惑造罪耶。

爲何事故。

爲何事業。

而入此路。

而入地獄。

有何異術。

異術指方便權智。汝有方便智否，有則雖入惡道。

能制諸毒。

能制伏見、思煩惱，則不為所害。

是迷路人。忽聞是語。

欲作惡的迷人，忽聞菩薩開導，指示自己的迷津，方知隨煩惱作業，是墮地獄受苦，非入地獄遊觀。

方知險道。即便退步。

即時止惡不作，不造罪、不起惑，是名退步。

求出此路。

廣修眾善，求出三途。

是善知識。

菩薩以同事攝，與迷人同修。

提攜接手。

勉其精進向善。

引出險道。

滅惡不作，即出惡道。

免諸惡毒。

免受三惡道苦，保全法身慧命。

至於好道。

既生人天好道，教其做人之法。

令得安樂。

知禮識義，身安心樂。

而語之言。咄哉迷人。自今以後。勿履是道。

知識又勉之言：「咄哉！大丈夫，時時覺照，刻刻留神。更莫起惑造罪；從今覺悟，重新做人，勿陷前轍，再去造罪，而入惡道。」

此路人者。卒難得出。

三惡道時長，入易出難，一失人身，萬劫難復。

復損性命。

在三惡道受諸劇苦，且損自己的法身慧命。

是迷路人。亦生感重。

迷人聞法覺悟，心生感謝；尊重慈教，銘刻五內。

臨別之時。

菩薩教化已畢，臨別贈言，叮嚀付囑。

知識又言。

囑令化他。

若見親知。

囑令先度六親眷屬。

及諸路人。

後及疏友，乃至初相識者。

若男若女。

無論他是男、是女，皆是法器，皆應為說。

言於此路。

為言：切莫隨自己的煩惱惑，去造十惡之罪。

多諸毒惡。喪失性命。

墮落三惡道時，受諸劇苦復損性命。

無令是眾。

常以佛法勸人，無令眾生，自迷自誤。

自取其死。

抱石沈淵，自取其死。

是故地藏菩薩具大慈悲。救拔罪苦眾生。生人天中。令受妙樂。是諸罪眾。知業道苦。脫得出離。永不再歷。

此乃合法之文。

因是上來譬喻之故，地藏菩薩亦復如是，具足大慈悲度生之願，常常在三惡道中，救拔造罪受苦的眾生上昇人天路上，令其知仁行義、止惡修善，而享受身心輕安的妙樂。是諸罪眾，既知三惡業之苦，又蒙地藏教化，減罪、赦罪，脱得出離，永不再造惡業而歷險道。『知過能改，堪稱健兒』，受教之人啊！

如迷路人。誤入險道。遇善知識。引接令出。永不復入。

復說喻文。

如譬喻中的迷人，誤闖入險惡之道，遇善知識，教化引出險道，永不再入。

逢見他人。復勸莫入。自言因是迷故。得解脫竟。更不復入。

復說合法。

地藏菩薩度出地獄之後，勸其轉教別人，莫作罪墮苦。應對人言，自己因迷，起惑、造業、墮獄，幸蒙地藏救拔，今出地獄，更不敢造罪，復入惡道。

若再履踐。猶尚迷誤。不覺舊曾所落險道。或致失命。如

墮惡趣。

再標譬喻。

此乃譬喻中迷人出離險道，轉過頭來，又忘記善知識的教訓——囑其莫入險道——猶尚如前一樣的迷誤，忘記舊時所行的險道。此次再入，罪上加罪，致令喪身失命，如同墮在地獄不能自出。

地藏菩薩方便力故。使令解脫。生人天中。旋又再入。若業結重。永處地獄。無解脫時。

再標合法。

地藏菩薩用方便力，將墮地獄的人，救拔其罪苦，使解脫苦道，上生人天路。但此人無定性，不久又起惑作罪，旋又再入地獄。若其罪輕

，菩薩依然接引；假若此人造罪，作得太深，結業太重，永處無間獄，經歷多劫，無解脫時，則地藏菩薩救不了。

爾時惡毒鬼王。合掌恭敬白佛言。世尊。我等諸鬼王。其數無量。在閻浮提。或利益人。或損害人。各各不同。然

是業報。使我眷屬。遊行世界。多惡少善。

鬼王述職之文。

「爾時」者，世尊說畢之時。惡毒鬼王為大眾之首，代眾陳述鬼王之職；合掌恭敬，敬白佛言：「世尊，我等鬼王，其數無量，總都住在閻浮提，有的住山、有的住水、有的住空、有的住地府。我們的職責，各有所執，各有所主，有的專門利益人，有的專門損害人；或損、或益，各各不同。然而皆是眾生業報所感，使我眷屬司各種職業，作損人、

益人之事。我等眷屬遊行世界，每每觀察世人，惡者必定罹禍，善者必定獲福。但是，觀來觀去，總是惡人多善人少啊！」

過人家庭。或城邑聚落。莊園房舍。或有男子女人。修毛髮善事。乃至懸一旛。一蓋。少香。少華。供養佛像。及菩薩像。或轉讀尊經。燒香供養。一句一偈。

護人修善之文。

一切鬼神皆受佛付囑，有的護法、有的護戒、有的護禪綏、有的護行善者。

鬼王又說：「我的眷屬遊行世界，過人家庭、或城市縣邑、聚落鄉村、華麗莊園、大小房舍，或見男子女人，能修一毛髮善緣之事，建立伽藍，造佛聖像，乃至懸一旛、一蓋，供養三寶；少香、少華，奉獻佛

像及菩薩像。』

印度散花、中國獻花，風俗不同。大品云：『一華散空，乃至畢苦，其福不盡。』

釋迦滅度之後，印度有一優婆塞路上得一菴摩羅花，入波羅提木叉寺，見釋迦佛像相好，念佛功德，即時心熱毛豎，上華供佛。

出問知客師：『一華供佛，得福幾何？』答言：『不知，汝問讀經者。』讀經說：『我未得天眼神通，不能知見果報，汝問坐禪阿羅漢。』羅漢入定，觀其捨身次第，天上人間，八萬大劫享人天福，而其福不盡，再觀不知。羅漢上昇兜率天宮問彌勒。彌勒曰：『佛福田無量，最為殊勝，種種果報無盡，我亦不知。假如千萬補處菩薩，亦不能知，唯佛乃知。』可知一花至誠供佛，乃至畢生死苦，其福不盡，直至成佛。或轉讀大乘佛經，佛理漸漸明，惑業漸漸消，惑消理明，功德甚大。或燒香供養經中一句、經中一偈，皆是如來法身舍利。法華經云：『於諸

過去佛，在世或滅後，若有聞是法，皆已成佛道。」觀此文，則鬼王尊重少香、少華，供佛、供法之人，非無因也。

我等鬼王。敬禮是人。如過去現在未來諸佛。敕諸小鬼。各有大力。及土地分。便令衛護。不令惡事。橫事。惡病。橫病。乃至不如意事。近於此舍等處。何況入門。

敕令衛護之文。

「我等鬼王敬禮敬佛之人，如過去莊嚴劫千佛、現在賢劫千佛、未來星宿劫千佛一樣恭敬。因為此人敬佛，現前當來，必定見佛；見佛聞法，必定成佛，所以鬼王最敬供養三寶之人。因此鬼王敕令小鬼，各有多大力，及其所管轄土地之分，方便衛護。不令世間惡事（傷人傷物之事）、橫事（橫禍飛來之事）、惡病（難醫之病）、橫病（外來流行症、

傳染病等），乃至小小不如意事，近於此舍等處，何況入門。我等保其身心安樂，好向三寶中，種菩提之因，將來結菩提之果啊！」

佛讚鬼王。善哉善哉。汝等及與閻羅。能如是擁護善男女等。吾亦告梵王帝釋。令衛護汝。

佛讚善哉之文。

佛讚鬼王：「善哉善哉！」稱讚之詞。鬼王啊！汝能這樣擁護，則令最初發心學佛之人不退心啊！汝這樣一護，又令無數小鬼仰慕學佛，間接發道心啊！汝一舉而兩得，故讚「善哉善哉」！

汝等鬼王及與閻羅，能如是擁護敬佛男女等，吾亦告梵王、帝釋，衛護汝等早脫鬼倫，逕生天宮。「梵王」統大千界，「帝釋」治一四天下，鬼王屬其所管，故云「吾亦告」。

說是話時。會中有一鬼王。名曰主命。

鬼王各有所執、各有所主，「執」是權柄，主理一事。此鬼王主理人生時、死時之命，亦含保護生死之意。

白佛言。世尊。我本業緣。主閻浮人命。生時死時。我皆主之。

述職之文。

「我因過去所種之業，今日緣熟，主理此洲人命——生時、死時，由我主理其事。」

在我本願。甚欲利益。自是眾生。不會我意。致令生死。
俱不得安。

「既業緣所繫，要我主理此職務；在我本昔之願，也是利益眾生，
我就借此機會，用此職務，去做利生之事，滿我度生之願。但眾生不會
我意，不與我合作，致令生時、死時俱不得安穩。」

何以故。是閻浮提人。初生之時。不問男女。或欲生時。
但作善事。增益舍宅。自令土地。無量歡喜。擁護子母。
得大安樂。利益眷屬。

「何以故」，解釋之詞。凡是閻浮提人，初生之時，不問生男、生

女，在未生以前，應該作三寶善事，或世間利生之事。利人有福、供佛有福，以此福力，增益舍宅威光。因為凡是舍宅，皆有宅神，當方亦有土地神。如是汝能向三寶作福，土地神歡喜無量，預先擁護子母，臨生之時，外邪不侵，母樂子安，阿父添丁，合門歡喜，眷屬增益。

或已生下。慎勿殺害。取諸鮮味。供給產母。及廣聚眷屬。飲酒食肉。歌樂絃管。能令子母，不得安樂。

作殃自受之文。

天地有好生之德。自古放生，體天行慈，名之為仁。自古殺生，背天作惡，名曰殘忍。人畜雖殊，愛子之心一也。云何慶我子生而殺飛禽走獸眷屬，傷其母子之情呢？

昔日周豫學士，嘗煮鱠除蓋，見其鞠身向上，而以首尾就湯。剖之

見腹中有子，乃知鞠身避湯煮愛子之故。所以主命鬼王曰：「未生之前，或已生下，慎勿殺害生靈，取其鮮味，供給產母。」及已生下，小兒滿月時，廣邀眷屬、親友敘歡，可設素菜，慎勿飲酒食肉——酒能亂神，肉由殺命。飲酒，斷智慧種；食肉，斷慈悲種，我佛五戒，早令人持。更莫「歌樂絃管」，唱世間之樂蕩情而逸志。如是違天地之仁慈；乖主命之願心；減舍宅之威光；觸土地之護意，致令子母俱不得安樂，其過也將誰歸？

何以故。是產難時。有無數惡鬼。及魍魎精魅。欲食腥血。

示其禍緣之文。

何故子母不安？因為臨產時，有無數惡鬼及魍魎、精魅，候食腥血

。生時惡露之血，好多鬼來爭食，稍微無福者，鬼得其便，連母子皆犯之，致令母子不安。護淨經云：『餓鬼常守捕婦女，產藏血不淨，以為飲食。』

是我早令舍宅土地靈祇。荷護子母。使令安樂。而得利益。

主命護安之文。

主命自謂：「我既主人之命，人之將生，干係在我，故先令土地、宅神荷護子母，使安穩而生」。聽呱呱之聲，父有添丁之喜，家無斷火之憂，土地等荷護，實主命之使令。

準道藏：『人間生男女時，九天玄女遣天神於空中稱唱奉恭。生男，唱奉一千六百聲，欲其在家奉親，出仕奉君；生女，唱恭一千六百聲

，令其歸夫家時，恭敬翁姑與夫也。』燄口云：『奉恭欲唱，吉凶只在片時。』

如是之人。見安樂故。便合設福。答諸土地。翻爲殺害。
聚集眷屬。以是之故。犯殃自受。子母俱損。

犯殃自損之文。

如是產家男女之人，見產育安樂，應思安樂之故，功由土地，便合設福誦經、放生等善事，酬答宅神、土地之恩；今翻殺害生靈，聚集眷屬歌舞絃管、飲酒食肉，多作諸罪，背神之護。以是之故，作殃自受其報，子母俱損，非主命不護啊！

又閻浮提。臨命終人。不問善惡。我欲令是命終之人。不

落惡道。何況自修善根。增我力故。

護命終之文。

主命說：「閻浮提人，命終之時，不問是善、是惡，在我本願，總令其命終之後，不落惡道受苦。何況其人自有善根，增我助彼之力，則生善道矣！」

人生無不死者。法句經云：『命如華果熟，常恐會零落；已生皆有苦，孰能致不死？』

此偈人命無常啊！

法句經云：『人作善惡，殃福隨人，雖更生死，不可得免。』

此偈殃福難免。主命鬼王菩薩心腸，總想其脫苦得樂。

是閻浮提行善之人。臨命終時。亦有百千惡道鬼神。或變

作父母。乃至諸眷屬。引接亡人。令落惡道。何況本造惡者。

惡鬼誘引之文。

物以類聚，無不欲其眷屬增多，物之常情，鬼道亦然。自己作鬼，想人作鬼。所以閻浮提行善之人，有大福力，其臨命終，百千惡鬼，便想辦法。鬼神有五通，假若其人想念父母，鬼即變其父母形像去迎接他；若起兄弟姊妹、夫妻姑姨之念，鬼即隨其所念，變種種形去迎接他。

亡人不覺，一念生著，隨念即生鬼道，為鬼眷屬。因此人有福，做有福鬼，其餘惡鬼，皆佔便宜。有福尚令其墮落做鬼，何況本造惡業受鬼道報者，難脫其倫矣！

何以有福之人墮落鬼道呢？

分別業經佛告阿難：『行惡人，好處生；行善人，惡處生。』阿難

曰：『是事云何？』佛言：『惡人，今生罪業未熟，宿世善業已熟，故今生雖為惡，而生好處；或臨死時，善心心數法生，亦生好處。』

『行善人，生惡處者，今世善未熟，過去惡已熟，故今雖為善，而生惡處；或臨死時，不善心心數法生，亦生惡處。』

觀此文，善人臨死，被鬼神變其親愛眷屬形像，彼不了故，一念生著，便生鬼趣，非無因也。所以臨終慎勿起邪念，否則墮惡道；要正念現前，心不顛倒，方能生淨土啊！

世尊。如是閻浮提男子女人。臨命終時。神識惛昧。不辨善惡。乃至眼耳。更無見聞。

神識惛昧之文。

世尊，我觀閻浮提，男子也可，女人也可，臨命終時，總是神識惛

昧。因命終人，四大分散，一口氣不來，身虛體冷，眼、耳、鼻、舌、身五識先壞。壞故，雖有眼，不能見；有耳不能聞；鼻不嗅香；舌不能言；身無覺觸。五情既壞，則無法塵，流落意地。意識不起作用，所以不辨善惡，唯有隨業受報。所謂：『一旦無常到，方知夢裡人。萬般將不去，唯有業隨身。』

是諸眷屬。當須設大供養。轉讀尊經。念佛菩薩名號。如是善緣。能令亡者。離諸惡道。諸魔鬼神。悉皆退散。

善緣不墮之文。

生死關頭，最為要緊。遇善則善，遇惡則惡。因人死而未生，前陰已謝，後陰未至，中陰現前，遇善緣則善，而生善道；遇惡緣則惡，而墮惡道。

所以「陽間眷屬，當須設大供，供養三寶，仗三寶之威光，以資神識，往生善道；或轉讀世尊所說之經，如無量壽經、金剛、法華等經，法力無量，能令亡者，識神不落惡道；或念佛名號、菩薩名號，名含萬德，仗佛萬德之力，能令亡者，離諸惡道。善緣既來，惡緣即謝；光明來，黑暗謝，一切諸魔鬼神，悉皆退散，無能為力。」仗三寶之力，決生善道矣！

世尊。一切眾生臨命終時。若得聞一佛名。一菩薩名。或大乘經典。一句一偈。我觀如是輩人。除五無間殺害之罪。小小惡業。合墮惡趣者。尋即解脫。

主命鬼王白佛言：世尊，一切眾生臨命終時，事急心專，其心猛利，若能得聞佛名號，即時將佛名號，種在八識田中，牢不可破。

名能招德，無量佛德在其中，且其心猛利，乘此心數，速生善趣，不墮惡道，此事無疑。「一菩薩名」亦然，如觀音、普賢、文殊、地藏等大菩薩名。或聞「大乘經典，一句一偈」。其心猛利，執持一句一偈念念不放、念念相續，如墮大海，執一木板，牢不放手；仗此一偈一句功德，能破地獄苦。所以小小惡業，合墮惡趣者，仗此念念執持一句一偈，或一佛名號功德，如湯消冰，尋即解脫。

除五無間殺害之罪。因五無間殺害父母、和尚、阿闍黎、阿羅漢，此罪大惡極，臨終之時，不經中陰，不隔異熟，一剎那間，直入阿鼻地獄，無暇聞佛名、一句經典。所以慎勿作五無間殺害之罪。

佛告主命鬼王。汝大慈故。能發如是大願。於生死中。護諸眾生。若未來世中。有男子女人。至生死時。汝莫退是願。總令解脫。永得安樂。

佛讚勸勉之文。

死而未生，以其中間，心性猛利，心性最靈。所謂非陰非陽者也，此時種善根，最容易得力。

因此佛告鬼王：「主命，汝有大慈心，能發如是大慈願。於生而未生，死而未死之時，救護眾生，最容易得力。望汝未來之世，一切眾生，至生死時，汝莫退是願，利益有情。不論有罪無罪，總令解脫，令生者、亡者，永得安樂。」

鬼王白佛言。願不有慮。我畢是形。念念擁護閻浮眾生。
生時死時。俱得安樂。但願諸眾生。於生死時。信受我語。
○無不解脫。獲大利益。

不忘本願之文。

願力最大，願力最難忘，依願而行，利益眾生，便是菩薩人。今主
命鬼王白佛言：「願不有慮，我畢是一生之力，念念擁護閻浮眾生，生
時死時，俱得安樂。只要眾生在生死關頭，緊急之時，信受我語，與我
合作，聽我的話去作，無有不得解脫三惡道，而獲生人天大利益者。」

爾時佛告地藏菩薩。是大鬼王。主命者。已曾經百千生。
作大鬼王。於生死中。擁護眾生。是大士慈悲願故。現大
鬼身。實非鬼也。

此乃開跡顯本之文。

開示現鬼王之跡，而顯實是菩薩之本。法華經云『內秘菩薩行，外
現聲聞身』是也。況且非本無以示鬼王度生之跡，非跡無以顯菩薩慈悲
願力之本，本跡雖殊，不思議一也。識得跡，就能下化眾生；識得本，

就能上求佛道。故菩薩現種種身而度眾生，豈獨鬼王身乎！

觀此文，則閻羅王及諸鬼王，皆是菩薩；各承願力，現鬼王身，在幽冥界，行菩薩道，利益眾生。但能利益眾生，便是菩薩，利生功德圓滿，即證菩提。在天上、在人間、在地府，皆能行菩薩道，功德圓滿，皆證菩提。因度生為因，菩提為果，故欲取菩提者，須度眾生。普賢行願品云：『諸佛如來，以大慈心為體故，因於眾生而起大悲；因於大悲生菩提心；因菩提心成等正覺。譬如曠野沙磧之中，有大樹王，若根得水，枝葉華果悉皆繁茂。生死曠野，菩提樹王，亦復如是。一切眾生而為樹根，諸佛菩薩而為華果，以大悲水饒益眾生，則能成就諸佛菩薩智慧華果。』

觀此文，鬼王百千生作鬼王身，在生死中，用大悲水饒益眾生，宜乎其受記，當來作佛了。

卻後過一百七十劫。當得成佛。號曰無相如來。劫名安樂。世界名淨住。其佛壽命不可計劫。

鬼王受記成佛之文。

觀因記果，故名受記。如來有三達智：一、智慧知過去世無礙。二、智慧知現在世無礙。三、智慧知未來世無礙。所以鬼王成佛之事，如來一一備知，為其授記，令其歡喜，堅其心志，亦令一切鬼王歡喜；鬼王可以行菩薩道故，亦令一切眾生歡喜。鬼身尚且成佛，何況人身，天身耶！

佛金口記鬼王，「卻後過一百七十劫，其度生功德圓滿，當得成佛，號曰無相如來」。「無相」是其別號，通號是如來。無相者，無有相，無無相，離一切相，故名無相。其成佛時，「劫名安樂」，其時人民

，身心安樂；「世界名淨住」，其國人民，清淨共住故；「其佛壽命不可計劫」，長壽說法度生故。

地藏。是大鬼王。其事如是不可思議。所度人天亦不可限量。

佛告地藏：「主命鬼王今日修因，將來成佛是果。佛因佛果其事如是，誰亦想不到，誰亦說不到。以鬼王身行菩薩道，真是不可思議。鬼王現在結緣結得多，將來成佛，所度人、天悟道亦不可限量。」

稱佛名號品第九

此乃成佛之因，向後諸品皆成佛之因，收束此經。

前品度生之緣，種種善緣，助眾生離苦得樂耳！此品念佛，才是成佛正因。

梵語『佛陀耶』，秦翻知者。一切諸法，了了覺知，故漢言『覺』者。自覺覺他，覺行圓滿，故肇法師云：『佛者何也？窮理盡性，大覺之稱也。』夫生死長夜，莫能自覺，自覺覺他者，其唯佛乎！

召體曰名、表德曰號，則名別號通。一切諸佛，皆具十號，如來、應供、正遍知等。

「稱」者，念也。佛功德在名號中，念佛名即念佛功德也。凡夫念佛功德，不久悟佛功德、修佛功德、最後證佛功德，所以念佛是成佛正因。

寶王論曰：『浴大海者，已用於百川，念佛名者，必成於三昧，在三昧中，便能觀到佛無量功德。』金剛經云：『若菩薩心不住法而行布施，如人有目，日光明照，見種種色。』三昧中照見如來種種功德，故名如來藏。亦猶清珠投於濁水，濁水不得不清；佛想投於亂心，亂心不得不佛。所以初發心的人最好念佛，能降伏自己的妄想啊！

阿彌陀經云：執持佛名號或一日乃至七日，得一心不亂，心不顛倒，臨終能往生淨土，華開見佛，悟無生忍。是以念佛有無量功德，故此品是成佛之因。

爾時地藏菩薩摩訶薩白佛言。世尊。我今爲未來眾生演利益事。於生死中。得大利益。唯願世尊。聽我說之。

興慈濟物之文。

「爾時」者，主命鬼王受記畢之時。地藏菩薩摩訶薩白佛言：「世尊，我久遠劫前發願度眾生成佛。已成者，已了生死矣！當成者，當了生死矣！還有未來眾生，未種成佛之因，我想為未來眾生，演出世利益之事，於生死海中，令種菩提之因，將來得大利益之果。唯願世尊聽我說之。」

佛告地藏菩薩。汝今欲興慈悲。救拔一切罪苦六道眾生。演不思議事。今正是時。唯當速說。吾即涅槃。使汝早畢是願。吾亦無憂現在未來一切眾生。

佛許敦說之文。

佛告地藏菩薩：「汝今欲興慈悲，救拔一切造罪受苦六道眾生，演火裡紅蓮，不思議事。」何者？佛觀煩惱心中，有佛如來，結跏趺坐，

儼然不動，相好具足。因眾生煩惱心中，能念如來功德；念佛功德能轉眾生煩惱，悉數變為菩提。此乃不思議事，唯佛乃能知之。彌陀經云：『汝等當信是稱讚不可思議功德，一切諸佛所護念經。』「汝地藏能說之，今正是時，唯當速說，吾為證明。」

「吾不久即入涅槃」。涅槃是三德秘藏，如來安置諸子在其中，如來不久亦入其中。可知大涅槃，是三世諸佛安穩處，亦是一切眾生安身立命處。如來說法四十九年，談經三百餘會，所應度者，皆已度盡；其未度者，亦皆作得度因緣。眾生機薪盡，如來應火滅，故云「吾即涅槃」。「吾滅度後，有此法門流行世間，能使汝早畢是度生之願。有此法門存在世間，吾亦無憂現在、未來一切眾生而不能得度者。」

華嚴經云：『寧受地獄苦，得聞諸佛名，不受無量樂，而不聞佛名。所以於往昔，無數劫受苦，流轉生死中，不聞佛名故。』觀此文，則知念佛名號，真苦海中之慈航也。

地藏菩薩白佛言。世尊。過去無量阿僧祇劫。有佛出世。號無邊身如來。若有男子女人。聞是佛名。暫生恭敬。即得超越四十劫生死重罪。何況塑畫形像。供養讚歎。其人獲福。無量無邊。

地藏菩薩白佛言：「世尊，我以過去無量阿僧祇劫，曾經親近一位佛，其佛名號，號無邊身如來。」無邊身是別名，如來是通名，通別合稱，故名無邊身如來。此佛是我曾經親近過的，我知此佛的功德。「若有男子女人（從來未曾發心，故名男子女人），假如他能聞是佛名，因聞生解，悟了無邊身如來者，即一切眾生自性清淨法身。從來未見今日見，見時非常歡喜，生恭敬心。一念見到自己的清淨法身佛，而生恭敬心者，即得超越四十劫生死重罪。何況念念見，更何況從見而起修，塑

畫無邊身佛形像，實行供養、讚歎。一念見而生恭敬是理；塑像供養屬事，若能事理圓融，性修不二，其人獲福，無量無邊。」

初發心的男女，第一要見無邊法身佛，方種菩提之因，至緊至緊。
華嚴經云：『佛真法身，猶如虛空，應物現形，如水中月。』此一首偈，證明無邊身是法身佛。

又於過去恆河沙劫。有佛出世。號寶性如來。若有男子女人聞是佛名。一彈指頃。發心歸依。是人於無上道。永不退轉。

地藏菩薩又說：『世尊，過去恆河沙劫有佛出世，號寶性如來。此佛我曾經親近過，我知此佛功德。其名『寶性』者，佛性也。一切眾生在生死海中浮沈，受種種苦，而其佛性隨緣不變，猶如金寶隨緣而作種

種形像，但其實性是一，始終不變；佛性亦如是，雖輪迴六道，受種種形，受種種苦，而其成佛之性永遠不變。既有成佛之性，不見則已，若見時，就能從性起修，一直修到成佛，故名『寶性如來』。若有男子、女人聞是佛名，一彈指頃返迷成悟，悟了本有佛性。但見性是一念見，不是慢慢見，不念悟即見，故名『一彈指頃』即見佛性，是自己安身立命處，所以歸依自性佛寶。歸依是歸投依止，永不再迷之謂也。是人既不迷佛性，凡有所作，不離自性，則是人於無上道，永不退轉矣！』

華嚴經云：『自歸依佛，當願眾生，體解大道，發無上心。』此偈證明，歸依自性佛寶啊！

又於過去。有佛出世。號波頭摩勝如來。若有男子女人。聞是佛名。歷於耳根。是人當得千返生於六欲天中。何況志心稱念。

波頭摩是紅蓮花。印度四蓮——青、黃、赤、白，以紅蓮為勝。央掘尊者云：『第一鉢曇摩，清淨柔軟足，塵水所不污，是故稽首禮。』

人間蓮數十瓣、天蓮百瓣、佛蓮千瓣。梵網經云：『我今盧舍那，方坐蓮花台，周匝千花上，復現千釋迦。一花百億國，一國一釋迦。如是千百億，盧舍那本身，各坐菩提樹，一時成佛道。』

地藏菩薩又白佛言：『世尊，過去有佛出世，號波頭摩勝如來，此如來，我曾經親近過的。』波頭摩就是紅蓮花。紅蓮花者，一切眾生之本心也。眾生本來心，雖造一切物，而不染一切物；又因不染一切物，故能造一切物，如大地不著萬物而生萬物。眾生的本心，非常靈，能生萬物、能知萬物。因能知故，所以不著一切，猶如蓮花，出污泥而不染。眾生若能不染一切物，則能明自本心，若染一法，則自心迷了。所以一切不染、一切不著，方能明自本心啊！

「世尊啊！若有男子女人，聞是佛名，一歷耳根，從聞思修，入三

摩地。在正定中，不見一法，明自本心，是人當能千返生於六欲天中。雖生六欲天而不著欲，所以天福永遠不減，生而又生，乃至千生。假如明心之後，再立志稱名，即見本心，具恆河沙稱性功德，故云『何況志心稱念』。』

又於過去不可說不可說阿僧祇劫。有佛出世。號師子吼如來。若有男子女人。聞是佛名。一念歸依。是人得遇無量諸佛摩頂授記。

地藏菩薩又白佛言：「世尊，過去不可說不可說阿僧祇劫，有佛出世，號師子吼如來。此佛我曾親近過的，我知道此佛功德。」「師子吼」者一乘法也。佛為眾生故，從實施權，說三乘法度眾生脫離生死苦海；離生死而得涅槃，是假名涅槃，非真涅槃。所以三乘非究竟道，而眾

生執之以為實，不能成佛。所以如來最後說法華經大師子吼『十方佛土中，唯有一乘法，無二亦無三，除佛方便說。但以假名字，引導於眾生，說佛智慧故。諸佛出於世，唯此一事實，餘二則非真』。弟子聞法，開三乘之權，悟一乘之實，個個受記作佛。

「世尊啊！若有男子女人，聞是佛名，聞得深，一念悟諸法之實相，歸依諸法實相，成就一切種智，是人生生世世，得遇無量諸佛為其摩頂，授當來成佛之記。」

又於過去有佛出世。號拘留孫佛。若有男子女人。聞是佛名。志心瞻禮。或復讚歎。是人於賢劫千佛會中。爲大梵王。得授上記。

地藏菩薩又白佛言：「世尊，過去又有佛出世，號拘留孫佛。當時

我曾親近供養。」梵語「拘留孫」，此云所應斷。眾生的煩惱，是應該斷的；煩惱斷盡，菩提現前。修行最重要斷自己的煩惱。每人的煩惱大約有三重：

第一、是見思煩惱。見惑五利使、思惑五鈍使，這十使煩惱，使眾生作無量業，受無邊生死苦，所以眾生應先斷此煩惱。此煩惱一斷，便證阿羅漢果，出三界，了生死矣！

第二、是塵沙煩惱。如塵若沙這麼多；此煩惱一斷，則識恆沙佛法，就能醫恆沙眾生之病，則名菩薩。所以菩薩一定斷塵沙惑，方能應機說法去度眾生啊！

第三、是無明煩惱。此煩惱障佛法身，不識如來果位中十力、四無所畏、十八不共法等功德，欲證如來功德，須斷此煩惱。所謂『斷一分無明，證一分法身』。無明分分斷，諸佛法身分分證，直至破盡為止。

世尊，欲斷三惑煩惱，須悟諸法寂滅之理。法華經云：『諸法從本

來，常自寂滅相，諸法寂滅相，不可以言宣。』

世尊，若有男子女人，聞是佛名，一心至誠瞻禮，直至能禮所禮性空寂，頓悟諸法寂滅之理；然後從理起修，任運斷除煩惱，讚歎諸法本性空寂，成就清淨梵行。此人於賢劫為大梵王，請千佛轉大法輪，為佛授最上之記。

又於過去有佛出世。號毘婆尸。若有男子女人。聞是佛名。永不墮惡道。常生人天。受勝妙樂。

地藏菩薩又白佛言：「世尊啊！過去有佛出現世間，其名號曰毘婆尸。我曾經親近，此佛功德我是知道的。」

梵語「毘婆尸」，又名維衛，此云勝觀。佛法要觀心，心字三點，第一點是空——一切法入心，無不皆空。空故心能藏一切法，若一法不

空，則為心作礙；因空故，法法入心時，法不礙心，心不礙法。所以第一要修空觀，諸法空時，此心亦空。

第二點是假觀——法法從緣而生，法法如幻如化。世出世間法，無一法不是幻。古人云『生死、涅槃等空花』，生死是幻，菩薩入生死，而不被生死所礙；涅槃是幻化，菩薩證涅槃，而不住涅槃。不住涅槃，有大悲；不住生死，有大智，菩薩悲、智雙運，自利利他，皆由知一切法如幻故。

第三點是中觀——不落二邊。法法不生不滅、不常不斷、不一不異、不來不去，便證諸法的真實相，而得一切種智，成就如來果地實德。此空、假、中三觀，如天王三目，伊字三點，不縱不橫、不並不別；非一非三，而一而三，三一圓融，微妙難思，故名勝觀如來。

世尊，若男子女人聞是佛名，了達一心具三觀，三觀齊修，便證一境三諦之理。理觀和合，能生一切善法，能斷一切罪苦。罪滅福生，永

不墮惡道，常生人天受勝妙樂了。

又於過去。無量無數恆河沙劫。有佛出世。號寶勝如來。若有男子女人。聞是佛名。畢竟不墮惡道。常在天上。受勝妙樂。

地藏菩薩白佛言：「世尊，過去無量無數恆河沙劫，有佛出世，號寶勝如來，我也曾經親近供養過的。」佛號寶勝者，非世間之寶，乃出世間之寶。出世之寶，義含四德：常德、樂德、我德、淨德。具此四德，既不漏落生死，也不漏落涅槃。兩邊不漏落故，故以成就真常、真樂、真我、真淨，離世間凡夫之四倒，又離出世二乘四倒，超世出世間，故名寶勝。

若有男子女人，聞是寶勝佛名而生勝解，慧解現前，從解起行，凡

有所作，超世出世，直入中道第一義諦，妙契真如。所以此人，畢竟不墮惡道，常在天上受第一義天之妙樂。

光明經流水品：十千魚，得聞寶勝之名，尚盡生忉利，況男女聞名，寧有不得勝妙樂者。

又於過去。有佛出世。號寶相如來。若有男子女人。聞是佛名。生恭敬心。是人不久得阿羅漢果。

地藏菩薩又白佛言：「過去有佛出世，號寶相如來，吾也曾經親近供養過的。」此佛名寶相者，智者大師曰：『實相尊貴，故名寶相。』寶相者，諸法實相也。金剛經云：『若復有人，得聞是經，信心清淨，即生實相。』又云：『是實相者，即是非相，是故如來，說名實相。』無量義經云：『無相不相，是名實相。』以依實相，出生二法、三

道、四果。無相者，無生死相；不相者，不涅槃相。二法者，頓、漸二法也。三道，即三乘。四果者，乃聲聞、緣覺、菩薩、佛。四聖果既然從實相出生，則若有男子女人，聞是佛名而生慧解，深悟實相，起恭敬心時，枝末煩惱先行脫落，是人不久得阿羅漢果無疑。

又於過去無量阿僧祇劫。有佛出世。號袈裟幢如來。若有男子女人。聞是佛名者。超一百大劫生死之罪。

地藏菩薩又白佛言：「世尊，過去無量阿僧祇劫，有佛出現世間，其佛名號袈裟幢如來，我當時也曾親近供養。」其佛號袈裟幢者，袈裟是三世如來寶幢之相。著袈裟時，生寶幢想，一切外魔不能壞，一切外怨不敢侵。此人持如來戒，身心清淨，諸惡不起，眾善齊修，自淨其意，不染塵勞，隨佛出家，被如來三頂之衣——一安陀會，此云五衣，作

務時穿；二鬱多羅僧，此云七衣，入眾時穿；三僧伽黎，此云大衣，說法時穿。昔日堅誓師子，敬袈裟而不害獵人，百劫不墮惡道。

世尊，若有男子女人聞是佛名，生寶幢想，恭敬三世諸佛，此人以敬三世佛故，即能超一百大劫生死之罪。

又於過去。有佛出世。號大通山王如來。若有男子女人。聞是佛名者。是人得遇恆河沙佛。廣爲說法。必成菩提。

地藏菩薩又白佛言：「世尊，過去又有佛出現世間，其佛名號大通山王如來，此佛我曾經親近供養，此佛功德，我是知道的。」大通山王佛，「大通」是般若，「山王」是佛德。若人修行證法身時，即具般若之智，通達一切法而到諸法之彼岸，故名大通。又見法身時，具常、樂、我、淨四德，猶如須彌山王，四寶所成，故名山王。大通者，般若佛

因也。山王者，四德佛果也。佛因賅果海，果海徹佛因，所以修行證法身時，不但能修般若之佛因，又能證四德之佛果。若男子女人聞是佛名，聞名生解，慧解現前，證自法身，即具大通般若之智，所以得遇恆河沙佛，廣為說法。又證法身時，具如來山王功德之果，所以必成菩提。

又於過去。有淨月佛。山王佛。智勝佛。淨名王佛。智成就佛。無上佛。妙聲佛。滿月佛。月面佛。有如是等不可說佛。

淨月佛：佛真法身，猶如虛空，應物現形；如水中月，月在水而不染水，佛在世而不染塵，故名。

山王佛：華聚菩薩云：『世尊金色如金山，猶如日光照世間。能拔一切諸苦惱，我今稽首大法王。』佛功德巍巍，猶如須彌

山王，故名。

智勝佛：聲聞、緣覺、菩薩中，以佛智最勝故。

淨名王佛：淨是體，名是用，從體起用，於一切法得自在故。

智成就佛：一切種智成就，故名。

無上佛：菩薩有所斷，名有上士；佛無所斷，故名無上士。又法無上，涅槃是；人無上，佛陀是。

妙聲佛：法華經云：『聞佛柔軟音，深遠甚微妙；演暢清淨法，我心大歡喜。』

滿月佛：佛功圓德滿，如十五夜月——月圓光滿。

月面佛：佛面猶如淨滿月，亦如千日放光明，圓光普照於十方，喜捨慈悲皆具足。

世尊。現在未來。一切眾生。若天若人。若男若女。但念

得一佛名號。功德無量。何況多名。

世尊啊！如是等不可說佛，我皆曾經親近供養、承事。若人承事十方無數諸佛，盡行諸佛無量道法，於佛菩提方可希冀。

世尊，現在、未來一切眾生，若天、若人、若男、若女，皆可以求佛功德。佛功德在名號中，每一佛名，其名下德相周徧法界，而且一德含一切德，故云念一佛名，功德無量。此乃狹義，屬根本智；若論廣義，須要一一承事十方諸佛、廣學諸佛無量道法、念無量佛名，會其名所含之義、到十方世界參學、學無量世界種種法門，然後一一貫通，如梵王網羅幢，彼此互入互攝，重重重重，無盡無盡，森羅萬象，一法印之，才是到家時節，屬差別智。十輪經云：『若念一佛，則見一佛；若念多佛，則見多佛。若念小身佛，則見小身佛；若念大身佛，則見大身佛；若念無量身，則見無量身佛。』其功德，何只無量，而且圓融。此乃

地藏菩薩，教化盡性之談。

是眾生等。生時死時。自得大利。終不墮惡道。

「是眾生等」，指念佛眾生。念一佛也可，念多佛也可。念到得益時，生則在世間上，成就種種功德，利益人天；死則即見十方諸佛，隨願往生十方淨土，親近十方諸佛，廣學法門。唯其生時念佛有把握，才能死時念佛有把握。生時、死時，皆能念佛，是真念佛，此人終不墮惡道。

若有臨命終人。家中眷屬。乃至一人。爲是病人高聲念一佛名。是命終人。除五無間罪。餘業報等。悉得消滅。

上來自念，仗自力念佛；死時聞人念佛，仗他力念佛。自力也可，他力也可，總有功德。所以臨命終，其家中眷屬，多人乃至一人，為病人將近死時，高聲念一佛名，歷其耳根。臨終時其心猛利，一聞佛名，執持不放，全副精神在一佛名上，念念不捨，承此佛力（除開五無間罪，暫時不講），其餘業障、報障，悉皆消滅，如湯消冰，如明破暗，破盡無餘。

是五無間罪。雖至極重。動經億劫。了不得出。承斯臨命終時。他人爲其稱念佛名。於是罪中。亦漸消滅。

五無間罪，罪之極者也；佛功德力，力之極者也。以極大佛力，能消極大罪業，但要漸漸消除。因此人業力甚大，他人爲其稱念，將佛名善根，種其八識田中，要等種子漸漸栽培、漸漸萌芽、漸漸增長，方能

消滅極大之罪。昔日法照大師親到五台，在竹林寺見文殊在西，普賢在東，為眾說法。照作禮問：『末代凡夫，智識淺薄，佛性心地，無由顯現，未審修何法門，最為其要？』文殊曰：『諸修行門，無如念佛。我因念佛故，得一切種智。』又問：『當念何佛？』文殊曰：『此世界西，有阿彌陀，願力難思，汝當繫念；念無間斷，命終決定往生。』說已，為照摩頂而退。

何況眾生。自稱自念。獲福無量。滅無量罪。

他人代念，尚有如是之力，何況自念，分分己獲，功德更大。罪滅福生，福生罪滅，獲無量福，滅無量罪耳！

校量布施功德緣品第十

前一品是佛寶，固是成佛之因；此一品是法寶，也是成佛之因。佛寶是人，人無上者佛是；法寶是理，攬理而成萬法，法無上者，涅槃是。悟理有淺深，故有『四聖』之別；迷理有輕重，故有『六凡』之差。三途迷理重，純造惡業；人天迷理淺，乃修善業。純善無惡生天，善惡相兼故為人。六道受生死輪迴者皆迷理之過也。

『四聖』悟理而生智，取證涅槃。『聲聞』聞聲悟道，只斷見思；『緣覺』自力覺悟，兼除習氣；『菩薩』悟真俗二諦之理，所以自度度人；『佛』朗然大覺，直取無上菩提。如是十法界，皆因理而有，理者法也。

今品論成佛之法，應該指六度萬行，因六度攝萬行，布施攝六度，故用布施即該萬行之法。布施有三：一財施，二法施，三無畏施。財施

即布施度。持戒不惱無冤，忍辱不報有冤，此二度屬無畏施。精進不倦說法，禪定不錯機說法，智慧不顛倒說法，此三度屬法施。所以舉布施攝六度，六度攝萬行。菩薩因中修萬行，果中成萬德，豈不此品是成佛之因。

何以要校量？因布施屬法。達摩祖師云：『性淨之理，目之為法。』仁者見仁，智者見智，淺深不同，迷悟有別，所以要校量。

布施一法，凡夫著相，只得人天福報；聖人離相，永證涅槃之樂。此是凡聖布施不同。

例如：舍利弗以飯供養佛，佛轉施狗。世尊問：『汝施我，我施狗，那個福大？』舍利弗曰：『世尊施狗福大。』此又論心不論田。

四十二章經佛言：『飯惡人百，不如飯一善人。飯善人千，不如飯一持五戒者。飯持五戒者萬，不如飯一須陀洹。飯百萬須陀洹，不如飯一斯陀含。乃至飯辟支佛百億，不如飯一佛。』此又論田而不論心。

維摩經善德長者子，以瓔珞珠供養維摩居士。維摩分作二分，一分奉難勝如來，一分施會中最下乞兒，而功德等無差別。此又論平等心布施。

若布施時，自己受用，捨一得萬報；而回向法界，畢竟成佛。此又論回向不回向。

如阿那律尊者，過去以稗飯供養辟支佛，感九十一劫天上人間無貧之報，餘福德力，得阿羅漢果。此又論供養聖人難遇之報。

布施有般若，到彼岸；無般若，滯於此岸。此又論體空與不空之別。布施具德，是如來施；不具德，是聲聞施。此又論三乘一乘之別。好勝布施，作阿修羅；不施，做餓鬼。望報與不望報又不同。

如是布施一法，有無量差別，其理微妙。悟此微妙之理，而證微妙法身。法身無身，以法為身，此之謂也。非叩不鳴，非問不答。地藏菩薩請問，如來轉揚，令一切人，因修布施而悟明微妙之法，而證微妙法

身佛。故此品是明法寶。

爾時地藏菩薩摩訶薩。承佛威神。從座而起。胡跪合掌。白佛言。世尊。我觀業道眾生。校量布施。有輕有重。有一生受福。有十生受福。有百生千生受大福利者。是事云何。唯願世尊。爲我說之。

此乃地藏問法之文。

講完佛寶之後，次講法寶。諸法微妙難思，得其法者，一旦成佛；不得其法，萬劫難成。所以地藏承佛威神而問之：「世尊，我觀作白業受報的眾生，校量其布施一法，有輕有重，有的今生受福，有的十生、百生、千生受大福利者。布施是一，何故果報各各不同？唯願世尊，為我說之。」

爾時佛告地藏菩薩。吾今於忉利天宮。一切眾會。說閻浮提布施。校量功德輕重。汝當聽聞。吾爲汝說。

諸法微妙。故單論布施一法。以一例諸。且以閻浮提而論布施功德輕重。

地藏白佛言。我疑是事。願樂欲聞。

地藏白佛言。世尊。諸法難窮其源。我對布施一法亦然。難窮其底。所以有疑。願佛為說。我願樂聞。

佛告地藏菩薩。南閻浮提。有諸國王。宰輔大臣。大長者。

。大刹利。大婆羅門等。

此論能施者，是尊貴之人。

若遇最下貧窮。乃至癃殘瘡啞。聾癡無目。如是種種不完具者。

此論受施者，最下賤之人。

背凸曰瘻；肢體不全曰殘；口不能言曰瘡啞；耳聾、心癡、無目，如是種種不完具人相者，此是悲田，種福最勝。

是大國王等。欲布施時。若能具大慈悲。下心含笑。親手徧布施。或使人施。軟言慰諭。是國王等。所獲福利。如

布施百恆河沙佛功德之利。

此論能施之心。國王對下賤人，必具大慈悲心，以慈悲心施；下心含笑，以憐憫心施；親手徧布施，以平等心施；或使人施，軟言慰諭，以安慰心施。如是慈悲心、憐憫心、平等心、安慰心，皆菩提心；以菩提心而行布施，施心如佛，所以其福利，如布施恆河沙佛，功德無異。

何以故。緣是國王等。於是最貧賤輩。及不完具者。發大慈心。是故福利有如此報。百千生中。常得七寶具足。何況衣食受用。

此論施果之報。

「何以故」，解釋之詞。緣國王等，能下心憐憫最貧賤輩及不完具

者，發大慈心而行布施；施心等佛，故有如此報——百、千生中，常得七寶（指金銀瑪瑙等）具足，何況衣食受用。

復次地藏。若未來世。有諸國王。至婆羅門等。遇佛塔寺。或佛形像。乃至菩薩。聲聞。辟支佛像。躬自營辦。供養布施。

夫菩提心，上供諸佛，下愍眾生。前者下愍窮苦眾生而行布施，此則上敬諸佛而修供養。三寶乃殊勝福田，供養得福無量。國王等，有幸得遇佛塔、佛像，此乃出世聖跡，恭敬種善根。向聖人學習，國王一敬，上行下效，全國人民皆敬三寶，不教而自行矣！所以國王等，躬自營辦種種殊勝供養，一唱百和，其布施功德，豈有涯際乎？

是國王等。當得二劫。爲帝釋身。受勝妙樂。

善以化民，堪為王師，所以上昇為帝釋天王之報。

若能以此布施福利。回向法界。是大國王等。於十劫中。
常為大梵天王。

本來有我，回向自己；今觀施法，從緣而生，根本無我，我執自然
微薄，就能回向。自受不如他受，將此福利，回向法界眾生，共同享受
；心大福大，心冥法界，福等虛空。此人福大如空，所以感生梵天，作
大梵王，享大千世界之福。

復次地藏。若未來世。有諸國王。至婆羅門等。遇先佛塔廟。或至經像。毀壞破落。乃能發心修補。

修補塔像，令前人造者續福，自己又添福，一舉而兩得福。決疑經云：『造新不如修故，作福不如避禍。』此半句偈，說造新自己得福，修故令前人兼得福。具二福故勝。

作福雖好，不義之財而修福，福盡禍來，不如先避禍，無禍勝有福故。作福者，仔細留意。

修補寶塔，蘊佛光明；修補精舍，圖佛形像，建苦海之舟航，為信根之枝幹，睹者發心，見便忘返，益福生善，惟此為先。

佛遊拘薩羅國，時婆羅門耕田，持牛杖拄地，禮佛。佛笑。比丘問佛。佛言：『此人今禮二佛，禮我及杖下迦葉佛塔。』比丘願見迦葉佛

塔。佛令從婆羅門索地。索已，佛即現出七寶塔，高一由旬，廣半由旬。婆羅門曰：『我姓迦葉，是我迦葉塔。』諸比丘白佛：『能授泥否？』佛言：『可。』即說偈：『真金百千擔，持用行布施，不如一團泥，敬心治佛塔。』世尊禮過去佛，比丘亦禮。佛言：『人等百千金，持用行布施，不如一善心，恭敬禮佛塔。』

觀此因緣，可知修補塔廟、經像等，有繼往開來之福，承先啓後之功。

是國王等。或自營辦。或勸他人。乃至百千人等。布施結緣。

善與人同。無人做，自己做；有人做，勸人同做，功德更大。尤其是國王，應該德風下偃，率民同修布施，廣結善緣。

是國王等。百千生中。常爲轉輪王身。如是他人。同布施者。百千生中。常爲小國王身。

此論果報。

自己布施又勸他人同施；承此良因，國王昇為轉輪王，同施臣民昇為小國王。

更能於塔廟前。發回向心。如是國王。乃及諸人。盡成佛道。以此果報無量無邊。

此論回向。

修補成功之後，在佛塔前，盡除我執，破滅我見，以此功德，回向

法界，回自向他，回事向理，回因向果。回因向果，將來成報身佛。回事向理，將來成法身佛。回自向他，將來成應身佛。功德回向，三身齊證，可謂徹法底源，窮實相理，果報無量無邊矣。

復次地藏。未來世中。有諸國王及婆羅門等。見諸老病及生產婦女。

此論悲田。

苦中之苦，莫如老、病、生產者；福中之福，莫如供養老、病、生產者。老病無人奉事，等死而已；產婦分娩，若不及時飲食，母子皆亡。所以布施此輩，得福甚大。

佛說八福田中，看病福田是第一福田。

若一念間。具大慈心。布施醫藥。飲食。臥具。使令安樂。○

若一念間，是同體慈，彼我一體故；若起第二念，即非。所以起第一念，具足大慈心，布施醫藥、飲食、臥具三種，人皆需此物，使令身心安樂。

如是福利。最不思議。一百劫中。常爲淨居天主。二百劫中。常爲六欲天主。畢竟成佛。永不墮惡道。乃至百千生中。耳不聞苦聲。

以大慈心救大苦，其福難思。百劫為淨居天主（指第四禪天），二

百劫為六欲天主。具同體大慈心以用布施，是成佛之因，畢竟將來成佛。未成佛之前，永不墮惡道，因救他人重苦故，感自己百千生，耳不聞苦聲。

復次地藏。若未來世中。有諸國王及婆羅門等。能作如是布施。獲福無量。更能回向。不問多少。畢竟成佛。何況釋梵轉輪之報。是故地藏。普勸眾生。當如是學。

布施回向之文。

佛對地藏說：未來末法之世，若國王及婆羅門等，能如是慈心、悲心、平等心、憐愍心、同情心，而行布施，獲福無量。更能將此福利不自享受，了達諸法性空、無我之理，從緣起而行施，施福無主，回向法界、回向佛果、回向眾生；不問多少，心大福大，心冥法界，福等虛空

，如一杯水，投入大海，便是大海水了。施福亦復如是——不論多少回向法界，便是真如性海了，所以「畢竟成佛」。尚得佛報，何況釋梵轉輪人天之報。因是之故，地藏菩薩，汝應普勸一切眾生，當如是學布施之法及一切法。

復次地藏。未來世中。若善男子善女人。於佛法中。種少善根。毛髮沙塵等許。所受福利。不可爲喻。

上來王臣布施，此是庶民布施。布施一法是平等的，王臣百姓皆能布施。布施是成佛之法，成佛之法很多，而以布施為第一。

六祖大師云：『內捨貪慳，外利眾生，是名布施。』以此布施一法，捨盡自己的煩惱，外又能利益眾生，何等的好呢！所以布施一法，能令人從生死此岸，而直達涅槃彼岸。但是此法微妙，非粗心具我法兩執

的人所能究竟，是以如來解釋、較量其淺深。

例如昔日達摩祖師見梁武帝，武帝即以此法自豪，對達摩曰：『朕一生造寺齋僧，有何功德？』摩曰：『實無功德，此是人天小果，有漏之因。』帝曰：『如何是真功德？』摩曰：『淨智妙圓，體自空寂，如是功德，不於世求。』觀此則梁武帝，未諳布施的真諦，貪著人天果報。誰不知布施是到彼岸成佛之法，此法修到圓滿，其餘法法皆修到圓滿，便是佛陀耶。

世尊對地藏菩薩說：若善男子、善女人初發心時，最好於佛法中，種多少善根。「佛」是指前品，稱佛名號；「法」是指此品，布施的軌則。在佛法中所種善根，乃至如毛髮、沙塵等許，將來漸漸佛法種子增長時，其所受福利，是不可為喻的。

大論云：『雖有種種福田，佛為第一福田，以無量佛法具足故。』成佛之法是無量，今略說布施，此外六度、十度、四諦、十二因緣

、三乘、一乘，皆成佛之法啊！

復次地藏。未來世中。若有善男子善女人。遇佛形像。菩薩形像。辟支佛形像。轉輪王形像。布施供養。得無量福。常在人天。受勝妙樂。

此教男子女人，最初種善根，向聖人種。供養聖人，一方面得福，一方面向聖人學習。聖人如何種善根，我亦如何種；聖人如何學，我亦如何學。聖人是學成的，所以向聖人學習，便是向聖人種善根了。

而且供養聖人，得福無量，常在人天，受勝妙樂。何故生人天道？大論云『以人中結使薄，厭心易生，天中智慧利』，故二處最易得道。

若能回向法界。是人福利不可爲喻。

此句教人布施供養時，其心要大，不求自己利益，為利益一切眾生故，而行布施。心大福大，得無漏福，則不可為喻了。

復次地藏。未來世中。若有善男子善女人。遇大乘經典。或聽聞一偈一句。發殷重心。讚歎恭敬。布施供養。是人獲大果報。無量無邊。

前文向佛種善根，此文向法種善根。復以供佛之次，佛言：「地藏，未來善男女，還要供養法，供養佛所說之法，即成佛之法，亦即度生之法。若遇大乘經典，或聽聞一偈一句，蘊在八識田中，虔誠服膺，如獲至寶，殷重、至誠讚歎，日久不退，法種成熟，豁然能解。從解起行，為人演說，是人獲大果報，無量無邊。」何以故？財施有限，法施無窮啊！

若能回向法界。其福不可爲喻。

此句教人不求名聞、利養、恭敬，而行法施。但願利益一切有情，無住相布施。

復次地藏。若未來世中。有善男子善女人。遇佛塔寺。大乘經典。新者。布施供養。瞻禮讚歎。恭敬合掌。若遇故者。或毀壞者。修補營理。或獨發心。或勸多人。同共發心。

復以供法之次，地藏菩薩，若未來世中，有善男子、善女人偶然遇佛塔寺，藏有大乘經典。若是新者，應布施流通，應以香花、末香、塗

香、燒香、幢旛等供養法寶，還要一瞻一禮——禮拜法寶，俗說拜經。天台山，智者大師有拜經台；九華山天台頂，亦有地藏菩薩聖跡拜經台在。讀誦開解時，稱揚讚歎大乘妙典，心恭敬、身合掌，如是供養。若遇故者，舊也。舊經曾經有人受持讀誦數十年，此經有功德，鬼神衛護，切莫看輕。或毀壞者，應該修補填寫齊整，經營妥理。「或獨自發心，或勸多人，同共發心」。為修補舊經或印新經，一人發心也可；或有人欲參加，即勸多人共同發心，功德更大，有自利化他兩種功德。但舊經切莫焚燒，此是法身父母，不能修補時，可建小塔而安置之，所謂經塔是也。

如是等輩。三十生中。常爲諸小國王。檀越之人。常爲輪王。還以善法。教化諸小國王。

如是同修補舊經，或者隨喜參加印新經等輩，三十生中常為諸小國王。檀越之人，指發起印經、補經者，常為輪王，以十善法教化其國人民，又還以十善法教化諸小國王。過去勸其發心，今世又教化之。檀越是梵語，此云施主。

昔有五王往來友善，其最大者，字普安王，習菩薩行。餘四小王，常習邪行。大王欲度，呼來殿上，七日娛樂。四王告別，大王憐愍送行。臨別語小王言：『各說所樂。』一王願春月林木榮茂，遊戲原野；一王願常作國王，出入尊貴；一王願婦兒端正，極情快意；一王願父母親眷，樂敘天倫。大王言：『此非久樂。』四王言：『王樂云何？』大王言：『我樂不生不死、不苦不樂、不饑不渴、不寒不熱、存亡自在，此是我樂。』四王言：『此樂何處有？』大王言：『吾師號佛，近在祇桓。』諸王歡喜，同詣佛所，作禮退坐。大王跪曰：『我等今得為人，閻鈍無知，深著世樂，不知罪福，願為我等說其苦諦。』佛為廣說八苦，

四王聞已，心開意悟，即得須陀洹道。白普安王言：『大王真是大權菩薩，化導我等，今得道跡，大王之恩。我本觀諸宮殿，心情愛著不能遠離；今睹宮殿，如觀穢廁，無可樂者。』即捨王位付弟，各出家為道。此輪王化小王之例，詳如阿含經。

復次地藏。未來世中。若有善男子善女人。於佛法中。所種善根。或布施供養。或修補塔寺。或裝理經典。乃至一毛一塵。一沙一滴。

此是於佛法種善根之文。

蓋奉事餘道，不出生死，徒自勤苦，非涅槃因。

福田經云：『佛告天帝，九十六種道中，佛道最尊；九十六種法中，佛法最真；九十六種僧中，佛僧最正。』蓋由如來阿僧祇劫，誓為眾

生，眾善普備，德慧成滿，三界天尊，無能及者。其有眾生，發一敬心，向如來者，勝獲大千世界珍寶施矣。是為最尊，無上之道，故教善男女等，必須於佛法中種善根。

大論云：『善根有三：無貪、無瞋、無癡，一切諸善法，皆從三善根增長。』

或布施善根，布施能捨貪，無貪即善根；或供養善根，身、口、意三業供養，三業清淨即善根；或修補塔寺善根，修補為人心無瞋，即善根；或裝理經典善根，慧生癡滅，即善根。如是等善根，乃至一毛之輕、一塵之微、一沙之小、一涕之細，種在八識田中，法水滋潤，漸漸增長，能止惡生善、破惑證真，是涅槃因，故云善根。

如是善事。但能回向法界。是人功德。百千生中。受上妙樂。

上來所修善事，大小不同，乃至一毛一沙之細，但能將此微因善種，回向法界眾生；是人回向功德，百千生中其善根常存，雖受人天妙樂，不昧前因，常植善本，增進菩提，乃至畢竟成佛。

如但回向自家眷屬。或自身利益。如是之果。即二生受樂。捨一得萬報。

上來我執輕微，了法無我，罪福無主，心無形相，可大可小。心量大福大，心量小福小；心無限福無限，心有限福有限。今但回向自家眷屬，心有限量，其福亦有限量，只得三生受樂，非無報。捨一得萬報。

自家眷屬：父子、夫妻、兄弟、家室、知識、奴婢。

有五因緣而為眷屬：一怨家，二債主（父財子用），三償債（子供父母），四本願（先世發願，善心歡喜），五真友（先世以道，共相承

事）。

凡夫不了眷屬是前緣所感——或怨或親——無宿命通，不能自知；終日勤勞、治生，為眷屬設想，臨命終時，無人替得，所作之業，自己受報悔之晚矣！所以做佛事，回向法界，一切有份，自己有份，眷屬亦有份，大家享受，何樂如之。

否則孤陋寡聞，回向自己眷屬，三生受報之後，又墮苦輪。

是故地藏。布施因緣。其事如是。

總結布施一法，各人用心因緣不同，故其果報或輕或重、或人或天、或一生乃至千生萬生受樂不同。若能無我行施，回向法界，利益有情，悟布施實相，畢竟成佛。今此但論布施遠概萬法，如法修持皆登彼岸。此品是論法寶乃度生成佛之心法也。

地神護法品第十一

前兩品是談佛、法兩寶，今地神發願擁護。不論汝學佛修法也可，皆須處所，皆須飲食，處所、飲食皆仗地神之力。一切塔寺，因地而建，一切五穀稻糧，因地生長。故地神作護法，最先流通此經。

爾時堅牢地神白佛言。世尊。我從昔來。瞻視頂禮無量菩薩摩訶薩。皆是大不可思議神通智慧。廣度眾生。

「爾時」者，佛、法兩寶說畢之時。「堅牢地神」是南閻浮提主地之神。地神是女性，准阿含經佛告比丘有四大天神：『一地神，二水神，三風神，四火神。』昔者地神起惡見，言：『地中無水、火、風。』佛言：『地中有水、火、風，但地大多故，地大得名。』次第說法，地

神歡喜。佛為說四諦，地神即遠塵離垢，得法眼淨。白言：『我今歸依佛法僧，盡形壽不殺乃至不飲酒，聽我於正法中，為優婆夷。』水、火、風神，亦然。故知地神是女也。

地神白佛言：「世尊啊！弘經必藉地，轉法須賴食，我是地神，我今發願護持此經。」

「世尊，我從昔日發心以來，居閻浮提，曾經親近、供養、瞻視、頂禮無量菩薩摩訶薩，皆是大不可思議神通智慧，從本垂跡，降跡閻浮提來廣度眾生。」觀此文，人道的世界時常變動，興衰循環，國運亦然，世界亦然，不及神道長遠久住，外作護法之職，內秘菩薩之行。反觀人道，支離破碎，不及神道安穩堅定，悲夫！

是地藏菩薩摩訶薩。於諸菩薩誓願深重。世尊。是地藏菩薩。於閻浮提有大因緣。

地神知地藏菩薩，在一切菩薩中誓願特別重。所謂『地獄未空，誓不成佛，眾生度盡，方證菩提』，故云深重。

地神又知地藏菩薩，與閻浮提的眾生有大因緣。地藏菩薩度閻浮提人出地獄特別多，而閻浮提人無不恭敬地藏菩薩者，彼此有緣。

如文殊。普賢。觀音。彌勒。亦化百千身形。度於六道。
其願尚有畢竟。

文殊到十方世界，教化眾生發菩提心，所以不常來此閻浮洲。

普賢教化一切菩薩，行菩薩道，所以亦不常居此土。

觀音分身到十方世界，尋聲救苦、現身說法，有機即現，無機不現，亦不常來。

彌勒居天上，教化天子，無生法忍，亦不常來人間。

唯地藏常常度人離三途苦，上昇人間，是地神之所常見。

所以語文殊、普賢、觀音、彌勒，雖能分身百千，度於六道，但不是常在此洲；唯地藏常見其在閻浮提，時時處處救度罪苦眾生，覺得其救苦之願特別長。

是地藏菩薩。教化六道一切眾生。所發誓願劫數。如千百億恆河沙。

是地藏菩薩，教化六道一切眾生離生死苦，得涅槃樂。如是所發誓願，不知經過百千億恆河沙劫，親近恆河沙佛，一一佛前皆發度生之願。

世尊。我觀未來及現在眾生。於所住處。於南方清潔之地

。以土石竹木。作其龕室。是中能塑畫。乃至金銀銅鐵。
作地藏形像。燒香供養。瞻禮讚歎。

此乃塑像供養之文。

世尊。我觀未來及現在眾生。於其所住之處。於南清潔之地——幽冥界在閻浮提之南——是人以土石為基。竹木為牆。作其龕室。室中或塑。或畫地藏菩薩像。乃至或金、銀、銅、鐵鑄菩薩像。必定要供養。日日供養。時時燒香。至誠瞻禮。稱揚讚歎地藏菩薩種種功德。

是人居處即得十種利益。何等為十。一者。土地豐壤。二者。家宅永安。二者。先亡生天。四者。現存益壽。五者。所求遂意。六者。無水火災。七者。虛耗辟除。八者。杜絕惡夢。九者。出入神護。十者。多遇聖因。

此乃供養獲益之文。

若有人在向南之地，建立龕室，供養地藏菩薩像，仗菩薩威神力，及地神護法之力，令此男子女人所居之處，即得十種利益：

一、土地豐壤。地神之力，令其居處，土地肥沃，百穀豐收，花果茂盛。

二、家宅永安。合家人等，大小平安。

三、先亡生天。仰仗地藏菩薩神力，令其歷代祖禰生天。

四、現存益壽。供養地藏，現前人等，益算增壽。

五、所求遂意。凡有所求，種種福利，皆遂其意。

六、無水火災。無水火、盜賊等災。

七、虛耗辟除。無蝗蟲、白蟻、颶風損壞稼穡等災。

八、杜絕惡夢。晝夜吉祥，睡無惡夢。

九、出入神護。行來進止，善神翊衛。

十、多遇聖因。常聞三乘、一乘之法，而種出世涅槃之因。

世尊。未來世中。及現在眾生。若能於所住處方面。作如是供養。得如是利益。

此乃地神護法證明供養得益之文。

復白佛言。世尊。未來世中。若有善男子善女人。於所住處。有此經典及菩薩像。是人更能轉讀經典。供養菩薩。我常日夜。以本神力。衛護是人。乃至水火盜賊。大橫小橫。一切惡事。悉皆消滅。

地神復白佛言：「世尊，未來世中，若有善男子、善女人於其所住

之處，供奉地藏經典及菩薩像；是人更能日日轉讀此經，從解起行，修地藏之行（此人有慧）；又日日以種種花香至誠供養地藏菩薩像（此人有福）。既然福慧齊修，我地神日以繼夜，以我本有神力，衛護是人，所作善事，悉皆如意，乃至水火、盜賊等災，大橫傷人，小橫傷財等一切惡事，悉皆消滅無餘。」

佛告堅牢地神。汝大神力。諸神少及。

佛說：「地神啊！汝擁護受持此經及供養地藏像者，所以汝的神力日日增加，為一切地神所不能及。」

何以故。閻浮土地。悉蒙汝護。乃至草木。沙石。稻麻。
竹葦。穀米。寶貝。從地而有。皆因汝力。

「何以故」，解釋之辭。閻浮土地，由汝主持，由汝擁護，所以地上萬物，乃至草木、沙石、稻麻、竹葦、穀米、寶貝，如是雖由眾生業力所感，亦由汝神力助變，利益有情。利益有情故，所以汝的利生神力日日增加。

又常稱揚地藏菩薩利益之事。汝之功德。及以神通。百千倍於常分地神。

上來地生萬物，利益有情，由汝之力；又常稱揚地藏度生之事，擁護佛法，可稱上供菩薩，下利有情，所以汝的真實功德及利生神通，百千倍於常分地神。

若未來世中。有善男子善女人。供養菩薩。及轉讀是經。

但依地藏本願經一事修行者。

若如來滅度之後，未來末法世中，有善男子、善女人發心侍奉、供養菩薩，又轉讀是經——轉經中之理，悉轉入心，明了無礙——然後依一法而發願修行者。

學法要博，修行要約，只能依一法修行，切莫腳踏兩船。古人依法而修行，一直修到家，所謂『制心一處，無事不辦』，不可不知。若單解而不行，說食而不飽，無濟於事，所謂『說得一丈，不如行得一寸』。學法貴乎實行，有修有證，無修則無證，此千古不易之論。所以我們要依一法修行，切莫三心兩意。參禪者，一直參下去，終不回頭；念佛者，念下去，更莫改絃換轍；持咒者，持下去，自有光明徧照之日。

汝看趙州一生行腳、香林四十年打成一片、長慶坐破七個蒲團、懷玉大師念佛，念到臨命終時，見銀台來接引仍不肯去，再精進更精進，七日

頭現圓暉、金台來接、笙歌來迎，乃往西方。其弟子贊曰：

我師一念登初地，佛國笙歌兩度來，

唯有門前古槐樹，枝低祇為掛金台。

又廣東羅浮生華首臺，天然禪師有一弟子，看牛出家，未嘗讀書，性愚魯，但肯向學。師曰：『汝學佛法，拜觀音，求智慧，中夜方可睡。』此子日間，為常住服務，什麼都做，夜間拜菩薩，拜到中夜。如是長期拜，一拜拜了十三年。一夜，拜到九點時，見菩薩揮手，便去睡眠。師問：『何故早睡？』答曰：『弟子聽師教，拜到半夜，但亦聽菩薩話，菩薩揮手，所以我去睡。』師曰：『好，汝將菩薩拜到晃動。』不日，菩薩又問：『善男子，拜我求何物？』答：『我不知，問師答覆。』如是又拜三年，菩薩又問：『善男子，汝求何物！』答：『求智慧。』菩薩教飲佛前杯水，飲時身心透涼，六根清淨，得大智慧，所談佛法，勝過阿師了。此子後來當方丈，號異塵祖。

此乃一法修行，一直修，修到底，無有不成功者。

汝以本神力而擁護之。勿令一切災害。及不如意事。輒聞於耳。何況令受。

世尊勅地神，以神力擁護依地藏本願經一事修行者，令其順利用功，中間永無一切災害降臨其身；及不如意事輒聞其耳，打擾其辦道之心，何況令受。

本神力者，地神生長萬物，利益群生，故有神力；又擁護此經，及修行者，其神力更大。若不利人，何來有神力呢？三檀等施，屬無畏施。

非但汝獨護是人故。亦有釋梵眷屬。諸天眷屬。擁護是人

。

所謂『一人辦道，諸天辦供』。一人修行辦道，無量諸天擁護。若帝釋、梵王及諸天眷屬，皆發願擁護修行人，以報佛恩，所以稱護法諸天菩薩。古人說『三分修行，七分護法』啊！

何故得如是聖賢擁護。皆由瞻禮地藏形像。及轉讀是本願經故。自然畢竟出離苦海。證涅槃樂。以是之故。得大擁護。

何故得如是聖賢、梵王、帝釋、諸天眷屬擁護？

皆由此善男子、善女人瞻禮地藏聖像，及轉讀地藏本願經故。此人仗菩薩神力及地藏經法力，如風揚帆，修行順利，自然畢竟出離生死苦

海，直達涅槃彼岸，證諸法寂滅之樂。

諸天、梵王、帝釋，為報地藏菩薩昔日教化救度之恩，所以盡力，
大大擁護。

見聞利益品第十二

地藏經十三品，此第十二品。佛、法二寶已講完，且地神發願擁護學佛修法者。

此品是僧寶，梵語僧伽耶，此云和合眾。佛、法二寶和合，出生無量功德，是名僧寶。此品談僧寶具無量功德，利益眾生，若見若聞，皆得利益。僧寶指地藏菩薩，故名見聞利益品。

爾時世尊從頂門上。放百千萬億大毫相光。

佛寶屬覺，覺則諸法現前；法寶屬理，解理生智便是佛。非佛無以覺法；非得法無以成佛。佛、法不能相離，所以佛、法和合，出生無量功德，名曰僧寶。

當爾之時，世尊從頂門上——佛頂最上，更無有上；表佛、法和合，出生功德，此功德最上，更無有上。「放」者，出生也。百千萬億大毫相光，表佛、法和合，出生無量功德，一一功德，皆具法身德，故名大；一一功德具解脫德，故名毫相；一一功德，皆具般若德，故名光。如是大毫相光，即三德秘藏。佛、法和合，出生無量三德秘藏，以讚揚地藏菩薩僧寶功德，見者聞者，獲大利益。

所謂。

指法之辭。

白毫相光。

指布施。白是諸色之本，布施是諸法之本，內捨慳貪，外利眾生，能到彼岸，具解脫、般若二德，故名白毫相光。

大白毫相光。

三檀等施，三輪體空，見布施實相，具三德秘藏，故名大白毫。

瑞毫相光。

瑞者，吉祥也。持戒清淨，惡止善生，一切吉祥。

大瑞毫相光。

指見尸羅實相，具三聚淨戒，故名大。華嚴經云：『戒為無上菩提

本，是故具足持淨戒。』

玉毫相光。

指忍辱。忍則諸惡不生，煩惱不起，如白玉無瑕。

大玉毫相光。

指無生法忍。見忍辱實相，具無量功德。

紫毫相光。

指精進勇猛，修行一切善法。精而不雜惡法，進而不退善法。

大紫毫相光。

指身心兩忘，不見有精進相。離妄名精，悟理名進，故名大。法句經云：『若起精進心，是妄非精進，若然心不起，精進無有涯。』

青毫相光。

指禪定。青屬東，東方是群動之首，動中有不動，是定亦然。對境心不動，是名定。

大青毫相光。

指佛定。『那伽常在定，無有不定時』，即首楞嚴定。

碧毫相光。

指般若——能空一切相，破一切執，成一切智，到涅槃之彼岸；如碧玉，一切玉中最貴者。

大碧毫相光。

指出世般若。般若為前導，導一切法到彼岸，周徧法界，無一法不是佛法。

紅毫相光。

指方便。能令眾生祛黏解縛、斷惑證真，如紅光照大千。

大紅毫相光。

指一乘方便。能令三乘人，開權顯實；所謂『開方便門，示真實相』。

綠毫相光。

指願。發願入生死，度苦厄，是艱難之事；如綠葉蔭覆群生。

大綠毫相光。

大願度生成佛。我不入地獄，誰入地獄！發僧那於始心，終大悲而付難。

金毫相光。

指力。以神力度人，離苦得樂，如金寶。

大金毫相光。

指佛十力。具足度眾生之力。

慶雲毫相光。

指智度。佛法大海，惟智能度；如慶法雲，覆生死海。

大慶雲毫相光。

指一切種智。慶法界雲，蔭涅槃海。

千輪毫光。

指慈。能與世間種種之樂。

大千輪毫光。

指無緣大慈。與法界眾生出世之樂。

寶輪毫光。

指悲。能拔世間種種之苦。

大寶輪毫光。

指同體大悲。能拔分段、變易二生死苦。

日輪毫光。

指喜。隨喜別人種種功德，如日光照大地——萬物溫暖。

大日輪毫光。

指大喜。眾生先成佛，我則大喜矣！如地藏，『眾生度盡，方證菩提』；如阿難，『如一眾生未成佛，終不於此取泥洹』。如大日輪，普照萬物，悉皆果熟。

月輪毫光。

指捨。怨親俱捨，心月清涼。

大月輪毫光。

指大捨。所有一切功德，捨與一切有情。如大月輪，普照大地，皆得清涼。

宮殿毫光。

指三乘菩提，如登法王之殿。

大宮殿毫光。

指一乘菩提——我為法王，於法自在。

海雲毫光。

指三乘涅槃，覆生死海。

大海雲毫光。

指大般涅槃，覆法界海。

於頂門上。放如是等毫相光已。出微妙音。告諸大眾。天

龍八部。人非人等。聽吾今日於忉利天宮。稱揚讚歎地藏菩薩。於人天中。利益等事。不思議事。超聖因事。證十地事。畢竟不退阿耨多羅三藐三菩提事。

世尊在天宮上。最初含笑。放種種光明雲。出微妙音。讚歎眾生本具之性德。

現在世尊。從頂門上放百千萬億大毫相光。出微妙音。是讚歎眾生的修德。菩薩從性起修。修德有功。性德顯現。自性出生無量功德。能利益無量眾生。

前者性德。眾生本具不假修成。

後者修德。須仗佛力。法力。見佛聞法。佛。法和合。事理圓融。方能出生無量稱性功德。充滿法界。利益有情。

所以如來。從頂門上放如是等毫相光已。又出微妙音。告諸在會大

眾、天龍八部、人非人等，聽吾今日於忉利天宮，稱揚讚歎地藏菩薩，修成如是等功德，利益人天之事，乃「不思議事」——指地藏菩薩具不可思議神力，分身十方，拔三途苦、與人天樂事。

「超聖因事」，指地藏菩薩具不思議智力，說種種法，能度三界眾生，離生死苦，得涅槃樂事。

「證十地事」，指地藏菩薩，自證十地，又能化他證十地事。「畢竟不退阿耨多羅三藐三菩提事」，指地藏菩薩願力，能助眾生不退轉無上菩提，畢竟成佛事。

說是語時。會中有一菩薩摩訶薩。名觀世音。從座而起。
胡跪合掌白佛言。

天宮法會，唯觀世音菩薩與地藏菩薩德業相齊，所以觀世音菩薩出

來問法。

「觀音」是南海普陀觀世音，是大悲救苦觀世音，與地藏願力相同

。

世尊。是地藏菩薩摩訶薩具大慈悲。憐愍罪苦眾生。於千萬億世界。化千萬億身。所有功德。及不思議威神之力。

世尊，地藏大菩薩，具大慈悲心、大願力，憐愍造罪受苦眾生。在千萬億世界，化千萬億身，所有度生利他功德，及不思議神力，救苦之事。

我聞世尊。與十方無量諸佛。異口同音。讚歎地藏菩薩云。正使過去現在未來諸佛。說其功德。猶不能盡。

讚莫能窮之文。

觀音菩薩在忉利天宮，聞世尊與十方無量諸佛，異口同音，同時讚歎地藏菩薩。佛佛道同，一佛讚時，佛佛同讚。如阿彌陀經：『十方諸佛，出廣長舌，徧覆三千大千世界……，稱讚不可思議功德，一切諸佛所護念經』無異。

觀音又言：正使過去佛、現在十方佛、未來諸佛，盡說地藏利生功德，猶不能盡。利生功德，猶如湧泉，滔滔不絕，如何能用言語說得盡！可知地藏從性起修，行山高逾須彌，願海深過溟壑；況智慧神通，皆不思議，周徧法界，妙用無方，奚能以言說稱量哉！

向者又蒙世尊普告大眾。欲稱揚地藏利益等事。唯願世尊。爲現在未來。一切眾生。稱揚地藏不思議事。令天龍八部。瞻禮獲福。

剛才又見世尊，從頂門上放種種大毫相光，預備又稱揚地藏菩薩利益人天等事。唯願世尊，為現在未來一切眾生，稱揚地藏不思議神力，如何利益人天之事。對眾宣揚，令天龍八部，瞻禮地藏，皆獲福利。

佛告觀世音菩薩。汝於娑婆世界。有大因緣。若天。若龍。若男。若女。若神。若鬼。乃至六道罪苦眾生。聞汝名者。見汝形者。戀慕汝者。讚歎汝者。是諸眾生。於無上道。必不退轉。常生人天。具受妙樂。因果將熟。遇佛授記。

讚觀音利生之文。

佛告觀世音菩薩：「汝常遊化娑婆，所以汝與娑婆世界的眾生，有大因緣。若天趣、若龍趣、若男、若女、若神道、若鬼道，乃至六道罪

苦眾生，聞汝名而稱觀音聖號者；見汝形而禮拜觀音聖像者；戀慕汝而心憶念觀音功德者；讚歎汝而受持讀誦觀自在章、耳根圓通章、普門品，為人演說者。如是等輩，向汝種善根，跟汝學習，仗汝神力，於無上道必不退轉。初則菩提心不退，次則菩提行不退，三則菩提念不退，心流入薩婆若海，世世常生人天不墮惡道。在人天道，修諸善法，具受微妙法樂，直至因圓果熟，遇佛出世，均受當來成佛之記。」

汝今具大慈悲。憐愍眾生。及天龍八部。聽吾宣說。地藏菩薩。不思議利益之事。汝當諦聽。吾今說之。觀世音言。唯然世尊。願樂欲聞。

許說之文。

佛告觀世音菩薩。未來現在諸世界中。有天人受天福盡。有五衰相現。或有墮於惡道之者。

先救天苦之文。

佛告觀世音：「未來現在，所有世界中，有天人享受天福，不知不覺天福享盡，當時五衰相現——一者頭上花萎，二者不樂本座，三腋下汗出，四衣服蒙垢，五天女捨離——不久命終，隨業受報，應墮三惡道者。」若不求救，決墮無疑。

如是天人。若男若女。當現相時。或見地藏菩薩形像。或聞地藏菩薩名。一瞻一禮。是諸天人。轉增天福。受大快樂。永不墮三惡道報。

獲救之文。

如是天人，若男（天子）、若女（天女）——指欲界六天，皆有男女——當五衰相現時，還可以救。怎麼救呢？只要見地藏菩薩像，至誠歸依地藏菩薩；或聞地藏名號，一心稱名懺悔宿世罪業；仰仗地藏神力，宿業消除，霎時罪滅福增——增加天福、再續天壽、復享天樂。罪業消除，故永不墮三惡道受報。娑婆百億帝釋，有一帝釋，五衰相現，尋詣佛所，求哀請救，佛為說法，便得見諦；衰相一時皆滅，重獲天福，歡喜踴躍，以愛語伽陀讚佛：『大仙應當知，我即於此座，還得天壽命，唯願尊憶持。』

何況見聞菩薩。以諸香華。衣服飲食。寶貝瓔珞。布施供養。所獲功德福利。無量無邊。

上來歸依稱名，尚增天福永不墮惡道，何況見聞菩薩以後，日日香花供養、衣服飲食奉獻、寶貝瓔珞布施，至誠供養；物供養、身供養、心供養、如法修行供養。仗菩薩神力、願力，及自供養力，所獲功德福利，現在未來無量無邊了。

復次觀世音。若未來現在諸世界中。六道眾生。臨命終時。得聞地藏菩薩名。一聲歷耳根者。是諸眾生。永不歷三惡道苦。

復以救天苦之次，觀世音，若未來現在一切世界中，所有六道眾生，其臨命終時，若得聞地藏菩薩功德洪名，一聲功德洪名，歷歷然入其人耳根。耳聞心知，心知方能耳聞，其人心內有菩薩名號，便有菩薩功德神力；仗菩薩功德神力，將其心內，所有業障種子，如湯銷冰、如明

破暗，破盡無餘。此人永生不造業，不再歷三惡道受苦。

此乃地藏僧寶神力，從佛、法兩寶和合而生。

何況臨命終時。父母眷屬。將是命終人。舍宅財物。寶貝衣服。塑畫地藏形像。或使病人。未終之時。眼耳見聞。知道眷屬。將舍宅寶貝等。爲其自身塑畫地藏菩薩形像。○上以聞名，尚有如是功德，何況塑像功德呢！

臨命終時，最好父母眷屬，將命終人的舍宅、財物、寶貝、衣服，盡行布施；捨與塑畫地藏形像，留存世間，受人供養，其功德更大。

更使病人未終之時，其眼能見、其耳能聞，知道眷屬，將自己舍宅、寶貝等物，爲其自身塑畫地藏菩薩形像。則病人心內，八識田中，自然有塑畫菩薩善根種子，此種子漸漸增長時，其威力不可思議。

是人若是業報。合受重病者。承斯功德。尋即除愈。壽命增益。

是人未合即死，而是業報合受重病者，承斯塑畫地藏僧寶功德之力，尋即病障消除，速得痊癒，而且增益壽命，長壽在世，修諸善法。

是人若是業報命盡。應有一切罪障業障。合墮惡趣者。承斯功德。命終之後。即生人天。受勝妙樂。一切罪障。悉皆消滅。

是人若是業報，今生福盡命盡，不可再住世間，應該捨壽。即承斯塑畫地藏功德力，所有一切罪障、十惡業障，合墮三惡趣者，一律消除

，剩盡無餘。命終之後，又承斯塑畫功德，即生人天二道，善根增長，常修善業，受人間、天道勝妙之樂。

復次觀世音菩薩。若未來世。有男子女人。或乳哺時。或三歲五歲十歲以下。亡失父母。乃及亡失兄弟姊妹。是人年既長大。思憶父母。及諸眷屬。不知落在何趣。生何世界。生何天中。

復以病苦之次，觀世音，若未來世，有男子女人，或乳哺時——嬰兒在襁褓時，須飲母乳，有的飲三年。所謂『三年哺乳，十月懷胎，母恩也。』能不回憶。三歲、五歲、十歲以下，亡失父母或祖母，乃至亡失兄弟姊妹同胞之親，是人年既長大，念此身之所從來，無不憶念生身父母，及憶想同胞兄弟姊妹。如是親眷別後，到底其識神落在何趣？（

指六趣。）生何世界？（近指各國，遠指十方世界。）生何天中？（指六欲天。）

是人若能塑畫地藏菩薩形像。乃至聞名。一瞻一禮。一日至七日。莫退初心。聞名見形。瞻禮供養。

欲知亡眷，落在何趣，令自心安，唯一辦法，塑地藏像，一瞻一禮；念地藏名，七日不退初心。如是聞名、見形、瞻禮、供養，七日一心、一心七日，打成一片，至誠所至，玉石為開，無不感應。故以七日為期，如是七日又七日，直到感應為止。

是人眷屬。假因業故。墮惡趣者。計當劫數。承斯男女。兄弟姊妹。塑畫地藏形像。瞻禮功德。尋即解脫。生人天。

中。受勝妙樂。

此乃眷屬蒙益之文。

若能七日聞名、見形、瞻禮、供養不退初心，亡者眷屬，假如因宿業而墮惡趣者，計劫受報，仰承陽間男女為父母、兄為弟、姊為妹，塑畫地藏形像，及瞻禮功德，尋即解脫惡趣之報，生人天中，受殊勝微妙之樂。

是人眷屬。如有福力。已生人天。受勝妙樂者。即承斯功德。轉增聖因。受無量樂。

所謂「福不唐捐」。是眷屬自己已有福力，生人天受殊勝妙樂者，即承此間男女代其塑地藏像，瞻禮功德，從人天勝福轉增為三乘聖因，

乃至畢生死苦，其福不盡，故云「受無量樂」。

是人更能二七日中。一心瞻禮地藏形像。念其名字。滿於萬遍。當得菩薩現無邊身。具告是人。眷屬生界。

上來冥益，未能親見亡眷生處，欲得顯益，須要更進一步。三七日中，一心恭敬、瞻禮地藏，至誠念菩薩名號，念到萬罪消除，萬福駢集，此時感應道交，見菩薩現無邊身，徧滿虛空——虛空即法身，法身無相，能現一切相；法身無聲，出大音聲，具告是人眷屬生界。

或於夢中。菩薩現大神力。親領是人。於諸世界。見諸眷屬。

凡夫有漏不能入三摩地，親見眷屬生趣，唯有在夢中，菩薩現大神力，親領行人神識，到諸世界，與亡者眷屬會面相見。

更能每日念菩薩名千遍。至於千日。是人當得菩薩遣所在土地鬼神。終身衛護。現世衣食豐溢。無諸疾苦。乃至橫事不入其門。何況及身。是人畢竟得菩薩摩頂授記。

此乃菩薩度生成佛之文。

上來禮念功德回向先人，未嘗為己事打算。除利亡者之外，更應為自己生死設想，求今生見諦。每日至誠念菩薩名千遍，至於千日，實行修稱念佛門，念念相續、念念無間，念成一片，念到一心不亂。又仰仗菩薩神力外助，己力、他力和合，菩提種子容易萌芽，善根容易增長。堪稱佛子，成就法器。

此時菩薩觀汝善根成熟，有進無退，是佛門的棟樑，即遣所在土地神、宅神、地方勢力鬼終身衛護，令汝一生衣服豐足，無諸疾苦。乃至世間橫禍、災難，亦不入汝門，何況及身。既無外患，又得菩薩護念，自己精進，終有一日，蒙菩薩摩頂，授當來聖果之記。

復次觀世音菩薩。若未來世。有善男子善女人。欲發廣大慈心。救度一切眾生者。欲修無上菩提者。欲出離三界者。
。

地藏菩薩是大願王能滿一切願。因能滿眾生之願，所以名大願王。復以禮念之次，「觀世音菩薩，若未來世，有善男子、善女人欲修行者」。修行全憑願力，所以發願要緊。

(一) 欲發廣大慈心。以無緣慈，偏緣法界有情，發願救度一切眾

生離種種苦。眾生苦盡那時休？四弘誓願，屬眾生無邊誓願度之願。

(二)欲修無上菩提，則一切不管，萬緣放下，不著有無，凡聖情忘，勇猛精進，直趣菩提。如古人云：『修行須是鐵漢，著手心頭便判，一切是非不管，直趣無上菩提。』四弘誓願，屬佛道無上誓願成之願。

(三)欲度自己出離三界，早日解脫生死，破除九十八使見思二惑。四弘誓願中，屬煩惱無盡誓願斷之願。

是諸人等。見地藏形像。及聞名者。至心歸依。或以香華衣服。寶貝飲食。供養瞻禮。是善男女等。所願速成。永無障礙。

上來三願皆美，但做事要有步驟。欲得成就，須假外緣，如萬物生

長，必假日光之緣；欲度大海，必仗舟航之力。佛種從緣起，但因無緣，難得成就。今日很好，得遇地藏願王，願力最大，能滿眾生之願，為我助緣。所以我們要至心歸依地藏菩薩，三寶中屬歸依僧寶。歸依之後，時時以香華、衣服、寶貝、飲食供養，表我敬意。還要一瞻一禮，如菩薩在我目前，我在菩薩前，彼此言行不遠，炙手可親，感菩薩神力功德流入我心。仰仗菩薩功德神力，自然所願速成，永無一切業障阻礙。

宋空觀寺，釋定法同僧俊歸依地藏菩薩。每月十齋日，模畫地藏像，禮拜供養，祈請菩薩應現。滿三年，有小沙門投宿寺廊間，定法聞之，出敬問訊。說一兩言，忽然不見。人異之，問定法曰：『沙門何言？』沙門言：『妙願已圓，意氣何短？』聞者皆云：『汝求見地藏，不念出要，故菩薩言，意氣何短。』定即發菩提心，欣求無上道果。感夢云：『前沙門者，是地藏菩薩也。汝求見我，不發菩提心，是故覺悟汝。汝模畫我像多，永不墮三惡道，捨壽生兜率天，慈尊下生日，得授佛記。

。我隨順汝，如影隨形，如水隨器。』寤後感淚如雨。

觀此文，地藏菩薩隨逐修行人，如影隨形，我們豈可不仰仗菩薩力，而單靠自力與生死魔軍作戰耶！

復次觀世音。若未來世。有善男子善女人。欲求現在未來百千萬億等願。百千萬億等事。

復以發心之次，「觀世音，若未來世，有善男子、善女人知一切唯心造，心包萬法，為自利、利他之故，而求世出世間萬億等願，成就將來萬億等事。」如阿彌陀佛，昔日在世自在王佛前發四十八願，而成就今日極樂世界莊嚴等事。

現在屬因，未來屬果。因中有眾多善願，果中就有眾多善事；因必有果，果不離因。故云「現在未來百千萬億等願，百千萬億等事」。

但當歸依瞻禮。供養讚歎。地藏菩薩形像。如是所願所求。悉皆成就。

好事多磨，善事難成。

唯有一心歸依地藏，瞻禮地藏，種種供養，稱揚讚歎，在地藏菩薩像前，至誠發願，仰仗願王之力，則所願所求悉皆成就。

宋千福寺內，東北角有地藏聖像，高一尺六寸，不知誰作，出何時代，惟相傳，靈異甚著，投宿禮懺，必獲感通。時一居士，年三十七，都無一齒，尋到像前，斷食祈請。夜半感夢，像來摩頂，徧體輕安。既寤，則生三十八齒。見聞靈異者，模畫設禮，皆得感通，不能盡記。

復願地藏菩薩。具大慈悲。永擁護我。是人於睡夢中。即

得菩薩摩頂授記。

菩薩願王，能滿眾生之願。恐未來之事，誰人肯信，故菩薩於睡夢中，預為先告，摩頂授記。

如法華經四安樂行品：有人受持法華經，即在夢中，見己修菩薩行，供養諸佛，蒙佛與記。乃至出家成道、轉法輪、入涅槃，未來妙事，一切在夢中顯現。

復次觀世音菩薩。若未來世。善男子善女人。於大乘經典。深生珍重。發不思議心。欲讀欲誦。縱遇明師。教視令熟。旋得旋忘。動經年月。不能讀誦。是善男子等。有宿業障。未得消除。故於大乘經典。無讀誦性。

若未來世，善男子、善女人有好學心，對於大乘經典深生珍重。大乘經典，超世出世，其理甚深，故發不思議之心，才能解不思議之經。凡學誦經者，眼看、口讀、心惟，或誦其文，思惟其義，隨文入觀，此乃讀誦之法。倘遇「高明之師，仰仗師力，教視令熟，而旋得旋忘，經年歷月，不能讀誦者。是善男子等，有宿業障，未得消除，故於大乘經典，無讀誦之性」。宿業有二：一者吝法。有人問法，識而不教，吝而不與，因此有業。如五台山法雲比丘是也。二者障人說法、障人學經、障人讀誦，失智慧種。來生窒礙，故於大乘無讀誦性。

如是之人。聞地藏菩薩名。見地藏菩薩像。具以本心。恭敬陳白。

以地藏之名，從智慧而生；大士之像，由功德而立。故應稱名、禮

像，恭敬陳白本心；由恭敬故，引發慧性。

更以香華。衣服。飲食。一切玩具。供養菩薩。

昔日障他獲罪，今日供養贖罪。「香華」表發菩提心，「衣服」表寂滅忍，「飲食」表增長慧命，「玩具」表遊戲神通，以此至誠供養希贖前過。

以淨水一盞。經一日一夜。安菩薩前。然後合掌請服。迴首向南。臨入口時。至心鄭重。

「淨水」表八功德水自天真，能洗宿世業垢；「一盞」表制心一處；「經一日一夜」，表癡滅慧生；「安菩薩前」，求三昧力加持，然後

合掌恭敬請服。「迴首向南」，不忘本尊地藏大士居此土之南。臨入口時，至誠無妄，鄭重祈求。諺云：「八十公公入屋堂，真誠不是小兒戲。」此之謂也。

服水既畢。慎五辛。酒肉。邪淫。妄語。及諸殺害。一七日或三七日。

戒慎之文。

上來供養如服藥，此處忌犯如戒口，能療宿障之病。楞伽經云：「一切肉與葱，及諸韭蒜等，種種放逸酒，修行常遠離。」

梵網經云：「慎五辛，大蒜、薑葱、慈葱、蘭葱、興渠。」酒為過患源，淫為生死本，肉傷慈悲心，酒斷智慧種，妄語心不實，殺害傷生命。佛法只有度生，無殺生之理。如是統統戒除，因戒生定，因定發慧。

。一七乃至三七日，亦不過尅期感應，非得後不戒也。

是善男子善女人。於睡夢中。具見地藏菩薩現無邊身。於是人處。授灌頂水。其人夢覺。即獲聰明。應是經典。一歷耳根。即當永記。更不忘失一句一偈。

發慧之文。

是善男子、善女人依法修持，精誠所致，感於睡夢中，具足照見地藏菩薩現無邊身，法身也——法身清淨，猶如虛空，無有邊際，故名無邊身。既見無邊身，則自心清淨，宿業消除，蒙菩薩親手以三昧水灌頂門，則得真智慧水矣。其人從夢醒來，即獲聰明，「應是一切經典，一歷耳根，即當永記」，獲聞持陀羅尼。「更不忘失一句一偈」，又獲憶念陀羅尼耳。一念祈求，三障俱轉。變愚癡而成聰明，煩惱障轉矣！得

見無邊身，業障轉矣！耳聰眼明，永記不忘，報障轉矣！

復次觀世音菩薩。若未來世有諸人等。衣食不足。求者乖願。或多病疾。或多凶衰。家宅不安。眷屬分散。或諸橫事。多來忤身。睡夢之間。多有驚怖。

貧窮眾苦之文。

復以求慧之次，應求福。無福之人，眾禍齊至，眾苦逼迫，生不如死。

觀世音，若未來世，多有諸人，衣食缺乏——衣不蔽體，食不充饑，擬來求謀，無一遂意；又多疾病終年纏繞；每見凶衰，時時降臨；家宅多事，吵鬧不安；眷屬不和，支離分散；或橫禍事，多來忤身；睡召惡夢，神魂驚怖。

如是人等。聞地藏名。見地藏形。至心恭敬。念滿萬遍。是諸不如意事。漸漸消滅。即得安樂。衣食豐溢。乃至於睡夢中。悉皆安樂。

轉禍為福之文。

如是人等，須醒宿世業報所感，致令今世備受眾苦。今聞地藏菩薩名，應該至誠稱念，而求懺悔；或見地藏形，至心作禮，而求懺悔。恭敬禮念，念到萬罪消除、萬福駢臻，是諸不如意事，漸漸消滅；罪滅福生，即得身心安樂，家宅大小平安，豐衣足食——日安，乃至睡夢亦安。

復次觀世音菩薩。若未來世。有善男子善女人。或因治生

。或因公私。或因生死。或因急事。入山林中。過渡河海。乃及大水。或經險道。

旅途險難之文。

復以轉禍之次，應求出入吉祥，旅途平安。

觀世音，若未來世，有善男子、善女人，或因治生（出外謀生），或因公私（公事私事），或因生死（報生告死之事），或因急事（官府、盜賊、水火倉卒之事）。

如是等事，須跋涉長途、登山涉水、過河渡海、遠涉汪洋、經歷險道。

是人先當念地藏菩薩名萬遍。所過土地。鬼神衛護。行住坐臥。永保安樂。乃至逢於虎狼獅子。一切毒害。不能損

之。

出入平安之文。

是人既因事出門、旅行，遠涉險路，難免有虞，要先念地藏菩薩功德洪名萬遍，「萬」者足也。念到滿足，故名萬遍，非一萬聲。既念菩薩念到滿足，則感應耳。所過土地、鬼神衛護，行住坐臥永保身心安樂。乃至逢於虎、狼、獅子，各行各路，兩不傷害。菩薩威德、神力加護，旅途平安無難矣！

佛告觀世音菩薩。是地藏菩薩。於閻浮提有大因緣。若說於諸眾生。見聞利益等事。百千劫中。說不能盡。

佛告觀世音菩薩：「是地藏菩薩，在閻浮提與眾生有大因緣，其對

眾生見聞利益等事，百千劫中，說不能盡，何況在十方世界，見聞利益之事。」

是故觀世音。汝以神力流布是經。令娑婆世界眾生。百千萬劫。永受安樂。

流布此經之文。

因是之故，觀世音，地藏菩薩有如是大神力、大願力，利益人天之事，說之不盡；唯願仁者，以大神力流布此經，令娑婆世界眾生，百千萬劫，永受人天之樂，及出世涅槃之樂。

總結此品。上來所說，則地藏先後利益人天之事，而進入三乘超聖因事，再從三乘進入證十地事，乃至畢竟不退阿耨菩提事。則地藏度人成佛過程，一目了然。其功德巍巍，充滿法界，亘古至今矣。

爾時世尊而說偈言。

此乃重頌之文。何意有重頌：

- (一)隨國土：天竺有散華、貫華之說，此土有序、后、銘。
 - (二)隨生解：有於散說得解，有於章句得解。
 - (三)隨樂欲：有樂散說，有樂章句。
 - (四)隨利鈍：利者一聞即悟，鈍者再說乃悟。
- 因此四義，故有重頌。

吾觀地藏威神力。 恒河沙劫說難盡。
見聞瞻禮一念間。 利益人天無量事。
若男若女若龍神。 報盡應當墮惡道。

至心歸依大士身。壽命轉增除罪障。
少失父母恩愛者。未知魂神在何趣。
兄弟姊妹及諸親。生長以來皆不識。
或塑或畫大士身。悲戀瞻禮不暫捨。
三七日中念其名。菩薩當現無邊體。
示其眷屬所生界。縱墮惡趣尋出離。
若能不退是初心。即獲摩頂受聖記。
欲修無上菩提者。乃至出離三界苦。
是人既發大悲心。先當瞻禮大士像。

一切諸願速成就。永無業障能遮止。
有人發心念經典。欲度群迷超彼岸。
雖立是願不思議。旋讀旋忘多廢失。
斯人有業障惑故。於大乘經不能記。
供養地藏以香華。衣服飲食諸玩具。
以淨水安大士前。一日一夜求服之。
發殷重心慎五辛。酒肉邪淫及妄語。
三七日內勿殺害。至心思念大士名。
即於夢中見無邊。覺來便得利耳根。

應是經教歷耳聞。 千萬生中永不忘。
以是大士不思議。 能使斯人獲此慧。
貧窮眾生及疾病。 家宅凶衰眷屬離。
睡夢之中悉不安。 求者乖違無稱遂。
至心瞻禮地藏像。 一切惡事皆消滅。
至於夢中盡得安。 衣食豐饒神鬼護。
欲入山林及渡海。 毒惡禽獸及惡人。
惡神惡鬼并惡風。 一切諸難諸苦惱。
但當瞻禮及供養。 地藏菩薩大士像。

如是山林大海中。應是諸惡皆消滅。
觀音至心聽吾說。地藏無盡不思議。
百千萬劫說不周。廣宣大士如是力。
地藏名字人若聞。乃至見像瞻禮者。
香華衣服飲食奉。供養百千受妙樂。
若能以此迴法界。畢竟成佛超生死。
是故觀音汝當知。普告恆沙諸國土。

囑累人天品第十三

囑是佛所付囑，累是煩爾宣傳。——從聖旨得名。

囑是頂受所囑，累是甘而弗勞。——從菩薩得名。

囑是如來金口所囑，累是菩薩丹心頂戴，從受授合論。
人者，意也。凡有所作，當善思惟、善籌量、善憶念，方名為人。

人根機利，天結使薄，容易學道。故佛將人天二眾，囑累地藏去度

經云：『頗有發願，令五道同日成佛否？』佛言：『不可以非器之
身，成無上道。要先化三趣，令得人天，然後乃可如願。』

此文甚合地藏菩薩先度三途生人天二道，然後以佛法而教化之。所
以如來以人天付囑地藏。

裴休丞相云：『嗚呼！生靈之所以往來者，六道也。鬼神沈幽愁之

苦，鳥獸懷猶穢之悲，修羅方瞋，諸天正樂，可整心慮，趣菩提唯人道為能耳。』人身難得，整心慮，趣菩提，唯人能。我們珍惜人身啊！

佛滅度後，諸大菩薩，各化一方，隨所應度，而至十方國土。唯地藏發願為幽冥教主，悲心偏向南閻浮提。物機所在，故特囑之。

如父臨終，不遺命遊學諸子，特將諸幼兒，付託在家長男，必使教令成才，毋傷我愛，故名人天囑累品。

此經十三品，從第一、二品明地藏能化之主，第三、四、五品明地藏所化之機，第六、七、八品明度生之緣，第十、十一、十二、十三品明成佛之因，能所緣因共合而成地藏本願經。稱佛名號品，是佛寶；較量布施，是法寶；見聞利益，是僧寶，最後以三寶功德結束全經，可稱洋洋大觀，度眾生方法，圓滿美善矣！

爾時世尊。舉金色臂。又摩地藏菩薩摩訶薩頂。

世尊舉金色（母陀羅臂），又摩地藏菩薩摩訶薩頂。前摩頂是慰勞度生辛苦，今摩頂是囑累勞煩救拔。前一手摩無量分身地藏頂，表一多自在；今一臂摩一頂，表本跡一如。

而作是言。地藏地藏。汝之神力。不可思議。汝之慈悲。不可思議。汝之智慧。不可思議。汝之辯才。不可思議。正使十方諸佛。讚歎宣說。汝之不思議事。千萬劫中。不能得盡。

讚德之文。

世尊在人天大會之前，又摩地藏之頂，付囑人天之眾，如國王將崩，將儲君幼兒託孤大臣一樣。子幼而國大，日久而心長，有說不盡之意。今日佛涅槃時至，將未度的人天囑託地藏去度，語重心長，所以連呼

地藏之名。而讚之，能勝此任也。

「汝之神力，不可思議」。

地藏從性起修，修成無量功德與法身和合，就能分無量身，到無邊世界廣度眾生。華嚴經云：『水銀和真金，可以塗佛像。功德和法身，處處應現在。』地藏一身分無量身，一一身又化無量身，每一身度百千萬億人，其神力若斯，誰人能思議呢？

「汝之慈悲，不可思議」。

地藏以智照理，破盡見思、塵沙、無明三惑煩惱，得見真如實相，與一切眾生同體。眾生有苦，就是我的苦；眾生有樂，就是我的樂。菩薩無樂，以眾生之樂為樂；菩薩無苦，以眾生之苦為苦。所以菩薩一定要拔眾生之苦，與眾生之樂，方才心安。所謂『同體大悲，無緣大慈』，此之謂也。其慈悲——拔苦、與樂之心，誰人能知其涯際，故云「不可思議」。

「汝之智慧，不可思議」。

地藏悟理生解，解理惑滅，惑滅智生。破無量之惑，生無量之智，照無量之理，出無量之法，度無量之眾。其智波羅密，度人到彼岸者，誰能識其數量呢？故云「不可思議」。

「汝之辯才，不可思議」。

地藏從根本智起後得智，親近恆沙諸佛，廣學無量道法。大用現前，巧妙無方，從實施權；施無量之權，逗無量眾生之機，說種種方便之法，無不藥到病除，聞法獲益。其方便度生之辯才，阿誰能思議呢？

「正使十方諸佛，異口同音讚歎、宣說汝之不思議事，千萬劫中，不能得盡」。大論云：『菩薩具足十地、六波羅密、十力、四無所畏、四無礙智、十八不共法等，無量清淨佛法。為眾生故，久住生死，不取阿耨菩提，而廣度眾生。如是菩薩，諸佛讚歎。』正地藏菩薩之謂歟！

地藏地藏。記吾今日在忉利天中。於百千萬億。不可說不可說。一切諸佛菩薩。天龍八部。大會之中。再以人天諸眾生等。未出三界。在火宅中者。付囑於汝。無令是諸眾生。墮惡趣中。一日一夜。何況更落五無間。及阿鼻地獄。動經千萬億劫。無有出期。

付囑人天之文。

前呼地藏愛語讚德；今呼地藏悲語付囑。「請記吾今日在忉利天中，於百千萬億，不可說不可說，一切諸佛菩薩、天龍八部之前，再以人天諸眾生等，未出三界在火宅中者，付囑於汝，由汝去度。無令是諸眾生，墮三惡道中，乃至一日一夜受苦；何況更落五無間獄，及阿鼻地獄，受無間苦、受無數苦，動經千萬億劫，無有出期。」

地藏。是南閻浮提眾生。志性無定。習惡者多。縱發善心。須臾即退。若遇惡緣。念念增長。以是之故。吾分是形。百千億化度。隨其根性而度脫之。

根性無定之文。

「地藏，是南閻浮提眾生，迷真起妄，惡業多端；從緣而出，千差萬別；近朱者赤，近墨者黑；好事難成，壞事易造；累劫積習所感，致令今生志性無定，種子起現行，多造惡業。縱聞佛法，始發道心，道力不勝業力，須臾即退；若遇惡友，親近惡緣，念念增長惡業，以是善退惡增。如是等人，云何可度！故吾曾分是形，隨其根性，變百千億身，示同其類，而化度之。」

地藏。吾今殷勤。以天人眾。付囑於汝。未來之世。若有
天人。及善男子善女人。於佛法中。種少善根。一毛一塵
。一沙一滴。汝以道力。擁護是人。漸修無上。勿令退失
。

付囑擁護之文。

「地藏，吾今日在天宮，殷殷勤勤，以天人眾，付囑於汝。」因人
天二道是法器，人根機利，天結使薄，且六根具足，學道易，可以造就
，堪修菩提。

「未來之世，若有天人及善男女等，於『佛』福田種善根，於『法
』福田種善根，乃至一毛之輕、一塵之小、一沙之細、一滴之微，只要
少許善根，種在八識田中，汝須以道力，在在處處，擁護此人漸漸修行

，增進無上菩提，切勿令其退失善根，則幸甚矣！」何以故，人身難得故。

處胎經云：盲龜浮木孔，時時猶可值。人一失命根，億劫復難是。海水深廣大，三百三十六，一針投海中，求之尚可得；一失人身命，難得過於是。

復次地藏。未來世中。若天若人。隨業報應。落在惡趣。
臨墮趣中。或至門首。

將墮之文。

復以擁護漸修之次。「地藏啊！未來末法之世，若天若人，臨命終時，隨業受報。」經云：『假使百千劫，所作業不亡，因緣會遇時，果報還自受。』不一定今生造罪入惡道，久遠劫前造罪，今日緣熟，亦受

果報；或今世造業，臨終受報。如是宿業、今業，落在惡趣，「臨墮之時，或至門首」，未入地獄前，請用方便，而救拔之。

是諸眾生。若能念得一佛名。一菩薩名。一句一偈。大乘經典。是諸眾生。汝以神力。方便救拔。於是人所。現無邊身。爲碎地獄。遣令生天。受勝妙樂。

「是諸眾生，不論有罪無罪，若能念一佛名、一菩薩名、大乘經典一偈一句。」是諸眾生，既口念，其心就念；口念心念，心念才能口念。其心既有佛法種子，「汝以神力，用異方便，而救拔之。於是人所，為現無邊身。」法身一現，地獄便空（因迷法身，故有地獄）。

經云：『法身流轉六道，處處皆聞。』法身一現，地獄即空。承此佛法善根及大士神力，遣令生天，受勝妙之樂。

昔僧俊，誦晉譯華嚴一偈『若人欲了知，三世一切佛，應當如是觀
，心造諸如來』即空地獄，事載記傳。

爾時世尊。而說偈言。現在未來天人眾。吾今殷勤付囑汝。
○以大神通方便度。勿令墮在諸惡趣。

人天二道是法器，可以修行悟道，故世尊說偈，將人天殷勤付囑於
地藏——以神通現身，以方便說法，而將護之，莫令墮在三惡趣受苦啊
。

爾時地藏菩薩摩訶薩。胡跪合掌白佛言。世尊。唯願世尊
。不以爲慮。未來世中。若有善男子善女人。於佛法中。
一念恭敬。我亦百千方便。度脫是人。於生死中。速得解

脫。

允度出苦之文。

「爾時」者，世尊在天宮付囑之時。地藏菩薩體佛慈意，一口答應，允度六道眾生，亦滿自本願。故云「唯願世尊，不以未來眾生為慮」。

如來滅度之後，「未來末法世中，若有善男女等，只要他在佛法中生一念恭敬，種下善根；既有成佛種子，我必用百千種方法，度脫此人，於生死海中，速得解脫」。

所謂『千里遠行，始於初步；千念萬念，不離初念。』最初一念，即感地藏菩薩度脫生死。

何況聞諸善事。念念修行。自然於無上道。永不退轉。

初念是成佛之因，「何況聞諸善事，皆去奉行，修諸善念，增長最初一念善苗」。只要善苗增長，則善法生而惡法滅。善法成熟，豁然大悟；又加地藏護念，自然於無上道，永不退轉。

說是話時。會中有一菩薩。名虛空藏。

大智文殊發起此經，我佛絕口讚揚地藏功德難量，唯虛空藏菩薩，才能容納。所謂『無一法不歸空如來藏故』。所以，最後由虛空藏出來，請問持經福利。

虛空藏菩薩經：此娑婆西，過八十恒河沙世界，有佛刹名一切香集依。其中眾生，成就五濁，佛名勝華敷藏如來。彼有菩薩，頂上有如意寶珠，無量釋迦毗楞伽寶，而為圍繞。此珠光明，蔽餘光明，悉滅無餘。其菩薩所有功德，唯除如來，餘無及者。

白佛言。世尊。我自至忉利。聞於如來讚歎地藏菩薩。威神勢力。不可思議。

如來為母說法，虛空藏即來隨喜法會，故始終備聞如來讚歎地藏之事。

「勢力」者，思益經云：『我投足之處，震動三千大千世界，及魔宮殿。』觀經云：『以智慧光，普照一切，令離三途，得無上力。』故云勢力。地藏菩薩，有大勢力，能空地獄。只要汝應以地獄空而得度者，菩薩即現大勢力，空地獄而度之。地獄能空，何況鬼道、畜生道而不空耶！能空三惡趣，令得人天樂，故云「威神勢力，不可思議」。

未來世中。若有善男子善女人。乃及一切天龍。聞此經典。

。及地藏名字。或瞻禮形像。得幾種福利。唯願世尊。爲未來現在。一切眾等。略而說之。

「未來世中。若有善男子、善女人乃及一切天龍，聞此經典而受持讀誦者；及稱地藏名而念念不忘者；或瞻禮地藏像而供養、恭敬者，得幾種福利？」

心是田主，得福由心。心讀誦、心稱名、心瞻禮，得幾何福？世尊略說。令未來眾生，慕福而修因，也是度生方便之一，故云「唯願世尊，略而說之」。

佛告虛空藏菩薩。諦聽諦聽。吾當爲汝分別說之。

諸佛無我說法，菩薩無我而聽；能所雙忘，打成一片，是真聽法。

今云「諦聽諦聽」者，約俗諦而說。先以欲鉤牽，後令入佛智，言受持此經，有如是等功德，令眾生慕德而持經，免種種災難，生種種善根。罪盡福圓，從世諦而入第一義諦，則眾生成佛有望。故云「吾當為汝分別說之」。

若未來世。有善男子善女人。見地藏形像。及聞此經。乃至讀誦。香華。飲食。衣服。珍寶。布施供養。讚歎瞻禮。

先約人道獲福。

若善男子、善女人見地藏形像，至誠恭敬，五體投地禮拜，及聞此經，乃至受持讀誦。信力為受，念力為持，對本名讀，背本名誦；日久有功，增長聞、思、修三慧。彌勒菩薩云：『福不趣菩提，二能趣菩提

。』指受持、讀誦之功也。

香華、飲食、衣服、珍寶，一切能捨，內除慳貪；一切供養，外敬菩薩。盡情讚歎，智慧由生；一瞻一禮，福德內長。如是善男女，即獲利益。

得二十八種利益。

一者。天龍護念。

諸天、龍天冥中護念。

二者。善果日增。

加修福慧，善果日增。

三者。集聖上因。

離相修善，積集聖因。

四者。菩提不退。

斷惑見眞，菩提不退。

五者。衣食豐足。

四事具足，為四聖種。

六者。疾疫不臨。

四大調和，身安道隆。

七者。離水火災。

三災遠離，不憂外患。

八者。無盜賊厄。

宿怨消除，無盜賊厄。

九者。人見欽敬。

溫良恭讓，人見欽敬。

十者。神鬼助持。

道高德重，神鬼助持。

十一者。女轉男身。

剛正無私，女轉男身。

十二者。爲王臣女。

植眾德本，爲王臣女。

十三者。端正相好。

有慧端正，有福相好。

十四者。多生天上。

修福勝妙，多生天上。

十五者。或爲帝王。

增修十善，或爲帝王。

十六者。宿智命通。

前因不昧，離塵修道。

十七者。有求皆從。

隨心所欲，而不踰矩。

十八者。眷屬歡樂。

親眷、法眷，同心學道。

十九者。諸橫消滅。

九橫不侵，百災屏除。

二十者。業道永除。

永不墮落三惡道報。

二十一者。去處盡通。

得一向志，所往無礙。

二十二者。夜夢安樂。

夜夢吉祥，身心安樂。

二十三者。先亡離苦。

祖禰超昇，離惡道苦。

二十四者。宿福受生。

非隨業往，宿福受生。

二十五者。諸聖讚歎。

自利利人，諸聖讚歎。

二十六者。聰明利根。

隨聞生解，穎悟敏捷。

二十七者。饒慈愍心。

大慈愍物，捨己為人。

二十八者。畢竟成佛。

功德回向，畢竟成佛。

上來二十八種，是人道持經修行，所獲福利。

復次。虛空藏菩薩。若現在未來。天龍鬼神。聞地藏名。禮地藏形。或聞地藏本願事行。讚歎瞻禮。得七種利益。

復以人道得益之次。若現在未來。天龍鬼神聞地藏名而稱念。禮地藏形而恭敬。或聞地藏本願事行。而稱揚讚歎。瞻禮供養。得七種利益。

一者。速超聖地。

神有五通，持經修行，增進漏盡通。

二者。惡業消滅。

鬼神無始宿業，仗地藏力，一律消除。

三者。諸佛護臨。

依此經修行，見同佛見、行同佛行、德同佛德，離佛不遠，諸佛護念。

四者。菩提不退。

斷惑見真，從真起修，菩提不退。

五者。增長本力。

修德有功，性德顯露，增加真如內薰之力。

六者。宿命皆通。

不違本願，以鬼神身，作護法事，方便度生。

七者。畢竟成佛。

擁護眾生，不退初心，積功累德，畢竟成佛。

爾時十方一切諸來。不可說不可說。諸佛如來。及大菩薩。天龍八部。聞釋迦牟尼佛。稱揚讚歎地藏菩薩。大威神力。不可思議。歎未曾有。

地藏是十地菩薩，『十地』功德圓滿，便證菩提，由本願故，不取正覺，所以地藏功德與佛相齊。其度生大威神力，是不可思議，唯佛乃能知之，餘無與等，故云「歎未曾有」。

是時忉利天。雨無量香華。天衣珠瓔。供養釋迦牟尼佛。及地藏菩薩已。一切眾會。俱復瞻禮。合掌而退。

佛說此經已，時帝釋天王是檀越，從始至終，在忉利天聞佛宣說，所以忉利諸天，最為歡喜。知地藏菩薩，本願利益人天；又廣度三途，上生人天，則天人增多，何樂如之！是以忉利天眾，雨無量天華（芬香馥郁），無量天衣（繢紛而下），無量珍珠瓔珞，供養本師釋迦牟尼佛（能說之教主），及地藏菩薩（能行之願王）。作如是供養已，一切在會大眾，俱復瞻禮教主及願王，合掌一心，恭敬而退；各還本處，護持此經。

回向偈

南無阿彌陀佛

願以此功德
莊嚴佛淨土
上報四重恩
下濟三途苦
若有見聞者
悉發菩提心
盡此一報身
同生極樂國

本會一切法寶，免費結緣，敬請愛護珍惜。

地藏本願經講記

印贈者：香光淨宗學會

地址：台北縣三重市中興北街一七九號

電話：(02) 8511-10955
傳真：(02) 8511-10953

淨空法師專集有聲版網 <http://www.amtb.org.tw>
淨空法師專輯簡體網站：<http://www.amtb.cn>
淨空法師英文網站……<http://www.chinkung.org>

承印者：沅展企業社

電話：(02) 2961-10155
西元二〇〇八年八月恭印壹仟本結緣

◆歡迎翻印 功德無量◆

真誠 清淨 平等 正覺 慈悲

看破 放下 自在 隨緣 念佛



本會法寶 · 免費結緣 · 絶無託人募款義賣 · 敬請明察 · 愛護珍惜

Printed in Taiwan (This book is not to be sold.)

FOR FREE DISTRIBUTION